

CIMELIA


0


598



598

CINELIA





1892. I. 55.

STANISLAI

SOCOLO

VII, SERENISSIMI

REGIS POLONIAE THEO-

LOGI, CONCIONES QUATVOR

apud eiusdem Maiestatem habitæ, præsen-
ti huic nostro sæculo imprimis
accommodatæ.

- I. Epithalamion Episcopi, cum sua sponsa Ecclesia, siue de
Consecratione Episcopi, in qua ritus, vetustas, myste-
ria & vsus Consecrationis Episcopi explicantur.
- II. Pro cultu & adoratione Iesu Christi in Eucharistiæ
Sacramento.
- III. De ultimo excidio Hierosolymitano.
- IIII. De vestitu hereticorum, & fructu hærescon.

VI. b. 456.



COLONIAE,

Apud Maternum Cholinum

Anno M. D. LXXXIII.

—Cum gratia & Privilegio Caesar. Maies-
tatis.

Teol. pol.


HOSEE II.

SPonsabo te mihi in sempiternum:
& spōsabo te mihi in iustitia, & iu-
dicio, & in misericordia, & in misera-
tionibus : & sponsabo te mihi
in fide, & scies quia ego
Dominus.

Cim. O. 598

REVERENDISSIMO
DOMINO, D. IOANNI AN-
DREAE CALIGARIO, EPISCOPO
*Brittonorensi, ad Serenissimum Stepha-
num Polonorum Regem, &c.
Nuncio Apostolico.*

STANISLAVS SOCOLOVI-
us Pacem & Gaudium.

ROFiciscenti mihi
VVarsovia, ac in hoc
ocium, quod mihi be-
nignissimus DEVS
per munificum Regē,
benigne ac liberali-
ter comparauit, post
tot belli, Aula, lon-
gissimarum peregrinationum iactatio-
nes, me referenti, tuamq; dexteram exos-
culari volenti: multa tu mecum de multis,
vt soles, humanissimè locutus es: vlti-
mum illud, quæ tua est summa pietas, ac
decoris domus domini incredibilis zelus,
me monuisti, ne hoc meum qualecunque
talentum, more serui nequam, sub terra
abscon-

EPISTOLA

absconderem, sed potius illo, quaecunque
 esset, rem Domino, ac patrifamilias meo
 quarerem. Recepi me omnia, quantum pos-
 sem, facturum, quæ tum sanctissimè mo-
 nebas: ac dum alij aurum, argentum, pre-
 tiosum lapidem, as, hyacinthum, purpurâ,
 coccumque bis tinctum, & bissum, cedros
 item, & id genus aliud preciosa materia,
 ad decus & ornamentum tabernaculi dō-
 mini, vestimentique Sacerdotalis, promp-
 tē & munificē conferunt: dixi me quoque,
 vel pilos caprarum, atque pelles apporta-
 turum. Cuius mea obedientia, ac data fidei
 principium dare volui ab illo ipso sermone,
 quem in augustissima illa primæ inau-
 gurationis tuæ Panegyri, præsentē Rege,
 Senatu, ac vniuersis Comitij, de ritu, my-
 sterijs, vetustate, usu Consecrationis Epi-
 scopi, tota denique dignitate, auctoritate,
 ac functione Pontificali habui. quem tum
 quidem, pro ratione temporis, breuiter &
 quasi in compendio explicauī: nunc autem
 multis sententijs quasi floribus quibusdā,
 antiquissimorum & sanctissimorum Pa-
 trum aspersum, ac veluti conditum, ad ei-
 us primum parentem & auctorem (nam
 ego nutricis tantum & alumni partes su-
 stineo)

DEDICATORIA.

*stineo) signum & testimonium cum mea
 incredibilis erga te observantia, tum recte
 & honeste dispensati otij mitto. Tu si dig-
 num iudicabis, alijs legendum trades: qui
 si non re & maturitate, novitate certe ar-
 gumentum se commendare poterit. Et contu-
 lerunt quidem alij ad hoc opusculum exor-
 nandum verba, alij sententias, alij argu-
 menta: tu vitæ illa tua præstanti ac vere
 Pontificia, exemplum & formam eius ip-
 sius Pontificis, quem Sancti Patres suis
 pulcherrimis depingunt coloribus, nobis
 representa. Cuius quidem rei non initia
 et inchoationes quasdam obscuras, sed per-
 fecta, & consummata quedam specimina
 nobis edidisti. Quis enim te, aut vitæ ho-
 nestate & sanctitate innocentior, aut de-
 votione, ac cultu diuino ardentior? quis in
 omnibus periculis ac discriminibus, pro Re-
 ligione Christiana subeundis audentior?
 quis in laboribus sustinendis, in ista tua
 affecta valetudine firmior? quis in depre-
 hendendis technis, & insidijs inimicorum
 Dei sagacior ac circumspectior? quis in om-
 ni retinenda veteri disciplina vigilantior
 quis in commonendis Principibus pruden-
 tior, simul ac liberior? quis in exornandis,*

DEDICATORIA

ac commendandis bonis, & Ecclesia Dei
dignis viris, magis prolixus, magis mu-
nificus? quis in admittendis & audi-
endis omnibus magis humanus & affa-
bilis? atqui hoc est nostrarum, vel tu-
arum potius Nuptiarum argumentum,
hæc sententia: quo quidem nomine te om-
nes amamus, omnes suspicimus, omnes tã-
quam hominem quendam diuinum cæli-
tùs in hanc Prouinciam demissum admi-
ramur. Certet igitur exemplum cum regu-
la, facta cum dictis, Episcopus cum for-
ma & specie Episcopi. quod cum abunde si-
ne omni monitore tua sponte facias, quid
aliud restat: nisi ut quam diutissime felix
& incolumis, honori diuino, Ecclesie utili-
tati, nostrum omnium instructioni viuas?
SOCOLOVII autem tui, cum apud te ip-
sum, tum apud utrumque, Regem cælestem
inquam, & hunc nostrum in terra sancte
& pie versantem STEPHANVM, a-
liosq; viros bonos, nunquam obliuiscaris.
Vtinam nobis diutius nostro ocio perfrui
liceat. Vale Antistes optime & vigilan-
tissime. Cracouia decimasexta Aprilis,
Anno Domini 1580.

STANISLAI SOCO-
LOVII DE CONSECRA-
TIONE EPISCOPI

Sermo.



IN AVGVRATIONI
ni atq; consecratio-
ni Diuini Hierache
inter sumus, magnæ
que arcani Sacra-
mēta oculis nostris
subijci cernimus.

Videō autem vos lo-
qui, quamuis taceatis, illudque à me expe-
ctare, dum, quid tandem sibi velint hæc
mysteria, quid hæ ipsæ tam proluxæ & mul-
tiplices Ceremoniæ, vobis explico. quā
re non ita quidem libenter & cupide, quā
necessario vobis morem gerendum esse du-
xi. Non libenter quidem: quod id à maio-
ribus nostris Sanctissimis viris in eo myste-
riorum genere palam & publice factita-
tum non sit. Quod prohibitum etiam à
multis, ne fiat: quod hæc diuina Sacramē-
ta arcano silentio sanctius & augustius

DE CONSECRAT.

coluntur: quod denique res tanti momenti breuiter explicari non possit, volumineque potius integro, quam uno breui Sermone, opus habeat. Necessario tamen, ne silentium locum calumnia det, ne quod lucem fugit, tenebrae esse existimetur: ne ea quae sacra sunt, dum non intelliguntur, prophana esse putentur: praesertim in ea eorum hominum multitudine: qui ea omnia, quae ignorant, blasphemant: quae autem naturaliter, ut bruta animalia, norunt, in his corrumpuntur. Nuptiae igitur istae sunt Sponsi & Sponsae, Episcopi & Ecclesiae, humanisq; diuina sancte & pie a sacris Antistitibus demonstrantur: his quae sub sensu cadunt, ea quae ab omni sensu, & oculorum intuitu sunt remota, materialibus ea quae materia caret: externis illa quae intus geruntur. Corporeis enim imaginibus, ait sacer Dionysius, quam diu corporeis compagibus inclusi sumus, nec omnino possumus mentem a consuetudine corporis auocare, sumus identidem ad memoriam coelestium rerum reuocandi. Neque virò vulgares quaedam aut prophanae haec sunt nuptiae, sed illae, ex quibus omnis Hierarchici ordinis ratio,

per

Dionys. Arc.
opag. de Ec-
cles. Hierar.
Cap. 1.

per quam vera Iesu Christi singulari ac
suo quodam modo dignoscitur Sponsa, pen-
det: unde omnis regiminis & gubernatio-
nis Ecclesiasticae oritur propago, per quam
illa ipsa continua & perpetua Spiritualis
& Apostolica generationis deducitur suc-
cessio, amplissimum & singulare Catho-
lica veritatis argumentum, illiusque se-
minis de quo Isaias dixit: Spiritus meus ^{Esai. 58}
qui in te est, & verba mea quae posui
in ore tuo, non recedent de ore tuo,
& de ore seminis tui, à modò vsq; in
sempiternum. Ex quibus item nuptijs
omnia sacramenta vim & initia sua su-
munt, & sine quibus nihil sanctum, nihil
ritè Deo dicatum esse potest. Hac enim con-
secratio, omnium consecrationum fons est
& initium: hoc ministerium, omnium mi-
nisteriorum principium & fundamentū.
Diuinus enim Pontificum ordo, ut Dionys. de
ait sanctus Dionysius, primus est eorū celesti Hie
ordinum, qui Dei participes sunt: & ^{rar. cap. 5}
idem vltimus. Primus quidem, quod
ex illo promanant reliqui omnes, &
sua accipiunt omnia. Vltimus autem
quod in eo desinit & perficitur om-
nis Ecclesiasticae & Hierarchicae rei

ornatus. Vt enim vniuersa Hierarchia in Iesum Christum definit, cuius ille caput est, sic vnaquæque in suum Pontificem. Pontificalis enim ordinis virtus per omnes transit, ac funditur rerum Sacrarum partes: & cum omnibus ordinibus sacris, propriæ Hierarchiæ mysteria operatur. Nam etsi Sacerdotes & Presbyteri aliqua per se conficiunt, non tamen sine his quæ Episcopi propria opera & consecratione fiunt.

Quarum nuptiarum, quæ vis, quæ natura sit, quò melius explicari possit, singulas earum partes eo ordine, & modo explicandas duxi. Inter quos scilicet contrahantur: quem Sponsorem habeant: quos auspices & exoratores: quæ earum circumstantiæ: quis modus, & ratio. Magnum & sublime, vt videtis, argumentum, sed & incundum ac pernecessarium simul: magno igitur studio vestro, magna deuotione opus habet: sed & ardentibus præcibus, vt hic Spiritus Dei, qui eorum arcanorum inuentor & perfector fuit, idem ipse interpretes & enarrator esse velit.

Qui igitur sunt illi, inter quos hæc tanta

ta contrahuntur nuptiae? quod tam præclarum & magnificum sibi mutuo spondētium par? Sponsus est Episcopus, Sponsa Ecclesia. Et quidem de Ecclesia plurima alio loco, & tempore dicta sunt. De Episcopo eiusq; munere, cuius est summa & prima in Ecclesia Dei dignitas & authoritas, nō committam, ut ipse aliquid ex meo sensu apud vos proferam, sed quid ipse CHRISTUS Dominus, quid Paulus, quid vetustissimi et Apostolici viri sentiant: quem virum, cuiusque honoris et dignitatis eum esse putent, paucis perstringam. Episcopum igitur, summus ipse Pontifex CHRISTUS Dominus, eum esse dicit: qui sit ille bonus pastor ouium: qui intret per ostium, quod ostium Christus est, & non aliunde. Cui ostiarius Spiritus sanctus aperiat: qui cog- Ioan. 10. noscat oves suas, & cognoscant eum oves eius: nominatim vocet eas, & vocem eius audiant: dux earum sit, vadat ante eas, & oves eum sequantur, quia vocē eius ex frequenti doctrina, & verbi predicatione cognoscunt: qui non modò mercedem fluxam & caducam non respiciat, non modò laboribus non defatigetur, non modò opibus & facultatibus suis non parcat, honoremq;

- remque suum non querat, lupis non cedat,
aut oues non deserat: non modo infamiam
paupertatem, exilium, carcerem non me-
tuat: sed vitam etiam ipsam, atque ani-
mam (si ita opus sit) libenter & promptè
Matth. 5. pro ouibus suis ponat atque profundat. qui
sit sal illud terræ, condiendo, & ab omni la-
be conseruando, omni Christiano populo
Ioan 8. comparatum: qui sit lux mundi: lucerna
Matth. 5. super candelabrum posita, quæ omnia im-
munda purget, sterilia fecundet, errantia
illustret, mæsta exhilaret, latetia prodat,
ac in lucem proferat: qui sit illa ciuitas in-
expugnabilis in monte posita, vndequaq;
Matth 6. illustris, & quæ obscurari nullo modo pos-
sit: oculus vniuersi: quo sano & simplici,
Matth. 16. totum corpus sit lucidum: quo deprauato
& lippiente, totum futurum sit tenebro-
sum: qui clauēs regni cælestis habeat: ut
cui aperiat, apertum sit: cui claudat, per-
petuo sit obseratum: qui potestate ligandi
& soluendi sit præditus: ut quodcunque li-
gauerit super terram, sit ligatum in cælis:
& quodcunque soluerit in terris, sit solutum
& in cælis: quorum detinuerit peccata, de-
tentæ sint: quorum dimiserit, dimissæ sint:
Ioan. 20. quem qui audit, Christum audit: quæ qui
Luc. 10. sper-

spernit, Christum, & qui misit eum, De-
um patrem spernit, & conculcat: quē qui ^{Matth. 24}
accipit, Christum accipit, & cum eo patrē
eius: Qui fidelis sit seruus & prudens, quē
constituit dominus super familiam suam,
vt det illi cibum tempore opportuno: qui
sit operarius messis eius, vt fructum adse- ^{Iuc. 10}
rat, & fructus eius maneat: qui de mun- ^{Ioan. 15}
do non sit, sicut & Christus de mundo non ^{Ioan. 17}
est: & claritatem habeat, quam dedit ei
princeps Pontificum Christus Iesus: quem
eundem testem, Et eritis mihi testes, in ^{Actuum 1}
Hierusalem, & in omni Iudæa, & Sa-
maria, vsque ad vltimum terræ. ami-
cum, iam non dicam vos seruos, quia ^{Ioan. 15}
seruus nescit quid faciat dominus ei-
us, sed amicos fratrem denique suum, ^{Matth. 22}
Nunciate fratribus meis, vt eant in
Galilæam, appellare solet.

Hunc eundem Paulus hominem dicit ^{Hebr. 8}
esse, ex hominibus assumptum, pro homi-
nibus constitutum in his quæ sunt ad De-
um, vt offerat dona & sacrificia pro pec-
catis: qui condolere possit his, qui ignorant
& errant: vt qui & ipse circumdatus est
infirmirate, & propterea debet exorare
atque offerre, quemadmodum pro populo,
ita

1. Par. 23. ita etiam pro semetipso pro peccatis. Qui non sumat sibi eum honorem, sed vocetur tanquam Aaron. Nam & Christus non semetipsum clarificauit ut Pötifex fieret, sed qui locutus est ad eum, Filius meus es tu, ego hodie genui te. Et alio loco: Tu es sacerdos in aeternum, secundum ordinem Melchisedech. Qui sit minister & adiutor Dei, ac dispensator ministeriorum eius, sapientibus & insipientibus debitor: ut fructum de profectu ouium consequatur: cui datum est ministerium reconciliationis, et posuit Deus verbū reconciliationis in ore eius: qui legatione fungatur pro Christo tanquam Deo exhortante per os eius: qui Christi bonus odor sit Deo, in his qui salui sunt, & in ijs qui pereunt: quem vult esse virum sine crimine, sobrium, ornatum, prudentem, hospitalem, doctorem, castum, sanctum, continentem, amplectentem eū qui secundum doctrinam est, fidelem sermonem: ut potens sit exhortari in doctrina sana, & eos qui contradicunt arguere: qui exemplo sit fidelibus, in verbo, in conuersatione, in charitate, in fide, in castitate. Cui subesse oporteat, tanquam ipsi Domino.

EPISCOPI

9

De cuius officio & dignitate, inter cæ-
 teros Patres & viros illos Apostolicos,
 Clemens Petri successor cum differeret, *Const. Apost.*
 Omnis sacræ scientiæ cum custodem *Li. 2. ca. 30.*
 esse dixit, mediatorem Dei & homi-
 num, in eo quod ad eum facit mini-
 sterio; doctorem pietatis, secundum
 DEVM parentem nostrum, qui per
 aquam & Spiritum regeneret nos in
 ius adoptionis filiorum Dei: Princi-
 pem & Ducem populi Dei, Regem
 atque Dinastam ΘΕΟΝ ΕΠΙΥΕΙΟΝ, hoc est,
 post Deum, terrestrem Deum, cui à
 nobis primus debeat honor, de eo
 enim, & illi similibus, scriptum esse
 docet; Ego dixi, Dijs estis, & filij altis-
 simi omnes vos. Et illud: Dijs non *Psal. 18.*
 maledices. Qui primum in omnibus *Exod. 20.*
 locum teneat; diuini honoris, quan-
 tum homini fas est, particeps; vniuer-
 si cleri caput; totius autem populi, in
 his quæ sunt ad Deum, princeps. Pau-
 li autem eorum arcanorum, quæ homini
 non est fas proloqui, vnicus & germanis-
 simus interpret Dionysius Areopagita, *2. Cor. 12.*
 quem post Apostolos Theologorum prin- *Dionys. de*
 cipem docti appellare solent, Episcopum di- *cælesti Hie-*
 cis *rar. cap. 1.*

cit esse. Virum diuinum, diuino numine afflatum, qui omni sacra disciplina sit præditus, perficiens ea quæ perficiuntur, omnemque sacerdota-lem doctrinam complexus; tradens item sacra pro cuiusque eorum dignitate, qui scienter & integrè præditi sunt Sacerdotum perfectione atque virtute; & in quo omnis, quæ eum attingit Hierarchia, purè absoluitur & cognoscitur.

Cùm enim ex doctrina Apostolica tres functiones, operationes, atque perfectiones, vniuersi Ecclesiastici ordinis statuatur, Incipientium καὶ ἀρχαίων καὶ διόκρισιν: quasi dicas, purgantem, ac discernentem, & separantem vim: quæ instituendis Catechumenis, ac illis qui primò initiantur, comparata est. Deinde eorū, qui instituti sunt sacrum φωτισμον, hoc est, illuminantē virtutem: quæ illis, qui per Baptismum ad diuinum & cæleste lumen adducuntur, inseruit. Vltimam autem, & cæteras in se complexam, omnium nobilissimam ac perfectissimam diuinam τελείωσιν: id est, eorū qui illuminati sunt, ac ad supremam perfectionem tendunt, per sacra mysteria & cæle-

lestem doctrinam, perfectionem atque consummationem. Et primam quidem illam functionem τῶν λειτουργῶν, hoc est, ministrantium esse dicit: secundam τῶν ἱερῶν, id est, Sacerdotum ac Presbyterorum: tertiam, utrasque in se complexam, diuinorum Hierarchiarum atque Pontificum: hocque illud est, quod in diuino Hierarcha, omnem quæcum attingit, Hierarchiam purè absolui & perfici docet. Sacra enim lex est diuina Hierarchia, per prima & summa, ea quæ posteriora sunt, ad diuinissimū deducit lumen: quæ quidē lex diuina est in omnib. ipsius creaturis, tā quæ aspectu sentiuntur quā quæ aspectū superāt, praeclarissimè instituta. Et inferiores quidē ordines, ad superiora transilire non possunt: diuiniore aut virtutes secundū suas proprias perfectiones, eas quæ inferiores sunt, in se cōplectuntur. D. verò Ignatius Ioannis Discipulus, eundē ita definit: Vt Episcopū esse dicit, q̄ omni principatui & potestati supereminet, & quoad homini licet, i. In epist. ad Smirnenſes.
 imitator Christi veri Dei; princeps sacerdotū, imaginē Dei referēs; Dei quidē propter principatū, christi verò propter Sacerdotiū. Nec. n. Rege quisquā
 b pra-

præstantior, aut quisquam similis ei,
in rebus creatis; nec Episcopo quic-
quam maius in Ecclesia, qui Deo cō-
secratus est; pro totius mundi salute;
quem qui honorat, à Deo honorabi-
tur; qui ignominia afficit, à Deo puni-
etur; sine quo nihil faciendum censet
earum rerum, quæ ad Ecclesiam spe-
ctant; neque baptisandum, neque of-
ferendum, neque Sacrificium immo-
landum, neque Oblationem celebrā-
dam, neque coniugij vnitatem faci-
endam, vt coniugium sit secundum
Deum, non secundum carnem. Qui
vbi comparet, ibi omnis sit Christia-
ni populi multitudo; quæadmodum
vbi Christus, ibi omnis astat exerci-
tus cœlestis; veluti Imperatori pote-
statis diuinæ, omnisque intellectualis
naturæ gubernatori dispēsatorique,
quæ reueri oportet vt Christum. Sic
enim nobis præcipiunt diuini Apo-
stoli. Cui qui non obtemperet, ille si-
ne Deo est, pietatis expers, Christum
spernens, eiusq; ordinationi resistēs,
sine quo nulla est Ecclesia, nulla San-
ctorum congregatio: absq; cuius au-
cto.

et oritate qui agit, foris est, inquinata
 tam habet conscientiam, infideli de-
 terior; qui enim Christi sunt, Episco-
 pi sunt; qui verò ab illo declinant, &
 cum impijs cōmunionē amplectū-
 tur, hi cū illis excindētur; nec enim
 Christi agricultura sunt, sed Diaboli
 semen. Sacerdotium enim est omni-
 um bonorū, quę in homine sunt, su-
 premus apex; qui aduersus illud facit,
 non hominem ignominia afficit, sed
 Deū & Christū Iesū primogenitum,
 qui natura solus est primus & sūmus
 Sacerdos. Laici. n. Diaconis, Diaconi
 Presbyteris Presbyteri episcopis, Epif-
 cop^o Christo, vt ipse Patri, subiicitur. *Nazianzenus*
Quem eundem Episcopum, NAZIAN- in apologeti-
ZENVS, atque sacer BASILIUS, duo co primo. Et
Catholica religionis clarissima lumina, il- in oratiōe de
lis pulcherrimis & verissimis depingunt laudibus A-
coloribus: dum cum Angelum Dei, can- thanasij. In
delabrum in Ecclesia Christi, sacerdo- sanere item
tem incruenta Sacrificia offerentem, parentis: In
illustrem animarum custodem, mag- exhortatione
ni DEI figmentum in manibus suis ad Episcopos.
portantem, Deum hominibus con- Basilii in
ciliantem, immortalis vitę Docto- Epist. 61.

rem, magnam vocem & tubam, sermonum Regalium viuificantem virtutem, columnam & firmamentum in domo Dei, scopulum eminentem, qui omnes fluctus errorum & persecutionum excipiat, frangat, & à populo Dei arceat; terrorem Hæreticorum, custodem Patriarum Legum, omnisque nouitatis hostem; securim petram scindentem, linguam flumini irriganti similem, cordis pfunditatem, fulgur celeritatis, sacri consilij apicem, sermonum mysticorum interpretem, ignem malæ & vitiosæ materiæ purgantem, ventilabrū quo à grauibz dogmatibus leuia discernuntur, gladium vitijs radices exscindentem, percutientibus Adamantē dissidentibus omnia inungentē Magnetem, veteris vitæ & doctrinæ exemplum appellare solent: quē item omnes necessitatum suarum nominibus compellent. Vt Virgines pronubium laudent, Coniuges moderatorem, Monachi legislatorem, simplices itineris ducem, speculationi dediti Theologum, hilares frenum
cala

calamitosi consolatorem, canicis
 baculum, iuuentus magistrum, pau-
 peres suppeditatorem, diuites dispen-
 satorum, viduæ patronum, pupilli
 patrem, peregrini hospitem, fratres
 fratrum amatorem, ægrotantes me-
 dicum, sani valetudinis custodem: *1. Cor. 9.*
 omnes deniq; cum, qui omnia om-
 nibus factus est, vt omnes lucrificiat.

*Quem oues sue ad illud tribunal, in quo
 sermo, & actio, & cogitatio cuiusque
 iustitiam, iusta Dei tritura expendetur, cum
 ipse Deus ad iudicandam terram surrexe-
 rit, vocaturæ sunt: vt qui ita fidem serua-
 rint, virtutemque coluerint, vt ab illo im-
 buti sunt. Quod si rectè exequuti su-
 mus, inquit Cyrillus, recipiemus mer- *Cyrl. 2p. 6.*
 cedem, imo & laudem cōsequemur;
 si verò aliter & peruersè, quæ nobis
 flammæ ad supplicia sufficient? Audi-
 emus enim illud: Terram meam per-
 didisti, & populum meum occidisti. *Esaiæ 14.*
 Et laicorum quidem quisque pro sua
 vita rationem reddet: nos aut, qui-
 bus Sacerdotum munus incumbit,
 non pro nobis ipsis duntaxat, sed si-
 mul pro vniuersis in CHRISTVM*

credentibus, causam dicemus.

Tanti igitur, & tam sublimis sponsi, hæ sunt nuptiæ: nam plura in eam partem dicere, nec res ipsa, nec tempus patitur.

Sponsor autem quis? non alius certe, quàm ipse summus Sacerdos & Pontifex Christus Dominus: quem Divus Ignatius primogenitum, & solum naturæ τὸν πατρός

Cap. 5. de Ec-
clesiastica
Hierarchia.

αρχιερεα vocat: quem Dionysius Θεαρχικόν καὶ πρῶτον ιεροτελεστὴν, hoc aut est, divinum & primū consecratorē appellare solet. Im-
mus enim Pontifex, primus Hierarcha Ec-
clesiæ suæ Christus est Dominus. Hic est uni-
versa illa discipulorū turba, quæ illū seque-
batur, elegit duodecim: quos Apostolos no-
minavit, quos postea ad cœnā primo, dein-
de in cælos ascensurus, Pontifices et sacer-
dotes illis verbis, illa cæremonia, creavit

Joan. 20.

atq; cōsecravit: Sicut misit me vivēs Pa-
ter, ita & ego mitto vos. Hoc cū dixis-
set, insufflauit, & dixit eis: Accipite spi-
ritū sanctū: quorū remisistis pecca-
ta, remittuntur eis: & quorum reti-
nueritis, retenta sunt. Hic idē dicit Pau-
lus: Ascendens in altum, dedit dona
hominibus. Et ipse dedit quosdam
quidem Apostolos, quosdam autem
Prophetas, alios verò Evangelistas,

Ephef. 4.

alios autem Pastores & Doctores, ad
 cōsumationem Sanctorum, in opus
 ministerij, in ædificationem corpo-
 ris Christi; donec occurramus om-
 nes in vnitate fidei, & agnitione filij
 Dei, in virum perfectum, in mensurā
 ætatis plenitudinis Christi. *Huic primo*
& summo Consecratori, Petrus cum om-
ni multitudine fratrum, presentavit Iose- *Actuum. 1.*
phum, qui vocabatur Barsabas, qui cog-
nominatus est Iustus, & Mathiam, cum
illa præfatione: Tu Domine, qui corda
 nosti omnium, ostende quem elegeris
 ex his duobus vnum, accipere lo-
 cum ministerij huius, & Apostolar⁹,
 de quo præuaticatus est Iudas, vt abi-
 ret in locum suum. *Non solum autem*
hic Consecrator est, sed etiam ipse præsens
huic negotio adest. Si enim vbi fuerint *Matt. 18.*
 duo vel tres, *inquit Ambrosius,* ibi se fu- *De ijs qui*
 turū promissit: quātō magis vbi est Ec- *myserijs iust.*
 clesia, vbi mysteria sua sunt, inuocat⁹ *ciantur Gal. 3.*
 precib. sacerdotū, ibi dignabitur suā
 impartire præsentiam. Credamus igitur
 diuinitatis hic adesse præsentiam.
 Operationem credimus, præsentiam
 non credimus? vnde sequeretur ope-
 ratio,

ratio, nisi præcederet ante præsentia?
 Huius autem Hierarchæ, quem summo loco
 confedisse videtis, manus nihil aliud sūt
 quàm visibile instrumentum, externum-
 què signum & symbolum illius invisibilis
 Sponsoris & consecratoris Iesu Christi. I-
 deoque summum & Principem, tanquam
 summi & principis Minister & Vicarius,
 in tota Ecclesia obtineat locum: Ideo om-
 nes, siue Presbyteri, siue Episcopi, submis-
 se ante illum inclinant capita sua. Ideo hic
 ipse Cōsecrator nihil omnino vel dicit, vel
 agit, non deniq. se loco mouet, nisi primum
 ope & auxilio impetrato desup à Patre lu-
 minū, à quo omne datū optimū, et omne do-
 nū perfectū promanat: ideo nihil ex sua p-
 sona loquitur, nihil sua facit autoritate.

Jacob. 1.

Ibid. cap. 3.

Nā & Moyses, inquit diuus Areopagita,
 sacrorum Legis mysteriorum inter-
 pres ac præfectus, non prius Aaronē
 ad Pontificalem dignitatem extulit,
 quem alioqui Deo charum esse, ac
 dignum Sacerdotio, existimauit: quā
 ad id agitatus DEO consecrationis
 principe consecrationis ritum & mu-
 nus, vt Pontifex, executus est.

Cogitandum est igitur diligenter et cō-
si.

sideratè, & illis qui consecrari debent, apud quem Antistitem atque Hierarchā se sistant: apud illum scilicet, quem iudicē uiuorum & mortuorum aliquando conspecturi sunt, Cogitandum item & Regibus atque Principibus, omnibusque illis, quibus Pontificis deligendi ac designandi potestas & auctoritas credita est: quem, & qualem virum, & quibus ex causis & meritis, huic tanto Pontifici & Hierarcha offerunt, ne falsi & mendaces testes inueniantur apud Deum & homines. Neque enim facile est Deum fallere, magnūque Dei oculum, omnia cernentem, effugere. Illud item sciendum, nihil huic ipsi Pontifici difficile, nihil arduum, nihil ad efficiendum impossibile: earum præsertim rerum, quarum administer ac dispensator constitutus est, fore: qui tantum & tam potentem auctorem & consecratorem habeat: modò ipse ignauus & ociosus esse nolit: modò ipse officio suo non desit: modò in omnibus cæptis ac institutis suis, ad suum patrum & aduocatum recurrat.

Sponsore earum Nuptiarum explicato, ad Nymphostolos, siue Paranympchos, quos Latini Pronubos, nuptiarumque au-

DE CONSECRAT.

spices, vocare solēt: hoc autē est, exoratores
 instructores, exornatoresq; nuptiarū, trā-
 seamus. Omnes Prouincia Episcopi hi esse
 debent. Sic n. prima Nicæna statuit Sy-
 nodus: Episcopū, inquit, cōuenit maxi-
 mē quidē ab omnib; qui sunt in Pro-
 uincia, Episcopis ordinari. Si tamen
 hoc difficilē fuerit, aut propter instā-
 tē necessitatē, aut ppter itineris lon-
 gitudinē: tribus tamē omnimodis in-
 idipsū cōuenientib; & absentib; ta-
 mē pari modo decernentibus, & per
 scripta cōsētiētibus tū ordinatio cele-
 bretur. Nā & Mathias presentib; vnde-
 cim, in locū de quo preuaticatus est Iudas,
 sufficitur: et Saulus et Barnabas, eodē mo-
 do. Erant, inquit, in Ecclesia q̄ est Anti-
 ochiæ, Prophetæ & Doctores: dixitq;
 Spiritus sanctus: Segregate mihi Sau-
 lū & Barnabā, in opus ad q̄ assump-
 si eos. Tunc ieiunantes & orantes, im-
 ponentesq; eis manus, dimiserunt
 illos. Neque verò frustra & temere, tot,
 & tantis testibus, hoc ipsum nititur Con-
 gium. Cum enim Episcopus dux sit cæco-
 rum, medicus agrorum, doctrinæ custos,
 forma gregis: prouidendum erat diligen-
 ter.

Act. 1.
 c. 13.

ser, ne in ipso duce aliquid erroris, in medico pestis & agritudinis, in doctore & magistro stultitiæ & ignorantiæ, in forma & exēplo gregis, aliquid turpitudinis & deformitatis insit ne mercenarius p pastore, Matth. 6. ne lupo pro stabulario, nefur & latro pro doctore subrepat. Si .n. ocul⁹ fuerit neq̃ totū corp⁹ tenebrosum erit. Si lumen tenebræ sūt, ipse tenebrę quales erūt? Nihil earū rerū huius seculi Heretici faciunt. Vana quis gloriæ ac popularis auræ astropcitus: ira ac odij facibus accensus: libidinis & cupiditatis ignes non ferens: duro telo paupertatis pressus: ausus quid breuib⁹ Gyaris & carcere dignū: ad istos confugit, se Ducē, Doctore, Hierarchā constituit: accipitur, auditur, laudatur, omniaque flagitia illi facile condonantur, modo impia dogmata & ipse sequatur, & alios doceat. Ideo semper paruuli fluctuantes sunt, ideo circumferuntur omni vento doctriæ, in nequitia hominum, in astutia ad circumuentionem erroris: ideo nunquā Ephes. 4. sibi constāt: ideo nusquam locum habent, ubi constanter desigant pedem.

Et pronubi quidem nostrarum nuptiarum sunt hi, Circumstantiæ autem illæ.

Tempus

Ep. 18. 29. *Tempus quidem, diei Dominici, hora tertia. Idquo vetustissimo more.* Solā enim maiores nostri inquit sacer Leo, resurrectionis Dominicæ diem eo honore dignam iudicauēre, vt sacerdotes qui sumantur, hoc die potissimum consecrentur: nam quicquid est à domino insignius constitutum, in huius diei dignitate est gestum. In hac mundus sumpsit primum exordium. In hac per resurrectionem Christi, & mors interitum, & vita accepit initium: In hac Apostoli à Domino prædicandi omnibus gentibus tubam sumunt, & inferendum vniuerso mundo sacramentum regenerationis accipiunt: In hac congregatis in vnum discipulis, Dominus dixit; Accipite Spiritum sanctum: quorum remiseritis peccata, remittuntur eis: & quorum detinueritis, detenta sunt. In hac denique promissus à Domino Spiritus sanctus aduenit: Et repleti sunt omnes Spiritu sancto, & cœperunt loqui varijs linguis, prout Spiritus sanctus dabat eloqui illis: vt cœlesti quadam regula insinuatum & traditum

tum nouerimus: in illa die celebranda nobis esse mysteria Sacerdotaliū benedictionum, in quo collata sunt omnia dona gratiarum.

Locus autem, Templum Deo consecratum, Altare Iesu Christi: Nam & illi primi Diuini Hierarchæ atque Pontifices sancti Apostoli, erant in Cænaculo ample & magnifice instructo, erant ad communem mensam, tum quando Sacerdotes & Pontifices creati sunt. Cæna enim facta, veteri & typico Sacrificio & Sacerdotio perfecto atque consumato, Lege charitatis & humilitatis per submissam lotionem pedum firmata, nouo reficiuntur cibo, atque ex nouo bibunt calice: nouum instituitur Sacrificium: noui recentis Sacrificij Ministri ac Sacerdotes: ita ut mensa illa cælestibus refecta dapibus, pars inaugurationis & consecrationis eorum fuerit. Eodem modo, dum Saulum, & Barnabam in opus ministerij elegit Spiritus sanctus, dicit Scriptura: Ministrantibus illis domino, (quod Græcis mysticam significat oblationem) & ieiunantibus, id factum esse. Indequæ profectum est, ut nulli Ordines sacri, ex illis qui maiores

Ioh. 13.

Actum 13.

Cap. de Ec-
clesiastica
Hierarchia.

Cap. 4.

iores dicuntur, sine hac mensa, sine hoc altari, ipsaque sacrorum mysteriorum communicatione & oblatione conferantur: quod iam tum ab Apostolorum temporibus profectum, & institutum esse, testis est D. Arcopagita, qui dicit: Nullum licere sacramentum perfici Hierarchici muneris, absque diuina Eucharistia. Hoc siquidem Sacramentum, omnium bonerum fons est & origo: per hoc tanquam per mundissimum canale, omnes perferuntur gratia, ut sint in fontem aqua salientis in nobis in vitam aeternam. Huius Sacramenti rite conficiendi causa, omnes sacri Ordines instituuntur, & per hoc firmantur. Hoc mysterium est omnium diuinorum operum ac mysteriorum arabo, & ultima ob-signatio.

Cum igitur nobis demonstratum sit, inter quos haec ipse nuptiae contrahantur: quis nuptiarum Sponsor: qui auspices & promubi: quis locus & tempus: nunc modum ipsum, in quo summa huius argumenti consistit, de sponsationis eius texamus. Adducitur igitur in primis nouus Sponsus ab exoratoribus atque pronubis, ad diuinum Hyerotelestem. Neque enim primis illis celestibus

lestibus, ac verè aureis temporibus inuadebantur Episcopatus, neque illi qui Episcopi creabatur sponte currebant, aut Episcopatus fraude & violenter occupabant: sed querebantur, sed ducebantur, sed vi et precario pertrahebatur. Sic Basilium deserta & solos locos sequentem, prodidit Chrysostomus: Basilium Gregorium. Sic Astemius orientis Praefectus, Theodosij mandato, dolo & insidijs ipsum Chrysostomum capit, ac planè vinctum ad prehendum Constantinopolitanum Patriarchatum mittit: Sic Gregorius Magnus alieno vestitu in spelunca delituit, donec indicio ignea columna proditus est: Sic Nilamon Monachus mortem sibi potius à Deo impetrauit, quam ut à Theophilo ad Episcopatum pertraheretur: multi se ipsos truncabāt, ne Episcopi fierent. Quā maestā illa vox, Isaia verbis usurpata, Nazianzeni fuit, posteaquam Episcopus Sasimorum creatus est: Super me, inquit rursus vinctio & Spiritus, & rursus ego lugens & tristis incedo. Nam profecto, inquit, ars quaedam artium & scientiarum mihi esse videtur, hominem regere animal. omnium maximum,

In Apolog.
tico ad Patrē

mèvarium & multiplex. Vt quem-
admodum in sublimi & pendulo fu-
ne gradientibus; huc vel illuc defle-
ctere minimè tutum est, nec quæli-
bet parua inclinatio paruum pericu-
lum adfert: verum eorum salus ac sa-
nitas in æquilibrio posita est; ad eun-
dem quoque modū vtramvis in par-
tem quispiam, siue ob vitium, siue
ob imperitiam propendat, haud leue
periculum tum ipsi, tum subditis im-
minet, ne in peccatum prolabatur.

*Nunc turba ruit. Neque cuiusquam rei
tanta seges & vbertas est, quam vacante
Episcopatu, candidatorum: tanquam non
virtutis exemplum, sed vita adiuventiū
& subsidium, hunc ordinem esse iudicent:
ac non munus reddenda rationi obnoxiiū,
sed imperium liberum ac referendarum
rationum metu solutum. Et ideo verendū
est, ne illud exaudiant: Ipsi regnauerunt,
& non ex me: Principes extiterunt, & e-
go ignoravi. Quod metuo, ne ipsi fructus,
atque hæc omnium rerum perturbatio, a-
bunde doceat.*

*Ducitur igitur ad suum Sponsorem no-
uus Sponsus: ducitur autem in vestitu &
appa-*

apparatus candido, propter designationem illius candidæ & nuptialis vestis: sine qua qui ingressus ad nuptias fuerat, electus est in tenebras exteriores. Nemo enim magno & Deo, & Sacrificio, & Pontificatu, dicit Gregorius, dignus est, nisi prius seipsum Deo hostiam viuente & sanctam exhibuerit, rationabileque cultum gratum atque acceptum ostenderit, Deoque Sacrificium laudis, spiritumque afflictum atque contritum obtulerit. Vestis ergo candida, innocentie velamina indicat. Ducitur in veste & ornatu Presbyterali atque Sacerdotali. Neque enim in primeua illa Ecclesiasticuit quenquam Episcopum creari, qui non per omnes Ecclesiasticos gradus transferit, qui non per multos annos functiones omnium Ordinum exercuerit. Vnde illa laus Cornelij apud beatissimum martyrem & Pontificem Cyprianum: Non iste, inquit, ad Episcopatum subito peruenit, sed per omnia Ecclesiastica officia promotus, & in diuinis administrationibus Dominum sæpè promeritus, ad Sacerdotij sublime fastigium, cunctis religionis gradibus as-

Matt. 22.
In Apol'oti-
tico primo.

Li. 4. epi. 2.

cendit; nec, vt quidam, vim fecit vt Episcopus fieret, sed ipse vim passus est vt Episcopatum coactus exciperet.

In laudibus
Athanasij.

Eodem modo Gregorius laudat Athanasium, laudat Basilium. Athanasium quidem, Cunctis, inquit, Ecclesiasticorum graduum muneribus deinceps perfunctus, Alexandrino populo, quod idem est ac si dixisset, vniuerso terrarum orbi, præficitur. Basilium verò. Or

In laudibus
Basiliij.

dine, inquit, & Spiritualis progressionis lege, hoc eum honore affecerunt. Et adfert hac de re suum iudicium: Nauticam legem præclaram censeo, quæ gubernatori primum remos committit, deinde ad proram collocat: sicque prioribus muneribus commissis, tandem eum post diuturnam maris verberationem ac ventorum gubernationē, ad gubernacula constituit. Eadem rei militaris est ratio. Miles primò, deinde Centurio, tum Imperator, hic optimus ordo est: ipsæque qui subsunt in primis conducibilis.

Hebr. 4.

Sed & ipse pastor pastorum Iesus Christus, per omnia primum tentatus est pro
simi-

similitudine absque peccato, priusquam
Pōtifex factus est, ut possit compati infir-
mitatibus multorum. *Negocia enim o* *Apud Nice-*
portet gerere Epūm, inquit Synesius, *phō. lib. 14.*
quæ simul omnes tangūt. Quæ enim
communia omnium sunt, vnum ip-
sum curare opus est, nisi criminibus
omnibus obnoxius esse velit. Cum
inferiorum ordinum culpæ, *scribit S. Epistol. 3.*
Leo, ad nullos magis referendæ sint,
quàm ad desides negligentēque re-
ctores, qui multum sæpè, nutriunt pe-
stilentiam, dum necessariam vel ne-
sciunt, vel desimulent adhibere me-
dicinam. Quis autem ille est, inquit
Gregorius, qui veritatis Antistitem & *In Apologe-*
propugnatorem vnus dieculæ spa- *tico. primo.*
cio, veluti simulachrum ex argilla,
figat: illum inquam qui cum Ange-
lorum classe & ordine futurus est:
qui cum Archangelis Deum celebra-
bit; qui ad supernum altare sacrificia
transmittet, simulque cum Christo
Sacerdotio fungetur: qui figmentum
instaurabit; imaginemque creatori
sistet, & superno mundo opificem a-
get. Et quod maius est, dicam, DEVS

erit, & alios DEOS efficiet.

Nunc autem illud euenit, quod idem Nazianzenus dicit Discipuli simul magistrique pietatis designantur: alios ante purgant; quàm ipsi purgati fuerint; heri sacrilegi, hodie sacerdotes: heri extra sancta, hodie sanctorum arbitri & Antistites; veteres vitio, pietate rudes & recentes: (quod gratiæ ac fauoris humani, non Spiritus opus est) qui cum cætera omnia violenter peruaserint, ad extremum ipsam quoque pietatem tyrannide premunt: quorum non mores dignitati, sed dignitas moribus fidem astringit, ordine admodum præpostero, qui denique plura pro suis, quam pro populi ignorantibus, sacrificia debeant. *Ideo nihil recte ordine, nihil canonice, nihil more veteri in Ecclesijs geritur. Cum primum curandum erit, ut Ecclesia digni simus: deinde sacrario, & ita demum præfecturâ. Sanxit hoc vetustissimum Sardicense Concilium, in quo Osius Episcopus sic loquitur: Si fortè aut diues aut scholasticus de foro aut ex administra.*

*In laudibus
Athanasijs*

nistracione Episcopus fuerit postula-
tus vt non prius ordinetur, nisi ante
& Lectoris munere, & officio Dia-
coni, aut Presbyteri, fuerit perfunct⁹;
& ita per singulos gradus, si dignus
fuerit, ascendat ad culmen Episcopa-
tus. Potest enim per has promotio-
nes, quæ habebunt vtrique prolixum
tempus probari, qua fide sit, qua mo-
destia, qua grauitate & verecundia;
& si dignus fuerit probatus, diuino
Sacerdotio illustretur; quia conue-
niens non est, nec ratio vel disci-
plina patitur, vt temerè & leuiter or-
dinetur aut Episcopus, aut Presbyter
aut Diaconus, qui Neophytus est; ma-
ximè cum & magister gentium beat⁹
Apostolus, ne hoc fieret, denuncia-
se & prohibuisse videatur; sed hi quo-
rum per longum tempus examinata
sit vita, & merita fuerint comproba-
ta. *Sanxerunt hoc idem Sanctissimi Pon-*
tifices, Cælestinus, Leo, Gelasius, Nico-
laus primus. Quid proderit per singu-
la Clericos stipendia militasse, inquit *Cælestinus in*
Cælestinus, & omnem egisse in dome *Decreto sue*
sticis castris ætatē, si qui sunt ex laicis, *Sanctionis.*

DE CONSECRAT.

32

Leo in De-
cretalibus ju-
ris cap. 33.

Gelasius in
Decretalib.
suis, cap. 3.

his præfutura quæruntur? *Pulcherrimè
eam totā rem sanctissimus explicat Leo:*
Cum omnis gradus militiæ Christia-
næ de incrementis profectuum de-
beat æstimari, an possint cuiquam
maiore comitti? Meritò beatorum
Patrum venerabiles sanctiones, cum
de sacerdotum electione loqueren-
tur, eos demum idoneos sacris admi-
nistrationibus censuere; quorum o-
mnis ætas, à puerilibus exordiis vsq;
ad prouectiores annos, per disciplinæ
Ecclesiasticæ stipendia cucurrisset, vt
vnicuique testimonium prior vita
præberet; nec posset de eius proue-
ctione dubitari, cui pro laboribus
multis, pro moribus castis, pro acti-
bus strenuis, celsioris loci præmium
deberetur. Si enim ad honores mun-
di sine suffragio temporis, sine me-
rito laboris indignum est perue-
nire, & notari ambitus solent, quos
probitatis documenta non adiu-
uant; quam diligens, & quàm pru-
dens habenda est dispensatio diui-
norum munerum, & cœlestium di-
gnitatum, ne in aliquo Apostolica &
Cano-

Canonica Decreta violentur, & his
 Ecclesia domini regenda credatur, q
 legitimarum institutionum nescij, &
 totius humilitatis ignari, non ab in-
 fimis sumere incrementum, sed à sū-
 mis volunt habere principium; cū
 valde iniquum sit & absurdum, vt im-
 periti magistris, noui antiquis, & ru-
 des præferentur emeritis? Omnis Ec-
 clesiastica disciplina resoluitur, om-
 nis ordo turbatur, dum in Ecclesia,
 qui nullum subierunt ministerium,
 peruerso eligentium iudicio, indebi-
 tum obtinent principatum. *Damnat*
plurimum eo nomine Nicolaus primus
Photium, qui laicus Constantinopolitanū
affectabat Primatum: Pridem, inquit,
auditor esse debuit, & deinde institu-
tor, sed hic docere prius elegit, & de-
inde cœpit doceri; prius sanctificare
curauit, ac deinde sanctificari; prius
illuminare voluit, & postea illumi-
nari. eamque ob causam & ipsum Photi-
um, & eius consecratorem Gregorium Sy-
racusanum, loco & dignitate mouit. Nam
si quid secus aliquādo fiebat, tum id vel ob
summam necessitatem & excellentiam

Nicolaus ep̃s
stola prima
ad Michaelē
Imperatorem.

Epist. 5.

virtutis, ut in Nectario: vel imminentis periculi causa, ut in Tarasio: vel per miraculum cælestemque designationem, ut in Ambrosio factum fuisse legimus. Proinde monet diligenter idem Nicolaus constantinopolitanam Ecclesiam: Ut tales alere omni religione studeat eruditos viros, qui ad eum cardinem honoris digne subrogari possint. Quod non solum, inquit, in tanto Patriarchatu observari omnino debet, verum etiã in singulis quibulque ciuitatib. ex cõsuetudine canonica magna cum cautela seruatur & custoditur.

Sic pertractus, sic vestitus, sistitur principi Hierarchæ, magni & sacrosancti Tabernaculi administro, nouus Sponsus postulatur. Postulari enim debet Episcopus, non postulare. De Dei enim & Christi eius iudicio, dicit Cyprianus, de Clericorum omnium testimonio; de plebis, quæ adest, suffragio; & de Sacerdotum antiquorum & bonorum virorum collegio; loco & gradu Cathedræ sacerdotalis vacante; Dei volûtate, atq; omnium cõsensione, creari & cõsecrari debet Epûs. Postulat, dicunt sacri pronubi,

Li. 4. Ep. 2.

bi, Reuerendissime Antistes, sacra mater Ecclesia, vt hūc præsentē presbyterū ad onus Episcopat⁹ subleuetis. Illud aperte declarantes, neque Reges, neque Principes, neque plebem, aut ciuitatis magistratum, sed Hierarchicam ordinationem atque benedictionem Episcopum constituere: illorum testimonium tantum, huius auctoritatem esse.

Sic constituto & postulato nouo Sponso, cum recte norit sacer Antistes, plenas nuptias tribus quasi contineri partibus, Fide, Sacramento, & Prole: Ne quid festine & propere faciat, ne ue cito cuiquam, iuxta Apostoli præceptum, manus imponat, secundum Decretum Carthaginen. 1. Tim. 5.

Concilij: primum ad examen fidei, quod tanquam fundamentum & basis totius ædificij est, confert. Fides autem cum primū in sensu elucescere debeat, deinde in moribus, ad utrunque doctrinæ genus explorandum se confert: tam quod in sermone, quā quod in opere vitæque exemplo consistit. Et primum de primo genere fit inquisitio. Num doctrinam veteris & noui Testamenti, cuius magister & interpret esse debet, recte norit? Absurdum enim est,

C S

inquit,

*In laudibus
athanasij.*

*inquit Gregorius, & salutis Doctorem,
& Antistitem, salutis principia igno-
rare. Et num prudentiam suam, quantum
illius capax est natura, diuina scripturae
sensibus accommodare velit? Quod dum
sanctē professus fuerit, proponitur illi vni-
uersae fidei summa? eorum praesertim capi-
tum, quibus vniuersa religio Christiana
continetur: Summa ac diuinissima Trini-
tatis confessio, incarnationis, salutisque
nostrae aeternae: spes vitae & resurrectio-
nis futurae: Sanctorum communio: ac vnius
sanctae Catholicae et Apostolicae Ecclesiae
auctoritas: vbi illa maxime inculcari so-
lent, quae aliquo modo praua et insidiosa
Haereticorum curiositate & malicia, eo
tempore in dubium sunt vocata, aut quae
aliqua labe insidiator salutis nostrae asper-
sit Diabolus: ne quid ex communione conta-
gione contraxerit ille, qui ceterorum nor-
ma & regula esse debet. A sensu ad mores
transfertur oratio, proponuntur summa ca-
pita muneris Episcopalis: & num ea ser-
uare, in eisque sese exercere ac elabo-
rare velit, ab eo summo exequitur studio.
Maxime num tam exhibere paratus
sit, ut dicit Bernardus, quam exigere
obedi-*

obediētiam: vt tantam occupaturus *Ad Henricum
Senonensem
Archiepiscopum
epist. 42.
Luce 7.*
sedem, illud recognoscat primus Cē-
turionis: Et ego, *inquit*, sum homo
sub potestate, habens sub me milites.

Vt prius agnoscat se hominem quā
potentem, quo propriæ subiectionis
experimento discat sua moderari im-
peria. Nam & conditor Cæsaris, Cæ-
sari non cunctatus est reddere censū. *Matth. 22.*

Quæ enim sunt à Deo ordinata sunt. *Roma. 13.*

Viderint ergo huius rei dissuasores,
quale sit DEI ordinationi resistere.
Plurimum se Episcopo deferre putāt,
cum eum Christo præferre conantur
ipso reclamante, Non est seruus ma-
ior domino suo. Quod non dignatus *Ioan. 13.*

est magister & dominus, talis præfer-
tim, indignum sibi iudicabit seruus
bonus, & deuotus discipulus? Stupē-
da insania. Animarum non cunctos
turbas mihi custodiendas colligere,
& vnum super me grauior proprium
habere custodem? Illi etsi honorant,
onerant; hi non tam premunt, quàm
protegent. Quis dabit mihi centum
in mei custodiam designari pastores?

Quanto plures sentio mei custodiā

gere-

gerere, tanto securior ex eo in pascua. Principem te constituerunt, esto inter illos tanquam vnus ex illis. Vt te putemus tanquam vnum ex illis, videamus te tam exhibere paratum, quàm exigere obedientiam: videam⁹ tam libenter præpositis obtemperare subiectum, quàm imperare subiectis. Quod superiori non præstitisti, ab inferiori non petas.

Interrogatur ergo, Num ea, quæ in diuina scriptura legit & intelligit, plebem cui præferendus est, & verbis & exemplis docere velit? Num Traditiones orthodoxorum Patrum, ac decreta Sanctæ & Apostolicæ Ecclesiæ, & ipse seruare, & alios studiosè docere, propositum habeat? Num ipse superiori potestati beati Petri, eiusque successorum, penes quem summam regiminis sui primus & summ⁹ Pontifex reliquit Iesus Christus; per fidē, subiectionem, & obedientiam, secundum Canonum auctoritatem, more & lege veteri sese subijciat? Num mores ab omni malo temperare, & quantum poterit, domino adiuvante, ad omne

omne bonum commutare; castitatem & sobrietatem, cum Dei auxilio custodire & docere: diuinis negocijs mancipari, & à terrenis negocijs & lucris alienus esse: ne scilicet oculos, qui moderandis gressibus præeunt, cura pulueris obscuret? Caput namq; subiectorum sunt cuncti, qui præeunt: & vt rectè valeant pedes itinera carpere, hæc proculdubio caput debet ex alto prouidere; Num humilitatem & patientiam in seipso custodire, & alios docere velit: pauperibus item & peregrinis, omnibusque egentibus, propter nomen Domini. affabilis & misericors esse?

Quæ omnia ubi ille sancte, & bona fide seruaturum se, quantum humana fert conditio, promiserit: summa eius oneris, quod subeundum est, ob oculos illi, tanquàm in compendio, ponitur: Episcopum oportere iudicare, interpretari, consecrare, ordinare, offerre, & baptizare. Quod omnis cū non sit humanarum virium, sed & Angelicis ipsis humeris sit sublimius, cum ab eo solo nobiscum portari possit, à quo est omnis sufficientia nostra: conferunt se omnes, 2. Cor. 3.
Conse-

Ephef. 2.

Consecrator, simul Sponsus, Pronubi, ac tota Ecclesia, ad communem orationem. Et ut se recognoscant esse ciues sanctorum domesticos Dei, populum supernæ Hierusalem, adiungunt orationes & supplicationes sanctorum: ut quod eorum fragilitas non potest, istorum victorialis autoritas impetret: ut qui iam sunt securi de suis, sint solliciti de nostris. Super nouum igitur sponsum, prouum ante conspectum Dei iacentem, Deum Patrem, ac Christum Dominum exorant: ut illi viro, vtilitati Ecclesiæ prouidens, benignitas omnipotentis diuinæ gratiæ suæ tribuat largitatem ut illum benedicere, sanctificare, & consecrare ipse dignetur.

De consideratione li. 2.
Lucæ 14.

Quo loco diligenter mihi sunt commo-
nendi illi, qui aliquando hoc tantum mu-
nus subire debebunt: ut non tūc primū
ubi ad diuinum sistuntur Hierarcham, de
his ipsis muneris & functionis suæ parti-
bus cogitent: hisque rebus, quæ illis creden-
da, seruanda, docenda, vindicanda propo-
nuntur, sed longè ante vires suas explo-
rent. Si enim tunc primū, inquit,
Bernardus, hæsitare incipias, id quidē
ferò.

serò. Ante, iuxta consilium Saluatoris, sedisse debueras, ante æstimasse opus, metiri vires, ponderasse sapientiam, merita comparasse, sumptus computasse virtutum. *Quid enim indignius est? quid maiore pœna dignum? quàm in conspectu Dei & Angelorum eius, in conspectu Ecclesiæ vniuersæ, id se scire profiteri, quod ignores: id velle, quod nolis: id posse, quod nullo modo possis? Non tum igitur hæc alia cogitanda sunt, dum iam diuino astamus Altari: sed tum ambitiosè discurremus, prensamus, cœlum & terrâ, modo optatis potiamur, miscemus. Neque enim erit adeò desperatus & perditus animus: qui si maiestatem & amplitudinem earum rerum secum diligentius considerauerit & expenderit, qui non concidat, qui se dare precipitem velit, qui sententiam futuri iudicis, quàm veluti manus sua subscribit, non exhorrescat. Ne illud exaudiat: Nescis quid petis. Tu quidem* *Matth. 23*
coram me, atque Ecclesiâ hac, ore tuo profiteris, te velle & posse calicem meum bibere: vitam & mores meos imitari: curâ & sollicitudinem meam, quâ in pascendis
omnibus

ouibus meis suscepi, studio & diligētia tua
 exprimere, crucem meam ferre: cor autem
 tuum totum in vana gloriæ studio occupa-
 tum, in lucro & questu detentum, omni li-
 bidine & cupiditate ardens, ab his tuis pro-
 missis est alienissimum. Vt autem hi tam
 sublimes honores in eius vanitatis homi-
 nes conferantur, non est voluntas Patris
 mei: hæc ipsæ sedes & dignitates, alijs
 moribus sunt preparatæ à Patre meo: Et
 hos quidem Consecratores tuos, tanquam
 homines, diuini sensus & summæ rationis
 ignaros, fallere poteris: deum autem, apud
 quem conscientia nuda est, quem ignota
 non transeunt, occulta non fallunt, qui cog-
 nitor est secretorum & scrutator cordium
 fallere nunquam poteris. Est profectò hic
 metus omnium maximus, hoc periculum
 omnium extremum: huic quidem certè,
 qui & operæ præclarè nauatæ magnitudi-
 nem, & rei infelicitè gestæ, miserum &
 perniciosum exitum intelligit.

Iuuat hoc loco apponere partem eius
 examinis, quam secum inibat, priusquam
 Pontificatum præhenderet, magnus ille
 Theologus Nazianzenus: vt sit quasi nor-
 ma & exemplum, quod vnusquisque no-
 strum,

strum, priusquam ad tantum munus accedat, secum expendere debeat. Quo tandem modo externum illud sacrificium, illud magnorum mysteriorum exemplar, præfidenti animo ipsi offeram, aut quo modo Sacerdotis habitum nomenque subibo, priusquam manus pijs actionibus consecrâro; priusquam creaturis recte & sane, atque ad creatoris solum admirationem, non autem ad detrimentum, oculum aspicere assufecero; priusquam disciplinæ Domini aures satis aperuerò, ac mihi adijciatur auricula nequaquam durè audiens, aureaque in auris precioso Sardio adstricta: hoc est, sapientis sermo auri benè audienti: priusquam ore, labijs, & lingua, ita meipsum compâro, vt & ore aperto spiritum traham, aut in mysteriorum dogmatumque pronuntiatione, dilatato impletus spiritu fuero: & labia; vt Sapientiæ verbis vtar, diuino sensu constricta habuero, addam etiam tempestiuè soluta: & denique lingua exultatione perfusa erit diuinæque melodix plectrum effecta ad

In Apologético primo.

Missæ Sacrificiū quomodo offerendū

Psal. 118.

Psal. 8.

Eccles. 21.

D

Dei

Psal. 36.*Psal.* 136.*Psal.* 17.*Psal.* 39.*Psal.* 72.*Rom.* 6.*Psal.* 11.*Proverb.* 22.*1. Cor.* 2.*Psal.* 26.*1. Cor.* 3.

Dei gloriam celebrandum sese excitans, simulque cum eo diluculo exurgens, ac præ labore faucibus ipsis adhærens: priusquam pedes meos ceruorum ritu instructos & preparados, ad petram firmâro; piosque & Deo gratos incessus meos ita directos habuero, vt nec tantillum temporis, nec vlllo modo effunderentur; prius denique quàm omnia corporis mēbra iustitiæ arma facta erint, omnēque mortalitatem abiecerint, à vita absorptam, spirituique loco cedentem? Ecquis porrò antequam puris et ignitis Dei eloquijs cor perustum habuerit, (id quod fit, cū scripturæ ipsi aperiuntur) eaque super latitudinē cordis trifariam descripserit? vt Christi mentem habeat, atque in thesauros promiscuæ multitudini abditos, inuisibiles, ac tenebrosos penetrarit: vt opes in ipsis conditas intueatur, aliosque locupletes & copiosos efficere possit, spiritualia spiritualibus conferens? Ecquis antequam Domini beneplacitum, ita vt par est, perspexerit, templumque eius visitauerit, vel

vel potius Dei viui templum viuum factus fuerit, Christique in spiritu domicilium? Ecquis antequam figurarum & veritatis cognationem & discrimen agnouerit, ab illisque secedēs huic se adiunxerit: vt literæ vetustatem fugiens spiritus nouitati seruiat: atque à lege, quæ in literæ abrogatione & abolitione spiritualiter expletur, ad gratiam purè planèque transiliat? Ecquis antequam & vitæ probitate, & speculatione, per omnes Christi appellationes ac vires & facultates, tam sublimiores illas ac primas, quàm quas postremò humilioresque subiit, perrexerit, nimirum Dei, filij, imaginis, verbi, sapiētiae, veritatis, lucis, vitæ, potentiæ, vaporis, deflectionis, splendoris, factoris, regis, capitis, legis, viæ, portæ, fundamenti, petræ, margaritæ, pacis, iustitiæ, sanctificationis, redemptionis, hominis, serui, pastoris, agni, Pontificis, victimæ, primogeniti ante creaturam, primogeniti ex mortuis, resurrectionis? Ecquis, inquam, has res & nomina incassum audiens, necdum commer-

Psal. 44.

1. Cor. 2.

1. Cor. 3.

Heb. 5.

Nemo sapi-
piens læto a-
nimo creatur
Episcopus.

cio villo cum verbo habito, nec ipsius
quatenus vnumquodque horū verò
nomine appelletur, particeps factus?
Ecquis denique antequam quieto a-
nimo, atque ab huius vitæ negocijs
tranquillo fuerit, Deique sapientiam
illam inquam, in misterio reconditā,
accipere norit; sed ætate adhuc tene-
ra sit lacteque alatur, nec inter Israe-
litas adhuc numeretur, nec in Dei ca-
stris acieque recensetur, nec Christi
crucem virilibus humeris ferre que-
at, imò nec præstantius forlasse ali-
quod corporis membrum sit, læto
tamen alacrique animo se Christi Ec-
clesiæ in caput constitui patietur? Ne-
mo profectò, qui quidem consilio
meo ac iudicio standum putabit. *Ex
quo examine, illud tandem colligit & con-
cludit:* Ac proinde, *inquit*, sic mecum
ipse loquebar: Alius mercaturæ cau-
sa nauiget, & longa maria transmit-
tat, & cum ventis fluctibusque perpe-
tuò colluctetur; magna vel operæ
precia factururus, si ita casus tulerit, vel
pericula aditurus, quisquis nimirū vel
nauigandi peritia, vel negociandi ar-

te excellit. Mihi verò melius atque *Tranquilla*
 optabilius est in terra quietem habē- *vitam parce*
 ti, atque exiguum aruum & dulce sul- *ac duriter a-*
 canti, & lucra & mare procul salu- *gere præstet,*
 tanti, exiguo ac rigido pane vitam, *quàm Epif-*
copum esse.
 potero, sustentare; eamque tutam
 tranquillamque ducere, quam ob in-
 gentes quæstus graue diuturnumque
 periculum subire. Quemadmodum
 enim magno & excelso viro detri-
 menti loco habendum est, res mag-
 nas nō aggredi, nec virtutem ad mul-
 tos propagare, sed in paruis leuibus-
 que rebus defixum hærere, ac velut
 magno lumine paruam domum il-
 lustrare; aut virilibus armis puerile
 corpus obtegere: ita contrà paruo ho-
 mini securitas in eo consistit, vr non
 magnoperè sese oneret, nec grauio-
 ri, quàm eius vires ferre queant, sarcina
 caput supponens, simul & riden-
 dum sese propinet, & in periculum
 coniiciat; quemadmodum scilicet *Lucæ 14.*
 nec alij cuiquam turrin ædificare cō-
 uenit, quàm ei, cui ad eam prorsus
 absoluendam suppetunt facultates,
 vt scriptura testatur. Meliusque est

D 3 alijs,

alijs, qui artis peritia præstent, habenas nostri concedere, quàm indoctos & imperitos aliorum aurigas esse præstareque, candidam aurem submittere, quàm stolidam linguam mouere. *Hac Nazianzenus.*

Verùm dicet quis: sponte tantus honor ad me defertur, omnis cognatorum & agnatorum manus cogit umque adfert, amentemque fore prædicat, si tantam repudiauerò dignitatem: at is vocat, penes quem est legitima vocandi potestas & auctoritas. Huic verò homini hac venustissima respondet similitudine Chrysostomus: Etenim quæro ex te, si quem suspicamur fabrum esse, ad opus vocemus, sequaturque ipse; deinde manus ad-mouens materiæ ad ædificium paratæ, ligna, itemque & lapides auerrat, opus autem sic coagmentet, sic domum ædificet, vt statim collapsura ea sit, num ille sese abunde hac defensione tutaturus est, si dixerit, ab alijs se coactum, non etiam vltro ad ædificandum accessisse? Certè nequaquàm idque iure optimo: oportebat enim vel alijs ad id vocantibus pedem referre

*Lib. 4. de
sacerdotio.*

ferre ac tergiuersari. Itane verò qui ligna ac lapides auertit faber, huic nullus prorsus suffugij locus, quominus poenas pendat; qui verò animas negligenter ædificans perdiderit, hincine alienam vim abundans sibi suffugium præsidiumq; putabit? & quo id pacto non valdè ineptum atque absurdum? nondū enim adijcio, nolentem à nemine compelli posse: sed & ipsum volo vim fuisse immodicā perpeßum, artibusque varijs circumseptum, vt in retia caderet. Hoc cinē igitur illum à supplicio eximet? ne obsecro, neco vsque nobis imponam⁹, neque simulemus ignorare nos ea, quæ vel admodum pueris nota esse possunt: reuera enim quum rationis reddendæ tempus aderit, ignorantix simulatio hæc nihil nobis allatura est præsidij. Principatum huiusmodi nihil ipse ambiuisti, imbecillitatis tuæ conscius? Probè id ac rectè. Oportebat ergo cum eodem hoc consilio, vocantibus etiam alijs, tergiuersari. Anne quum te nullus vocaret, imbecillus tu, ac minimè idoneus eras, vbi

primum verò comperti sunt, qui honorem ad te deferrent, derepente in valentem atque idoneum euasisti? Certè huiusmodi res deridicula prorsus ac nugatoria est, eademque extremo etiam supplicio digna. *Hæc autem proferentes, non eos, ut cum Gregorio Romano Pontifice loquar, qui rectè possint deterremus, sed ab appetitu tanti oneris cordis infirmitatem munimus, ne imperfecti quoque culmen arripere regiminis audeant: & qui in planis stantes titubant, in præcipitio pedem ponant.*

Absoluto fidei examine, augustiore si-bique peculiari magis nouus Sponsus induitur habitu. Calceatur pedes ad annunciantium Euangelium pacis: ut eat, non stet: laboret, non ociosus delitescat. Induitur interioribus quibusdam tunicis, interioris & occultæ deuotionis, innocentia & integritatis perfectionem denotantibus: cuius solus Deus purarum animarum vnicus sponsus inspector est: & cuius suauitatem illi soli norunt, qui experiuntur: intus enim est qui iudicat, intus quod iudicatur, ut internorum cura in externorum nimia occupatione non minuat. Induitur itè Dalmatica, la-

ea, *latas manicas habente*. Oportet .n.
Epūm, sicut Dei dispensatorem, hos-
pitalem esse, benignum, liberalem,
non turpis lucri cupidum. *Maiores*
enim peculij dispensatorem plura expende-
re oportet: qui diuitias opesque veras esse
putet, si non studio omni aliena bona cor-
radat: sed uti indigentium penuriam sua
liberalitate adimat, qui sua cōmoda pro-
pinquorum bona deputet. Egentis enim
mentem, doctrinæ sermo non ita fa-
cilè penetrat, *inquit Gregorius*, si hunc
apud eius animum manus misericor-
diæ non commendat. Tunc autem
verbi semen facilè germinat, quan-
do hæc in audiētis pectore pietas præ-
dicantis rigat. *De quo illud dicatur: Dis-*
persit deditque; Non fisco, non Hæreti-
co, potenti & non factioso ciui, non carni
& sanguini, non tenaci, & quæ nunquam
compleri potest, arcæ: tanto minus non li-
bidini & cupiditati, sed dispersit dedit pau-
peribus: hoc est, seminaria futurae pietatis
& eruditionis extruxit, adolescentes præ-
stantes ingenio quàm plurimos domi, fo-
risque opibus suis educavit: Paracijs deser-
tis ac depopulatis Pastores & Sacerdotes

Titimo 1.

*In secunda
parte pastora-
lis, cap. 7.*

Psalm. 112.

D s suis

suis copijs aluit: redeūtes ab errore, benigne & liberaliter suscepit: captiuos redemit virgines orba elocauit: peregrinos hospitio suscepit, viduis, orphanis, morbo aetate fractis opem tulit: Dispersit, dedit pauperibus. iusticia eius manet in seculum seculi, cornu eius exaltabitur in gloria. Fœnus hoc solū, inquit san-

Epist. 1. c. 4. Etus Leo, aspicere & exercere debem⁹; vt quod hīc misericorditer tribuimus, ab eo domino, qui multipliciter & in perpetuum mansura retribuet, recipere valeamus. Neque enim nos hereditate possedimus Sanctuarium Dei, sed aliena sortis dispensatores sumus.

Lib. 2. de cōsideratione. Cuius peculij vsus quidem inquit Bernardus, est bonus, abusio mala, sollicitudo peior, quæstus autem turpissimus.

Dispensationis autem huius, inquit Chrysostomus, modus ille, si Ecclesiasticæ facultates neque redundant, neque temporibus necessarijs desint. Verum de munificentia Pastoris satis.

Adijcitur autem ornatus hic super Sacerdotalem habitum, ad indicandas eas actiones atque operationes, quas ipse pra-
ter

EPISCOPI.

53

ter alios sacerdotes, peculiari quodam modo exercere solet: quales sunt illa, ultra regiminis, doctrina ac iurisdictionis rationem: quas ex Græcis Arcopagita, ex Latinis verò Leo Papa, ex antiquissimo ritu recensent. Presbyterorum (ut eorum verbis utar) & Diaconorum, atque VirginuDe Ecclesia
stica Hierar.
cap. 5. Leo
Epist. 88. consecratio, constitutio Ecclesiæ atque Altaris, benedictio item eorundem & unctio per impositiones manuum fidelibus baptizandis, vel conuersis ex hæresi, paracleti Spiritus sancti traditio: quale item est Chrisma conficere, Chrismate baptizatorum frontes signare, publicè in Missa penitentes reconciliare, formatas Epistolas mittere. Hæc enim omnia illicita sunt Choro episcopis atque Presbyteris, (inquit sanctus Leo) qui ad exemplum & formam septuaginta discipulorum esse noscuntur: qui quanquam Consecrationem habeant, Pontificatus tamen apicem non habent. Quæ omnia solis deberi summis Pontificibus, auctoritate Canonum præcipitur: ut per hoc, & discretio graduum, & dignitatis fastigium, summi Pontificis demonstretur. Sed neque coram Episcopo licet Presbyteris in baptisterium introire: nec præse

sente Antistite infantem tingere, aut signare: nec pœnitentem, sine praeceptione Episcopi sui, reconciliare: nec eo praesente, nisi illo iubente, Sacramentum Corporis & sanguinis Christi conficere: nec eo coram posito populum docere, vel benedicere aut salutare, nec plebem utique exhortari.

Sic igitur vestito & ornato sponso, à fide fit transitus ad sacramentum: transfert se sacer Consecrator ad eas operationes, quae verè sanctae sunt, sanctosque efficiunt: quae ex antiquissima & Apostolica traditione, sacris primùm signis & actionibus, deinde mysticis vñtionibus continentur. Actiones & signa sacra, à Dionysio, tantorum mysteriorum diuino interprete, hæc numerantur.

In eodē quin-
to capite.

Primum, ἡ πρὸς τὸ θεῖον θυσιαστήριον προσαγωγή καὶ ὑπόπτωσις. hoc autem est, aditus ad diuinum altare, ac submissa genuū inflexio. Quod signum, & actionem designare docet, Eum qui instituitur Pontificali cōsecratione, vniuersam suam vitam, omnemque mentis integritatem, DE O summo ac primo consecratori subijcere & resignare debere: ad eiusque nutum & voluntatem

tatem eam peragere, castissimumq;
Deoq; dicatum aditum, qui dignus
sit & conueniens, quantum fieri pos-
sit, diuino, sanctissimo, ac sacro Altra-
ri, ad quod mentes, quæ diuinam spe-
ciem præferunt, consecrantur.

*Secundum signum & actio, est ἡ τῆς ἱε-
ραρχίας χηρὸς ἐπίθεσις: id est, Sacri Hie-
rarchæ, ac reliqui collegij manum im-
positio. Tangit enim Princeps consecra-
tionis Pontifex, ac deinde ceteri om-
nes, illius qui consecratur caput, ma-
nusque illi imponit, quod signum & actio,
primum diuinum, vt idem inquit Di-
onysius, præsidium declarat: quo, tan-
quam sancti pueri, illi qui consecra-
tur, patris charitate foueri solent, il-
lisque facultatem ac vim Ecclesiastici
ordinis tuendi largitur, contrariasque
potestates procul ab eis arcet.
Docet deinde omnia officia & mu-
nera sacri Ordinis exequi, eos qui cō-
secrantur; vt sub Deo agentes, cum-
que omnium suarum actionum ha-
bentes ducem in omnibus.*

*Tertium signū est, ἡ σταυροειδὴς σφραγίς
id est, crucis obsignatio, quæ significat om-
nium*

nium animi simul corporisque cupiditatis
 cessationem, diuinæq; vitæ imitationem,
 immoto oculo aspicientem Christum cru-
 cifixum, qui ad crucem usque & mortem
 expers omnis peccati peruenit: eosque qui
 ita viuunt, ut eum imitentur, carnemque
 suam cum illo crucifigunt, quod crux ista
 designat, sibi similes participes libertatis
 suæ a peccato efficit, obsignans eos sigillo
 & imagine crucis, iustitiæ & innocentiae
 suæ. Quid enim est aliud hæc crucifixi ima-
 go, quam forma & exemplar perfectum
 mortificationis omnium cupiditatum no-
 strarum? In hoc enim ligno omnia deside-
 ria nostra, omnes nimie sollicitudines, om-
 nes cupiditates nostræ, confixæ & mor-
 tuæ sunt, Quæ enim ambitio sanari po-
 terit, quam hæc ipsa incredibilis humili-
 tas Christi in cruce pendentis non sanat?
 Quæ auaritia curari, quam hæc nuditas
 ac planè extrema paupertas non curat?
 quæ libido extinguui, quam hæc ipsa arida
 faces felle & aceto imbutæ, salutis nostræ
 non extinguunt? Vnde Bernardus. Singuli
 epistola 42. inquit, illiciti motus animi mei, sin-
 gula sunt in te Deus conuitia, ut puta
 iracundiæ motus in mansuetudinem
 tuam,

tuam, inuidiæ in charitatem, luxuriæ
in sitim tuam, cupiditatis meæ in nu-
ditatem, fastus in tuam extremam hu-
militatem.

*Quartum sacrum symbolum est sacra-
que actio, huicque ordini quasi propria &
peculiaris, & quæ in nulla alia consecrati-
one adhiberi solet, præter eam quæ Ponti-
ficis est, ἡ τῶν λογίων ἐπὶ κεφαλῆς ἐπίθεσις: hæc
autem est, sacrorum librorum super caput
et humerum eius qui consecratur, sanctis-
sima impositio. Cuius modum & rationē
sic explicat Carthaginen. consilium: Duo
assistentes Episcopi, ponunt & tenēt
Euangeliorum codicem super caput
& cervicem eius qui consecratur, &
vno super eum fundente benedicti-
one. reliqui omnes qui adsunt, mani-
bus suis caput eius tangunt. Quid au-
tem sibi ea actio velit, diuinus explicat A- *Ibidem*
reopagita: Quoniam, inquit, perficiens
omnis sacerdotij vis & scientia, à di-
uina mysteriorum auctore bonitate
diuinis Pontificibus datur, iure ac
merito in capitibus Pontificum, scri-
pta diuinitus tradita ponuntur, quæ
compendio scienterque omnē The-
ologi-*

ologiam, omnem Dei operationem, doctrinam sanctam, diuina & sacra verba & opa, orationes & actiones, quas Hierarchia nostra habet Dei benefici concessu ac munere : quod diuinus Pontifex, omni quidem facultate quæ Pōtifice digna est præditus, esse debeat: & omnium sacrarum interpretationum atq; factorum, quæ Hierarchiam attingunt, vera atque à DEO tradita scientia non illustrari modo, verum etiam alijs, vt Pontifici consentaneum est, tradere, perficereque diuinis scientijs ac summis, vt ita dicā promotionibus ex Pontificis dignitate omnia, quæ in tota Hierarchia maximam vim perficiendi habens. *Ex multis enim & varijs functionibus, quæ Episcopum attingunt, illa propria ac quasi peculiaris est, Euangelium prædicare: vt potens sit, inquit Paulus, in doctrina sana, & eos qui contradicunt arguere. Itaque in prisca illa & veteri Ecclesia, nemo hoc docendi pulpitem conscendebat, nisi is qui Episcopus esset: vel si forte aliqua summa infirmitate præpediebatur, Presbytero quidem cuiuspiam*
hoc

Titum 1.

hoc munus delegabat: ita tamen, ut ipse
 eius doctrinae testis & iudex interesset. Ita-
 que agri etiam Pötifices, nonnunquam
 in lectis ad templum adferebantur, ut ei-
 us doctrinae quae populo tradebatur, testes
 & arbitri interessent: ne quid illis in scijs
 atque incantis, haereticae labis & pestis sub-
 reperet. Non in capite autem tantum sa-
 cer Codex Episcopi ponitur, sed in humero
 etiam, ut primus ipse hoc iugum subeat, ac
 in societate Iesu Christi trahat: ut populo
 Dei more sancti Moysis, atque adeo Iesu
 Christi praeat, ac viā per huius vitae tur-
 bulentum pelagus pandat, angustamque
 illam semitam & asperam, primus terat
 ac muniat. Ut illud possit dicere cum Chri-
 sto: Discite à me, quia mitis sum & hu-
 milis corde. Exemplum enim dedi
 vobis; ut quemadmodum ego feci, Matt. 11.
Ioan. 13.
 ita & vos faciatis. Et illud Pauli: Imita- 1. Cor. 4.
 tores mei estote, quemadmodum e- Prima parte
pastoralis,
cap. 2.
 go Christi. Nam si pastor, inquit Gre-
 gorius; per abrupta graditur, grex pro-
 fectò ad praecipitia sequetur. aut qua
 praesumptione percussum mederi p-
 perat, qui in facie vulnus portat? tan-
 tumq; debet actionem populi actio
 E trans-

transcendere Præsulis, quantum distare solet à grege vita Pastoris. Qui enim loci sui necessitate exigitur summa dicere, hac eadem necessitate cōpellitur summa monstrare; ne subditi in exemplo eius qui præest, quasi in obstaculo itineris offendant. Sacerdotes nanque vocamur, quod ideo præsumus, vt sacrum ducatum fidelibus præbeamus: nullique illicitum videtur. *inquit Ambrosius*, quod ab Episcopo quasi licitum perpetratur.

De dignitate
Sacerdotali,
cap. 6.

Quinta & ultima diuina est actio, quam sacer Dionysius τὴν ἀνάγκην: hoc autem est, vt sacrum exponit Carthagen. Concilium, eam quæ super eum qui consecratur funditur benedictionem: quæ talis est: Propitiare, inquit, Domine supplicationibus nostris, & inclinato super hunc famulum tuum cornu gratiæ Sacerdotalis, benedictionisq; tuæ in eum infunde virtutem. Prorūpitque sacer Antistes in diuinas laudes, eum esse honorem omnium dignitatum, qui gloriæ eius sacris famulatur ordinibus. Qui per Moysen famulum
lum

lum suum, secreti familiaris affatu;
inter cætera cœlestis documenta cul-
turæ, de habitu quoque indumenti
sacerdotalis instituens, electum Aa-
ron mystico amictu vestiri inter sa-
cra iussit, vt intelligentiæ sensum de
exemplis priorum caperet secutura
posteritas: ne eruditio doctrinæ eius
vlli deesset ætati. Cum & apud vete-
res reuerentiam, ipsa significationū
species obtineret, & apud nos certio-
ra essent experimenta rerum, quàm
enigmata figurarum. Illius nanque
Sacerdotij anterioris habitus, nostræ
mentis ornatus est; & Pontificalem
gloriam non iam honor commen-
dat vestium, sed splendor anima-
rum. Quia & illa quæ tunc carnali-
bus blandiebantur obtutibus, ea po-
tius quæ in ipsis erāt intelligenda pos-
cebant:

Præcatur deinde, Vt ei famulo suo,
quem ad summi Sacerdotij ministe-
rium elegit, eam gratiam largiatur:
vt quicquid illa velamina in fulgore
auri, in nitore gemmarum, & in mul-
timodi operis varietate significabāt,

hoc in eius moribus actibusque
 clarescat. Vt compleat in Sacerdote
 suo ministerij sui summam, & orna-
 mentis totius glorificationis instru-
 ctum, coelestis vnguenti rore sancti-
 ficet. *Atque ita deinceps se ad sacras con-*
fert vñctiones. Significat autem ea *αναρρη*
σιν *sive sacræ precatio, ut idem inquit Di-*
onysius, Deo charum consecratorem
interpretem, esse diuinæ creationis
sive electionis; qui non suo munere
eos qui consecrantur, ad Ecclesiastici
ordinis honorem virtutemque effe-
rat; sed diuini numinis instinctu agi-
tatus in omnibus consecrationibus
quæ Pontificem attingunt. Cum au-
tem sanctificatio, ut inquit Magnus Ba-
siliius, sine spiritu non sit: cum & cælestes
illæ angelicæ virtutes, quæ natura quidem
sanctæ non sunt, sic enim nullam haberent
differentiam ab eo spiritu, qui solus natu-
ra sanctus dicitur: secundum proportionē
tamen suæ dignitatis & excellentiæ, san-
ctificationis suæ modum & mensuram ab
eodem spiritu sancto accipiant. Hic enim
est digitus Dei, per quem omnia solidan-
tur: hæc est superna illa & cælestis vñctio,
quæ

De spiritu S.
 cap. 16. &
 epist. 79.

Lucæ 11.
 1. Ioan. 2.

quæ docet omnia: hic est ignis purissimus,
 qui mundat, purgat, & sanctificat ea v-
 niuersa, quæ sancta sunt. Proinde diuinus
 Antistes creatore Spiritu, super eum quæ
 sacrat, inuocato, ad sacras vñctiones se con-
 fert: vt ostendat, hunc ipsum qui sacrat ut
 ministrum, & vicarium illius fore,
 quem vnxit Deus oleo latitiæ præ confor-
 tibus suis.

Psal. 44.

Vngit autem primum caput eius, cum
 ea præfatione: Hæc vñctio, inquit, Do-
 mine copiosè in caput eius influat: Psal. 132.
 hæc in os subiecti decurrat, hoc in to-
 tius corporis extrema descendat: vt
 tui spiritus virtus & interiora eius re-
 pleat, & exteriora circumtegat. Abū-
 det in eo constantia fidei, puritas di-
 lectionis, securitas pacis: Sint speciosi Rom. 10.
 munere tuo pedes eius, ad Euangeli-
 zandum pacem, ad Euangelizandum 2. Cor. 12.
 bona. Da ei Domine ministerium re-
 consiliationis in verbo & in factis, in 1. Cor. 2.
 virtute signorum & prodigiorum:
 Sit sermo eius & predicatio non in
 persuasibilib⁹ humanæ sapientiæ ver-
 bis, sed in ostensione spiritus & virtu. Matt. 16.
 tis. Da ei domine clauēs regni cœlo-
 rum,

tum, vt vtatur, non vt glorietur potestate; quam tribuis in ædificationē, non in destructionem. Quodcunque ligauerit super terram, sit ligatum & in coelis; & quodcunque soluerit in terris, sit solutum & in coelis. Quorum detinuerit peccata, detenta sint; & quorum demiserit, tu demittas. Qui maledixerit ei, sit ille maledictus; & qui benedixerit ei, benedictionibus repleatur. Sit fidelis seruus & prudens, quem constituas tu domine super familiam tuam, vt det illi cibū in tempore oportuno, & exhibeat omnem hominem perfectum; sit sollicitudine non piger, sit spiritu feruens; oderit superbiam, humilitatem ac veritatem diligat, neque eam vnquā deserat, aut laudibus, aut timore superat. Nō ponat lucē tenebras nec tenebras lucē; nō dicat malū bonū, neque bonum malum. Sit sapientibus & insipientibus debitor, vt fructum de profectu omnium consequatur. Tribuas illi Domine Cathedrali Episcopalem, ad regendum Ecclesiam tuam & plebem sibi commissam:

sam, sis ei auctoritas, sis ei potestas, sis ei firmitas. Multiplica super eum benedictionem & gratiam tuam, vt ad exorandam semper misericordiā tuam, tuo munere idoneus, & tua gratia possit esse deuotus.

Ac deinceps interpositis alijs orationibus, ac publico Ecclesie cantu, ad vñctionem manuum eius accedit: quas item cum ea postulatione inungit: Deus & pater domini nostri Iesu Christi, qui te ad Pōtificat⁹ sublimari voluit, dignitatem ipse qui per Samuelem Dauid in Regem & Prophetam inunxit, te nostro ministerio Chrismate & mysticę delibutionis liquore perfundat, & spiritalis benedictionis vbertate fecundet; vt quicquid benedixeris, benedicatur: & quicquid sanctificaue- ris, sanctificetur; & consecratarum manuum istarum impositio, cunctis proficiat ad salutem. Neque verò frustra, aut sine causa tam prolixis, tam frequenter repetitis precibus, hic ipse qui consecratur, Deo omnium bonorum auctori & largitori commendatur: Plus enim, inquit Chrysostomus, eiusmodi preci-

1. Reg. 26.

In primā ca.
ad Titū ser-
mo 1.

bus indiget, quàm cæteri omnes. Nā quanto est celsior dignitas, tantò Sacerdotis maiora sunt pericula. Sufficit enim vel vnum Episcopatus rectè factum authorem suum in coelū attollere, vnumq; peccatum in ipsum iniicere gehennæ profundum. Nam qui in ordine priuato, parum religiosus erat, multò profecto magis id patitur, cū Ecclesiæ gubernacula regenda susceperit; quippe tum & inanis gloria vehementius imminet, & pecuniæ amor & fastus; cū principatus ipse præstet licentiam offensionis & cōtumeliæ, atque maledicta, & alia prorsus innumera. Votis itaque omnib⁹ optandū, vt qui antea pietate prædit⁹ fuerat, talis permaneat suscepto munere administrationis.

Hæc Chrysostomus.

Vngitur autem futurus Hierarcha primum in capite, per quod mens eius designatur: quo admoneatur, vt diligat Deum ex toto corde suo, & ex tota anima sua, & ex omnibus viribus suis: & proximum suum sicut seipsum: quarum rerum omnium, caput fons est & principium. Deinde, vt
aucto-

auctoritas & dignitas eius declaretur, eū ^{Ephes. 5.}
scilicet esse caput & Principem Ecclesia ^{De dignitate}
sua: quomodo vir uxori sue caput dictus ^{Sacerdotali}
est. Honor enim & sublimitas Episco ^{cap. 2.}
 palis, *inquit Ambrosius*, nullis pote-
 rit comparationibus adæquari; si Re-
 gum fulgori compares, & Principum
 Diademati, longè erit inferior, quàm
 si plumbi metallum ad auri fulgorè
 compares; quippè cum videas Regū
 colla & Principum submitti genibus
 sacerdotum, & exosculatis eorum
 dexteris, orationibus eorum se com-
 mendare & communire, qui item
 cornu suo Reges & Sacerdotes vn-
 gunt. Sed providendū est, *inquit Am-*
brosius, ne sit honor sublimis, & vita
 deformis: ne sit deifica professio & il-
 licita actio: ne sit religiosus amictus,
 & irreligiosus puectus; ne sit gradus
 excelsus, & deformis excessus: quia
 sicut nihil esse diximus Episcopo ex-
 cellentius, sic nihil est miserabilius, si
 de sancta vita Episcopus periclitetur,
 si Sacerdos in crimine teneatur. Nam
 quantò gradus altior est, tanto ruina
 grauior; honor grandis, grandiori de-

debet sollicitudine circumuallari. Ideo igitur prærogatiua honoris monstratur, vt merita congrua requirantur.

Ephē. 1.

Psal. 88.

Psal. 44.

Esai. 9.

Rom. 12.

Vngitur demum in capite, vt ostendatur esse vicarius Christi: eiusque dignitatem & authoritatem gerere, qui est super omnia: & quem constituit Deus caput super omnem Ecclesiam. Ideo Reges non iam in capite, sed in humero vnguntur: Primum, vt is proprius honor sit illius, quem Deus constituit excelsum super omnes Reges terræ, & quem oleo laticię excellentius & augustius unxit præ consortibus suis. Deinde vt ostendatur, quòd primò ante omnes Reges & Principes persona capituli Pontificali officio representetur, Vngitur tamen & Rex in humero, vt neque ipse planè excludatur à representatione eiusdem capituli: Nam & huius Principatus, vt dixit Esaias, fuit super humerum eius; & vt sciat se esse ministrum ad portandam crucem Iesu Christi: laudem bonorum, vindictam autem malorum.

Sed non caput tantum Pontificis vngitur, verum & manus. Primum, propter officii

*officium & ministerium eius, ut se sciat
 dignitatem nō propter ocium, sed propter
 negotium suscipere: ut sciat ex illo se nu-
 mero operariorum esse debere, qui susti-
 nent pondus diei & æstus. Demum, ut il-* Matth. 20.
*lis manibus adsit virtus Spiritus sancti,
 eas teneat & dirigat: cum illis laboret &
 operetur: ut quicquid benedixerit, bene-
 dicatur: quicquid sanctificauerit, sancti-
 ficetur: Quò certior fiat populus Christia-
 nus, dicente Episcopo aut Sacerdote: Ego
 te baptizo: ego te absoluo: non illum bapti-
 sare, non illum peccata relaxare, sed vn-
 ctionem ipsam, sed eum Spiritum, cuius
 hæc unctio signum est, omnipotenti virtu-
 te & presidio suo hæc talia efficere. Item,
 cum accepto pane & calice, in ita consecra-
 tas manus, illa verba profert: Hoc est
 corpus meum: Hic est sanguis meus;
 non illum aliquid vi sua efficere, sed Spiri-
 tum sanctum descendere, & virtutem
 altissimi obumbrare: ut qui in utero vir-
 ginis verum corpus et sanguinem eius ad-
 mirabili & illi soli cognita virtute effecit Luc. 1.
 idem sub speciebus panis & vini hoc idem
 efficiat. Quibus sacris Symbolis & myste-
 rijs cum hæretici careant, mirum esse non
 debet.*

debet, si ea quæ in Ecclesia Catholica certissima & facillima esse videntur, ab illis non intelliguntur: per exiguamq; vel nullam potius, his fidem habeant. Neque enim nos hæc humanis viribus aut meritis tribuimus, sed illi spiritui sancto, de quo David dixit: Emitte spiritum tuum & creabuntur; & renouabis faciem terræ. Vnguntur amplius manus eius qui consecratur, ut operetur bonum: ad omnes quidem, sed maxime ad domesticos fidei: ut manus suas mittat ad fortia: ut panem ociosus non comedat: ut manus eius distillent myrrham: ut sit beatus seruus ille, quem cum venerit dominus, inuenerit vigilantem & operantem.

Vngitur autem sancto Chrismate, quod ex oleo & balsamo confici & temperari solet: ut per oleum quidem, nitor & puritas conscientie denotetur. Bonus enim homo, ex bono thesauro profert bona; & malus homo, de thesauro malo profert mala. Nec colligunt de spinis vuas, aut de tribulis ficus. Non potest arbor bona malos fructus facere, & arbor mala bonos fructus facere. Gloria nostra, inquit Paulus, hæc est, con-

Psal. 103.

Gal. 6.

Prouer. 31.

Cantic. 5.

Luce. 12.

Luce. 6.

Matth. 7.

2. Cor. 1.

conscientia nostra; sed non gloria tantum, verum etiam omnium laborum suave condimentum: sed omnium rerum aduersarum tutissimus portus: sed contra omnes visibiles ac inuisibiles hostes munitissimum presidium, omnisque libertatis doctrinae amplissimus capus: sine qua qui docet, illud Dauidicum, quod aliquando magnum illum Origenem perteruerat, expauescat: Qua re tu enarras iustitias meas, & assumis testamentum meum per os tuum? tu autem homo peccator es. Cum videbas furem, currebas cum eo: & cum adulteris ponebas portionem tuam. Existimabas improbe, quod ero tui similis; arguam te, & statuam contra faciem tuam. Intelligite hæc qui obliuiscimini Deum, ne quando rapiat & non sit qui eripiat.

Psal. 49.

Balsamo autem designatur odor bonæ In 2. Cap.
fama: Eum enim qui sacerdotio fun- Ep. ad Tim.
gitur, inquit Chrysostomus, odorem spi- Tit. 1.
rare optimum conuenit. Vt sit pastor sine crimine: ut habeat testimonium etiã ab his qui foris sunt: ut item luceat lux eius: quo videtes homines bona opera eius, glorifi-

1. Tim. 3.
Matth. 5.

1. Tess. 5.

Li. 4. de cō-
sideratione.

Eccle. 24.

2. Cor. 2.

Gen. 17.

Exod. 22.

Leuit. 21.

glorificent Patrem qui in cælis est: ut innocentia sua obstruat ora maleuolorum: Sine qua eximia fama qui docet, eum altera quidem manu trahere, altera repellere dicebat magnus Nazianzenus. Ab omni specie mala, inquit Paulus abstinete vos: non à re tantum, sed specie etiam. Non sit in conscientia, inquit Bernardus, nutans infirmitas modicæ fidei: non sit in fama næuus malæ speciei: ut sic duplicibus, interna scilicet maturitate & externa specie, vestiamur. Ut illud confidenter, ille qui forma est gregis, dicere possit: Sicut Balsamum aromatizans odorē dedi. Et illud Pauli: Christi bonus odor sumus in omni loco, ut sit flagrans & suavis odor primogeniti Esau. Et hoc est, quod sibi voluerunt tintinabula illa suspensa ex vestimento Aaronis sacerdotis, de quibus præcepit Dominus: Audiantur sonitus, quando ingreditur, vel egreditur, Sacerdos sanctuarium in conspectu domini, & non moriatur. Non aliis certè sonitus, quàm excellentis laudis & gloriæ, ac omnium virtutum celebris prædicationis. Et ideo, & lege ipsa Dei cautum fuit.
ut is

ut is qui in Sacerdotum numero cēseri de-
 bebat, omni vicio, siue corporis, siue animi,
 careret, neuē quid infamiae in tota illius vi-
 ta haberet. Et à sacris Canonibus pie sta-
 tuitur, ut is qui ministerio Altaris addi-
 citur, non modo omni culpa & scelere care-
 at, sed etiam ab omni suspitione, aut opini-
 one sceleris, sit alienissimus. Teneatur, *Epistol. 89.*
 inquit sanctus Leo, subscriptio Cleri- *Or. 103.*
 corum, honoratorum testimoni-
 um, ordinis consensus & plebis, qui
 praefuturus est omnibus, ab omni-
 bus eligatur. Ad cuius consecratio-
 nem nullus ambitus trahat, nulla se-
 ditio impellat, nulla iniquitas incitee
 sed in medium constituta meritōrū
 sanctitate, ut cunctis ille propona-
 tur, quem sibi cuncti cupiunt praesi-
 dere. Populus enim Episcopum non
 opratum aut contemnit, aut odit.
 Sic igitur sanctissima Pontificalis unctio
 perficitur. In qua illud monet vetustissi-
 mus Canon, ut ea unctio vngatur Epis-
 copus, non tam in corpore quam in corde:
 ut & interiūs sit nitor conscientiae, quo ad
 Deum: & exteriūs odor bonae famae, quo ad
 proximum. Neque verò nunc primum ea
 unctio

unctionis ratio est inuenta, sed iam ab antiquissimis primitiua Ecclesiæ temporibus est usu & consuetudine cōprobata. Quod vel ex Gregorio Nazianzeno constat: cuius illa sunt, quibus parentem suum alloquitur, verba: Idcirco me, inquit, Pon-

In Apol. postea quā ex fugare diis.

tificem vngis; ac podere cingis, capitiq̃ue cidarim imponis, atque holocausti spiritualis Altari admoues, & sanctificationis vitulum mactas, manusq̃ue spiritui consecras, & sancta sanctorum spectatum introducis; verique illius tabernaculi, quod non homo, sed Dominus construxit, ministrum facis; dignūne verò, & vobis qui vngitis, & eo propter quem peragitur, & in quem tendit hæc unctionio. perspectū hoc habet Pater veri illius ac germani Christi, quem exultationis oleo præ consortibus suis perfudit, cum humanitatem diuinitate perunxit, vt faceret vtraque vnū. Et alio loco: Spiritu, inquit, res nostras moderante, cui nos ipsos dedimus, & caput nostræ initiationis, oleo delibutū à Patre omnipotente, & Filio vnigenito, & spiritu sancto ac Deo.

*Psal. 44.
Aphef. 2.
In oratione
ad patrē, cum
ei curam Ec-
clesiæ com-
mississet.*

Et

Et hactenus quidem peracta est Consecratio, confectum Sacramentum. Iamque ille qui consecratur, non amplius Electus, sed Consecratus appellatur. Quo in loco modicum insistamus. Sancti estote Patres mei, quoniam Dominus vester sanctus est. quoniam impositio manuum qua facta est super capita vestra, sancta fuit: quoniam unctio qua uncti estis, sancta est: quoniam verba, signa, & operationes cōsecrationis vestra, non sancta modo sunt, sed sanctissima etiam. Sancti igitur estote & vos, dateque omnem operam, ne sancti: impurè, sublimia demisse, honore digna turpiter, & ut uno verbo complectar, Spiritualia terrenè celebretis: ne hac ipsa membra vestra, organa diuina, instrumenta ratione prædita: instrumenta quæ à præclaro artifice Spiritu sancto cōcinnantur atque pulsanter, ambitionis, cupiditatis, libidinis, ac turpitudinis arma efficiatis: ne templum Dei, tam sanctè consecratum, polluat, ac contaminet: ne parietes dealbati sitis, & dicamini: ne similes efficiamini sepulchris dealbatis, quod quondam Phariseis obiecit Christus Dominus, quæ à foris patent hominibus speciosa, intus verò vici-

Mat. 23.

Mat. 23.

rò plena sunt ossibus mortuorum & spur-
cicia: ne omnia quidem sancta habeatis.
ipsi autem prophani sitis. Audite quid di-
cat Dominus: Loquere ad Aaron; Ho-

Leuit. 21.

Parte prima

pastoralis ca-

pit. 11.

mo de semine tuo per familias, qui
habuerit maculam, non offerat pa-
nes Domino Deo suo; nec accidat ad
ministerium eius. Si enim homo a-
puđ hominem, inquit Gregorius, de
quo minimè præsūmit fieri interces-
for, erubescit, qua mente apud Deū
intercessionis locum pro populo ar-
ripit. qui familiarem se ei? gratiæ per
vitiæ merita nescit? aut ab illo quomo-
do alijs veniam postulet, qui vtrum
fit sibi placatus ignorat? Qua in re est
formidandum, ne qui placare iram
posse creditur, hanc ipse ex proprio
reatu mereatur. Mundamini igitur
qui fertis vasa Domini. Quia necesse est,
ut mundas habere studeat manus, qui di-
luere aliorum sordes curat: ne tacta qua-
que deterius inquinet, si sordida in se mens
lutum tenet. Et ideo in sacerdotali habitu
ante omnia aurum fulget. Quid autem
auro, quod ceteris metallis purius & preci-
osius est, designatur, nisi perfectio sancti-
tatis? Aurum igitur obscuratur optimū

Isa. 52.

cum terrenis actibus sanctitas vita pollui-
 tur. Moneat vos illud, quod ad montem Thren. 4.
 fumantem, neque ex populo quisquam, ne-
 que ex senioribus & Sacerdotibus populi, Exod. 19.
 sed neque Aaron atque filij eius, quam-
 vis summa cura & diligentia purgati ac-
 cefferunt, sed solus Moyses. Moneat ex-
 emplum Nadab & Abiud, quod nono dun-
 taxat igne thura adoleuissent, nono quo-
 que igne absumpti sunt: atque eodem tem-
 pore, & loco, quo nefario crimine se deuin-
 xerunt, perierunt: ac ne patrem quidem
 Aaronem primum apud Deum, secundum
 Moysen, tenentem locum, ipsos a pericu-
 lo vindicare potuisse. Tum etiam id, quod
 Heli Sacerdoti, ipsi quidem viro bono, ni- 1. Reg. 4.
 mis tamen filijs indulgenti, accidit. Mo- 2. Reg. 6.
 neat etiam funestus casus Oza, Arcam
 cadentem non expiatis manibus fulcire
 volentis. Sancti ergo estote, quoniam dux
 vester, & caput vestrum sanctum est: quo-
 niam manibus carneis, diuina & celestia
 tractatis: quoniam omnis integritatis et in-
 nocentiae, estis duces & magistri. Sanctitatis
 vestrae, illam mensuram, illum modum,
 autem ponit S. Chrysostomus: Quanta, Chrysost lib.
 inquit ille, inter sese differentia homi- 2. de Sacer-
 dotio.

*Ibid. Lib.
de sacerdotio*

*Li 6. de sa-
cerdotio.
Galat. 2.*

nes rationis vsum habentes, & bruta
ratione carentia dissident; tantum sa-
hè discrimen inter eum qui pascit,
atque eos qui pascuntur esse velim, vt
ne maius etiam exigam: siquidem in
multo etiam maioribus rebus peri-
culum ipsum versatur. Etenim Sacer-
dotium ipsum in terra quidem pera-
gitur, sed in rerum cœlestium classē
ordinemque referendum est. Atque
id perquam meritò; quippe non mor-
talis quisquam, non Angelus, non
Archangelus, non alia quæuis creata
potētia, sed ipse Paracletus ordinem
huiusmodi disposuit: qui mortalib⁹
hominibus etiamnum in carne ma-
nentibus autor fuit, vt angelorum
ministerium animo conciperent. Id-
circo necesse est Sacerdotem sic esse
purum, vt si in ipsis cœlis collocatus,
inter cœlestes illas virtutes medius
staret, eiusque animum solaribus ra-
dijs puriorem esse oportet, vt ne quā-
do Spiritus sanctus desolatum illum
relinquat, vt dicere possit; Viuo equi-
dem non amplius ego, viuit autem
in me Christus. Eum enim qui pro ci-
uita-

uitate tota, quid dico ciuitate? imò
 verò pro vniuerso terrarū orbe lega-
 tus intercedit, deprecatorq; est apud
 Deum: vt hominum omnium, non
 viuentium modo, sed etiam mortu-
 orum, peccatis propitius fiat, qualē
 quæso esse oportet? Quum autem il-
 le & Spiritum sanctum inuocauerit, *Sacrificium*
 sacrificiumque illud *horrore ac re-*
uerentia ple-
nissimum.
 rentia plenissimum perfecerit, com-
 muni omnium Domino manibus
 assidue pertractato; quæro ex te, quo-
 to illum in ordine collocabimus?
 quantam autem ab eo integritatem
 exigemus? quantam religionem? Cō-
 sidera enim quales manus illas admi-
 nistrantes esse oporteat; qualem lin-
 guam, quæ verba illa effundat: qua
 denique re non puriorem sanctio-
 remue esse conueniat animam, quæ
 tantum illum, tamque dignum Spi-
 ritum receperit. Per id tempus & An-
 geli Sacerdoti assident, & coelestium *Angeli Sa-*
cerdoti ass-
dent.
 potestatum vniuersus ordo clamo-
 res excitat; & locus Altari vicinus in
 illius honorem qui immolatur, an-
 gelorum choris plenus est: Luminis
 F 3 instar,

instar, vniuersum orben illustrantis.
*Et hæc quidem Chrysostomus. Nos autem
 ea quæ sequuntur, oratione prosequa-
 mur.*

Confecto sacramento, confert se diui-
 nus Hierarcha ad spirituale Oecono-
 miam, sanctæque prolis gubernationem.
*Armat igitur primum & instruit nouis
 sponsum, dat regenda & gubernanda fa-
 milia instrumenta ac gubernacula. Et cū
 omne regimen omnisque administratio,
 auctoritate & amore contineatur: Ode-
 runt enim peccare mali, formidine
 poenæ: Oderunt peccare boni, virtu-
 tis amore. tradit imprimis in manus no-
 ui Antistitis consecratum Baculum: au-
 thoritatis scilicet & discipline insigne, su-
 stentaculum imbecillitatis humanæ, ut sit
 in coercendis vitijs pie seuerus, iudicium
 sine ira tenens, lenis in fouendis virtutibus,
 audientium animos demulcens, in tran-
 quillitate seueritatis censuram non dese-
 rens: ut reuocet errantes, regat iustos, pun-
 gat & stimulet ignauos & inertes, repel-
 lat nocentes: ac, iuxta Ezechielem, attra-
 hat vagum, sustentet languidum, stimu-
 let*

let pigrum: portet in humeris suis, exemplo Principis pastorum, agrum & debile. Li. 3. de Consideratione.

Vt increduli, inquit Bernardus, conuertantur ad fidem, conuersi non auertantur, auersi reuertantur, peruersi ordinentur ad rectitudinem, subuersi ad veritatem reuocentur, subuersores conuincantur: vt vel emendentur ipsi, si fieri potest; vel si non, perdant auctoritatem facultatemq; alios subuertendi.

Excusserunt hoc insigne potestatis & auctoritatis, discipline item de manibus Pontificum, huius seculi haeretici, & ideo in omni rerum confusione & perturbatione versantur. Non potest enim Deo esse contrarium quid, & sibi met cohære. Li. 5. de Consideratione. Psal. 22.

re, aut secum consentire: dicebat Bernardus. *Nec possunt verè dicere: Virga tua, & baculus tuus, ipsa me consolata sunt. Ideo ne filij quidem, quia extra disciplinam sunt: qua sublata & extincta, omnem ordinem auferri, omnem recti & honesti differentiam extinguere oportet.* Heb. 12. Li. 3. de Consideratione.

Impunitas enim, inquit idem Bernardus, incuriae soboles, insolentiae mater, radix impudentiae, transgressionis nu-

rix, matris noxiæ libertatis pessima
 soboles hæc. Sed nunquam excussissent,
 si Pontifices rem magis, quàm insignia rei
 completi voluissent: Et si pro religione
 potius contra impietatem, pro fide contra
 perfidiam, pro veritate contra mendaci-
 um, pro virtute contra scelus, pro iustitia
 contra iniustitiam, pro pudore contra fla-
 gitium & impudentiam, quam pro suis
 commodis ac honoribus, ea potestate & au-
 thoritate, quæ illis à deo tradita est, uti vo-
 luissent. Verùm cū hæ nuptiæ, hocq; regimē
 non tam timoris, quam amansit: non tam
 seueritatis, quā charitatis: Nam & Chri-
 stus Dominus dilexit Ecclesiā, & tra-
 didit semetipsum pro ea, ut illam san-
 ctificaret, mundans eam lauacro a-
 quæ in verbo vitæ: ut exhiberet ipse
 sibi gloriosam Ecclesiam, non haben-
 tem maculam, aut rugā, aut aliquid
 huiuscemodi, sed ut sit sancta & im-
 maculata. Et cum quem vicarium loco
 sui relicturus erat, priusquam illi despon-
 disse, ter interrogauit, num se deligeret,
 & propter se sponsam suam. Quod cum il-
 le summa assenatione ter professus fuisset,
 tum demum illud audiuit: Pasce oues me-

Ephes. 5.

Joan. VI.

as, *pasce agnos meos*. Sane qui dicit, *A-*
mice ascende superius, ait Bernardus,
amicum fore fidit. Si min⁹ inueniat, *Lib 2. de cō-*
 non expedit quidē. Qui eleuauit, & *sideratione.*
 deijcere potest. Sera querela, quoni- *Luce 14.*
 am eleuans allifisti me. *Eius igitur a-*
moris & charitatis symbolum, sacer Con- *Psal. 101.*
secrator nouo sponso tribuit consecratum
Annulum: cum monens, ut accipiat An-
mulum, fidei scilicet & amoris signaculum
quatenus sponsam Dei, Sanctam videli-
cet Ecclesiam, intemerata fide ornatus, il-
libatam custodiat. In quo amore et dilecti-
one si pastores persisterent, Super muros *Esaie 62.*
Hierusalem, ut inquit Esaias, starent
custodes, tota die ac tota nocte non
tacentes. Habitarēt enim inuenis cum
virgine: & gauderet sponsus super spon-
sam, & gauderet super illos Deus eorum.
Dura enim ut mors est dilectio, & tanquā
infernus amulatio. Cupiditas & amor, *Cant. 8.*
dulces sunt tyranni. Videmus bubulcū, *In oratione*
inquit Nazianzenus, ob vitulū vnum *posteaquam*
ab armento aberrantem, vel pastore *rure in urbē*
redisset.

ob pecudem decadis grege desidera-
 tam, vel auem ob nidulum, quem ad
 breue tempus reliquit, vsq; adeo dis-

crutiari solere; vt & illi arreptis fistulis, in speculam quandam euecti, calamos omnes mœrore impleant, atque palantia animalia quasi ratione predata, euocent: ac si paruerint, maiorem ex illis, quam ex reliquis simul omnibus, delectationem percipiant; hæc autem stridens ad nidum conuollet, pullisq̃ue stridentibus aduoluetur, eosq̃ue pennis foueat: quo tandē chariores esse, par est apud bonum egregiumq̃ue pastorem oues rationis participes, & pro quarum salute non nihil periculi adiit; quandoquidem hoc quoque acriores animi flāmas excitat. *Qui amor cū in pastoribus nostri sæculi nō sit ideo nō gaudet sponsus super sponsam suam, ideo alienam sequitur: ideo vbiuis potiūs libentiūs agit, quā in ouilibus suis: Ideo alij priūs ex hac vita decedunt, quā Cathedras suas reuiserunt: ideo in Geographicis tabulis necesse habent situs & locū Episcopatū suorū querere. Quid capiet piscator ille, qui procul à littore abest? sit peritissimus, sit solertissimus licet, pastor itē ille quid proficiet, qui stabulā ingreditur nūquā? Quis inter*

interfluctus, *inquit* Leo, nauē diriget, si gubernator abscedat? quis ab insidijs oues custodiet, si pastores cura non vigilet? quis deniq; latronibus obfi-
stet, & furib⁹, si speculatorem in pro-
spectu explorationis locatum, ab in-
tentione sollicitudinis amor quietis
abducat? *Et tamen grauius ferimus,*
quod in eum locum deducta sit res Ecclesi-
astica: Nemo nos plus læsit quàm nos ipsi,
sed & hucusque ledimus. Vnde autem hæc
tam supina negligentia? nisi inde, quod
Christum Iesum non amamus: quod salu-
tis nostræ nullam, vel perexiguam ratio-
nem habemus, quod Academicas quasdam
questiones sequamur. Negligenter pas-
cens toties commendatum Domini-
cum gregem; inquit magnus Leo, con-
uincitur summū non amare pastorē.

Pastor consecratur, ergo pascua illi tra-
duntur. Accipit Consecrator Euangelio-
rum librum, eumque nouo Prasuli tradit:
Accipe, inquit, Euangelium, & vade
prædica populo tibi commissio. Po-
tens est enim Deus tibi augere grati-
am suam. Ac si diceret: Ne putes in Pau-
lo & Petro, Tito & Timotheo, Chrysosto-

mo & Augustino, munus & functionem
Apostolicam desijisse: ne putes caelestem
illam benedictionem & auxilium aeterni
Patris sublatum esse: quo illi subnixi, pro-
fecti annunciauerunt Euangelium vniuer-
so mundo: potens est Deus etiam tibi dare
gratiam suam, ac per te similia operari.

Lib. 2. de
cōsideratione

Etsi enim illi plus omnibus inquit Ber-
nardus, laborarunt, non tamen totū
elaborauerunt, & tibi adhuc locus re-
lictus est. Neque te illud tant opere ter-
reat, quod sublimibus humana sapientia
verbis careas, quod serius ad sacrarum li-
terarum lectionem accessisti, quod nun-
quam Cathedram Doctōris conscenderis.
Aude, & fac aliquid. Potens est enim De-
us tibi augere gratiam suam. Nihil agē-
tem, impossibile est bene operari. Melius
serò, quàm nunquam. Nam & undecima
hora operarij, diurnum acceperunt dena-
rium. Petro nihil indoctius, Paulo ni-

Matth. 20.

In Proemio
ep. ad Rom.

hil imperitius, inquit Chrysostomus, Et
hoc illi profitebantur, nec eos hoc
fateri pudebat. Etsi imperitus sum, in-
quit Paulus, sermone, non tamen sci-
entia: Sed tamen hic imperitus, & ille
indoctus, sexcentos Philosophos su-

2. Cor. 11.

per

perarunt; sexcentis Rhethoribus os obturârūt; suo ipsorum studio, propensaque voluntate, & Dei gratia, omnia peragentes. Inique certe & calumniosè heretici, ut in cæteris omnibus, ita et in hac parte conuiciantium, verbi Dei in Ecclesia Catholica nullam rationem haberi, sacram scripturam suppressi: aliunde potius, quam ex scripturis diuinitus traditis, dogmata populo Christiano proponi: humanas traditiones, pro diuinis præceptis & mandatis obtrudi: quæ illorum oratio, quàm vana, quàm cum euidenti calumnia coniuncta sit, hac ipsa traditio libri Evangeliorum: hac noui Pastoris compellatio, quæ quasi summam Pontificalis muneris cōtinet, abunde docet. In qua Codicis traditione, tria nobis præcipue sunt obseruanda. Primum illud, quod non ipse sibi, is qui populo Dei præficitur, codicem submit: hoc enim hereticorum proprium & peculiare semper fuit: sed à sede Christi, sed ex manu diuini Hierarchæ accipit. Nam neque Moyses quidem sibi ipsi tabulas, in quibus Lex Dei continebatur, jussit, sed de manu Dei acceptas populo tradidit. Et Paulus, id quod à Domino ac-

1. Tim. 6.

cepit, se tradidisse docet. Et Timotheum monet idem Paulus, ut id custodiat, non quod sibi priuata auctoritate sumpsit, sed quod apud eum depositum est. Secundum verò illud animaduertendum erit, tradi illi Codicem Euangeliorum: non unum aliquod Euangelium, non partem aliquam Euangelij. Nam hoc item hereticorum proprium est, ut partem quidam unam sacre scripturae tueantur, reliquas autem vel negligant, vel tanquam Apocryphas & profanas penitus rejiciant. Huic autem nostro totum traditur Euangelium: ut ita eius unam partem tueatur, ita interpretetur, ne reliquarum sensum & veritatem peruertat: ita vni parti imitatur, ut reliquarum conseruet sanctitatem. Tertium demum illud, quod quae Ecclesia illi tradit Euangelium, eadem & sensum ac interpretationem eius Euangelij eum docet: ne ipse novos sensus querat, ne sua figmenta pro Catholica doctrina obtrudat: ut Spiritus Dei, non humani sensus, sequatur doctrinam. Prophetia enim, atque vniuersa scriptura, inquit sanctus Petrus, priuatae interpretationis non est. Vt enim illud Euangelium adfert, quod omni-

2. Pet. 1.

um temporum atque locorum est, ita & eā
interpretationem sequi debet: si verus, si
solidus, si Catholicus Doctor esse, & habe-
ri vult: quæ omnium ætatum & temporis
omnium item gentium & nationum, iudi-
cio & auctoritate sit comprobata. Hacque
illa est vera, inter Catholicum & hereti-
cum Doctorem atque Magistrum diffe-
rentia: quod uterque sacra scriptura testi-
monijs utitur, uterque Euangelium lau-
dat, uterque pro hoc vitam sanguinemq;
si ita opus sit, se profundere paratum esse
dicit. Hic tamen hoc Euangelium, eiusque
ministerium, priuata sibi sumit auctori-
te: ille à potestate ordinaria accepit: hic
partem aliquam tuetur, ille totum simul
corpus defendit: hic suos proprios, ille Eccle-
siasticos astringit sensus. Et ideo Catholicus
Magistri doctrina, ad Deum reuelan-
tem, & Spiritum sanctum interpretan-
tem, enarrantemque ac suggerentem re-
fertur. Hæreticus diuina quidem verba
adfert, sed suum sensum. Et verbis quidem
diuinis summa & prima fides habenda est,
sed illis tamen, quæ procedunt de ore Dei,
& quæ os domini locutum est. Quod autem
hoc ipsum os diuinum sit, in Symbolo profi-
temur

temur omnes: sed & ipsi profitentur nobiscum, si modo se intelligere & exaudire velint: et si non pertinacia & malicia nunquam vincantur. Qui locutus est; inquit, per prophetas. Et vnā, Sanctā, Catholicā, & Apostolicā Ecclesiam. Ecclesia Dei promissus est spiritus sanctus: vnus igitur sibi non sumat, quod omnium est. Et idcirco hereses semper vno pede claudicant: Catholica fides, vtriusq; pedis stabili firmatur gressu. Catholica fides, eternā & increatā veritatem sequitur, quæ omnium est: heresis secundum Deum, vel vna cum Deo, suos sensus & iudicia, duo insidiosissima idola colunt & adorant. Et proinde palpant tenebras Aegyptij. Cum de populo Dei scriptura dicit: Vbicunque Israel erat, ibi lux erat. Sed quæ tandem causa eius, de qua supradictum est, calumnie? Non alia certè quàm illa, de qua quondam questus est Ieremias: Sed & lamie nudauerunt mammas, lactauerunt catulos suos. filia populi mei, crudelis tanquam struthio in desertis. Lamia, inquit, monstræ fædissima ac crudelissima, tantum humanitatis, tantum charitatis habent, ut eos

Exod. 10.

Thren. 4.

ut eos catulos, qui ex eis progeniti sunt, lactent: ut his, quos illis Deus & natura commendauit, nudent ubera sua. Filia autem populi mei, Sacerdotes & Pontifices, ex quorum ore fontes doctrinae irrigandis populis profluere debebāt, struthionis instar sunt crudeles: quem nulla pietas, nulla suorum mouet charitas. Sic nostris infelicissimis temporibus. Lamiae quidem haereticorum humanam faciem habentes, sed beluina per impietatem corda gerentes, nudauerunt mammas, lactauerunt varijs erroribus catulos suos. Pastores aut, atque Doctores Ecclesiae, crudeles tanquam struthio, quibus nullum vilius videtur officij genus, hoc ipso verbi diuini praedicationis munere: & quod omnem excedit inhumanitatem, non solum ipsi non lactant catulos suos, sed nec nutrices quidem ipsas, id est Parochos, ac reliquos inferiores Ecclesiae ministros, hoc officij genere serio perfungi patiuntur: dū vel eos huic muneri praeficiunt, qui ipsi rationem vitae suae ignorāt, vel alijs negotijs longē diuersis & pugnantibus impediunt. Atqui Paulus necessitatem euangelizandi sibi incumbere clamat: Vae enim, inquit, mihi, si non euange-

1. Cor. 9.

Li. 4. de Cō-
sideratione.

Epist. 237.

Luce 5.

4. Reg. 19.

lizauero. Et si purpuratus, et si deauratus incedis, inquit Bernardus, non est tamen quod horreas operam curamque pastorem, Pastoris hæres: non est quod erubescas Euangelium. Pastorem te populo huic aut nega, aut exhibe. Quis mihi det, antequam moriar, videre Ecclesiam Dei; sicut in diebus antiquis, quando Apostoli laxabant retia in capturam, non in capturam auri & argenti, sed in capturam animarum. Quam cupio vos Episcopos compellat, eorum hereditare vocem, quorum adepti estis sedem. Venerunt filij usque ad partum, ait Prophetia, & vires non habet parturiens. Verum & hæc quidem hætenus.

Accepto demum nouus Pontifex à suo Consecratore, ac reliquis assistentibus, oculo pacis, de quo paulo post nobis dicendum erit: recedit ab Altari, ac deinceps eo tempore, quo populus Christianus dona & munera ad altare Dei, more veteri, eoq; laudatissimo, adferre solet: ipse quoque suo Consecratori, tanquam spiritali patri, munera offert. Sunt autem ea ex antiquissima Melchiadis Pontificis institutione,
paris

panis & vinum: quibus dua anteferuntur
 faces. Offert panem & vinum: vel ut o-
 stendat, se in eius Sacerdotis functionem
 & munus succedere, cui sine omni in futu-
 rum pœnitentia iuravit Dominus, cum Psal. 109.
 esse Sacerdotem secundum ordinē Melchi-
 sedech: vel, ut quidem ego iudico, ad desig-
 nandam paupertatem Episcoporum pri-
 mitivæ illius Ecclesiæ: in qua summa opes,
 summa diuitiæ, panis & vinum fuerunt.
 Dantur autem hæc munera clara luce, &
 amplius duabus facibus accensis, ne quid
 inter hæc levia munera speciosius colore,
 pondere preciosius (scitis quid intelligam)
 subrepat ac subijciatur. Male enim agi-
 tur, cum ea quæ virtuti & pietati debentur,
 a sino onusto auro conferuntur.

Assumitur demum sacer Antistes à
 suis collegis, in communionem & partici-
 pationem orationis, ac mysticæ mensæ. Ac
 ut quondam Elias quadraginta dierum
 & noctium ad montem usque Orb Dei^{3. Reg. 19.}
 visionis, iter emensurus, cœlitus delato cō-
 munitur viatico: Sic iste cōtra omnia pro-
 lixi & difficillimi itineris pericula, contra
 omnes visibilia, & qui videri non possunt
 inimicorum insidias, contra Principes &

1 p̄hes. 6.

Ioan. 6.

Esaie 11.

Psal. 90.

1. Pet. 5.

Matt. 16.

potestates tenebrarum mundi huius, confirmatur & roboratur pane illo, qui de cælo descendit: quem qui dignè manducat, nō moritur, sed habet vitam æternam. Super quem panem, iuxta Esaïam, requieuit Spiritus domini, spiritus sapientiæ & intellectus, spiritus consilij & fortitudinis, spiritus scientiæ & pietatis: & repleuit eum spiritus timoris Domini. Quorum donorum participes efficiuntur oēs illi, qui dignè & religiosè tanto reficiuntur viatico.

Cælesti mysterio refectus armatur demum ille, cui cum Aspide & Basilisco, cum rugiente Leone & Dracone, congregiendū est; cui cum portis ipsis inferi pugna instat: cui omnium necesse est ferre tentationes. Nec ubi nudo quis aut neglecto loco deprehensa, letale vulnus adferat. Nam etsi ego latens in caverna, dicit Bernardus, & quasi sub modio non quidem lucens, sed fumigans, ventorum tamen impet⁹, nec sic quidem declinare sufficio; quid positus supra montem, positus supra candelabrum patietur? Imponitur igitur capiti eius sacra Cydaris, bicornis que galea, cum Patris omnipoten-

tis inuocatione : cuius præclara est bonitas, & virtus immensa, totiusque decoris ornamentum.

Imponimus, inquit diuinus Hierarcha, capiti huius Antistitis & agonistæ tui galeam munitiois & salutis; quatenus decorata facie, & armato capite, non generis & prosapiæ vetustate, non stipatorum vi & armata manu, non magnis necessitatibus & clientelis, sed cornibus vtriusque testamenti terribilis appareat aduersarijs veritatis: & te ei largiente gratiam, impugnator eorum robustus existat. Qui Moysi Exod. 34. famuli tui faciem, ex tui sermonis consortio decoratam, lucidissimis claritatis ac veritatis cornibus insignisti, & capiti Aaron Pontificis tui Tyaram Exod. 28. imponi iussisti. Tali armatura instructi *bantur primi religionis nostræ duces & Antistites: hisque denicerunt regna, obturauerunt ora leonum, extinxerunt impetum ignis, effugauerunt aciem gladij, conualuerunt de infirmitate, fortes facti sunt in bello, castra verterunt exterorum. His cornibus armatus Petrus Neroni, Liberius Constantio, Ambrosius Theodosio,*

*Basilii Valentino, Chrysostomus Arcadio, Leo Genserico atq. attila, noster Stanislao Boleſlao, alijsque alijs quàm plurimi reſtiterunt, terribilesque apparuerunt. His cornibus Ariana, Macedoniana, Neſtoriana, Dioſcorigeni, Eutichetis, ac reliquorum monſtrorum diſſipata eſt impietas: his omnis hæreticorum prauitas ceſſit. Vobis ampliffimi Patres nimis hæc cornua obtuſa & attrita reddita ſunt. Quietem & tranquillitatem noſtram curamus: cælum ruiturum exiſtimamus, ſi quid liberiùs pro Eccleſia Dei dixerimus aut fecerimus. Nimis timidi ſumus, nimis ocio & deſidiatorpemus. Et eo quidem tempore, inquit Chryſoſtomus, quo aura ſerena eſt & lucida, quo pascua libera & quieta, quo nulli luporum impetus & inſidiæ greges vexant; licet fortaſſè Paſtori ſe prouoluere ſub patula arboris umbra, fiſtula dulce canere: At ubi imbres & tempeſtates inſurgunt, ubi oues diſſipantur, ubi lupus ad præſepia adeſt: tum paſtor umbram deferat oportet, tum pro tripudio & choro curſum, pro fiſtula et tibia fundam & baculum arripiat, oportet. Et fuit quidem quoddam tempus, cum
magna*

magna erat Ecclesie Dei pax, magna quies, rerumque omnium secundissimus afflatus: tum fortasse licuit multis ociosos esse, suisque voluptatibus & quiete perfrui, suis lucris & commodis incubare: Nunc tempestas adest, summosque feriunt fulmina montes; nunc praesentia naufragia ubique ante oculos versantur nostros: nunc dura bella & conflictus immineret: nunc alia est ratio omnium rerum. Excutiendus est iste sopor: voluptates reijcienda: ad arma, ad gubernacula vobis recurrendum, priusquam extremum naufragium vos, gregesque vestros absorbet. Virtus enim in pace acquiritur, in pressura probatur, in victoria coronatur. Neque illorum temporum exemplis abutendum, neque illi homines nimis molles & delicati imitandi, quod plerique vestrum faciunt: sed illi potius primi fortissimi ac insuperabiles viri Patres & fundatores vestri, qui omnia humana & diuina excellenti animi virtute superarunt: qui nulla humana voluptate & recreatione usi sunt: qui omnia mundi huius sicut stercora existimarunt, ut Christum lucrifacerent: qui solas has voluptates atque delicias censebant, nem-

Philip. 3.

pè à voluptatibus & delicijs abhorrere:

2. Cor. 6. 9.
11.

Quorum vita fuit, *ut Paulus docet*, in multa patientia, in tribulationibus, in necessitatibus, in angustiis, in plagis, in carceribus, in labore & ærumna, in vigilijs multis, in fame & siti, in ieiunijs multis, in frigore & nuditate: in itineribus sæpè: periculis fluminum, periculis latronum, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus. Per gloriã & ignobilitatem, per infamiam & bonam famam. Vt se ductores, & veraces: quasi purgamenta mundi huius existimati, ludibria & verbera experti; lapidati sunt, secti sunt, tētati sunt, in occisione gladij mortui sunt. Circuierunt in pelotis, in pellibus caprinis: egentes, angustiiati, afflicti; in solitudinibus errantes, in montibus, & speluncis, & cauernis terræ: quibus dignus non erat mundus. *Tradiderunt corpora sua ad supplicia, & lauerunt stolas suas in sanguine agni, & ideò receperunt palmas: & ideò sempiterno cælo cum*
duce

Hebr. 11.

apoca. 22.

duce & imperatore suo Christo fruuntur: Apoc. 22.
& ideo nomina eorum scripta sunt in libro vite: & ideo memoria eorum ex ore hominum non peribit in sempiternum. Hi vobis potius tali tempore, his periculis imitandi sunt, & moribus exprimendi, quàm dissoluti & enervati illi: qui & ipsi, si vigilantiores atque diligentiores suis temporibus esse voluissent, et Ecclesia Dei melius consulissent, & officio suo conuenientius functi fuissent, & vobis pinguiorem ac vberiore hereditatem domini reliquissent: sed & exemplum sanctius, nomenque illustrius. Nam honores istius vestri atque summa dignitates, media quaedam res natura sua sunt. Si enim præstanti virtute & vita innocentia queruntur, si maximis vigilijs & laboribus sustinentur, si incredibili fructu & utilitate eorū quibus præsis obsignantur, res quaedam magnifica & illustres putanda sunt: & quæ plurimum decus atque commendationem illis, in quos conferuntur, adferre solent: Sin verò dolo & fraude inuaduntur; vel quod fædus est, si pecunia comparantur, si per luxum & desidiam produntur, potius quàm geruntur: si aliqua infelici

calamitate, ac publica salutis ruina, concluduntur: tum in istis amplissimis nominibus honoris non modo dignitas nulla erit, sed erit etiam summa deformitas. Nam & virtutis vniuersa, & iudicij, omnem opinionem euertunt. Quomodo enim ille vir bonus, qui ut suam qualemque astruat gloriolam, publicam salutem in summum discrimen adducere non dubitat? Quomodo recto iudicio praeiudicatus, qui neque seipsum nouit, neque illud discernere potest: veram laudem & gloriam, non tam ex honoribus & dignitatibus pendere, quam ex earum recta & salutaris administratione: & qui non cernit se honoris vocabula, non dignitatis insignia consecutum esse: & qui ex eo laudem quarit, quod non illi, sed pecunia sua collatum est. Nam & in militia praeclarum quidem est Ducem exercitus creari, turmas & legiones ducere: sed si id virtute tua consequaris, si strenue cum hoste dimices, si praeclaram aliquam victoriam Reipub. parias: sin aliter, quanto plures perdidideris, tanto illustriora ad omnem posteritatem excutabis infamiae tuae trophaea. Magna dico, sed & in paruis hoc idem videre licet. In

Comedia vel Tragedia pulchrum quidem
 est Priami Regis, aut Agamemnonis, aut
 Aiakis personam sustinere: sed si Priami
 imperio dignam speciem geras, si lacertis
 firmus sis, si voce valeas: si nihil horum,
 longè honestius & pulchrius est cum deco-
 re, vel Therfitis, vel Dauis, aut Getæ cuius-
 quā personam sustinere, quam cū turpitu-
 dine & dedecore Heroas ac semideos re-
 presentare, miserabilisq; potius quam su-
 spiciendus apparere. Histrio hac in fabula
 videbit, Episcopus Sacerdos in summa sa-
 lutis suæ, ac tot populorum incolumitate,
 non videbit? Quæ si maiores nostri apud
 se diligentius perpēdissent, nunquam pro-
 fectò in eos scopulos atque pericula, rem
 Christianam adduxissent: & ipsi longe
 nobilius nomen & gloriam post se reliquis-
 sent. Nunc alia tempora, alios postulant
 mores. Stultum & insanum est in procel-
 la & turbulento mari molliter cubare vel-
 le. Quieto mari, inquit Gregorius rectè
 nauem etiam negliens, & imperitus
 nauta dirigit: turbato autem tempe-
 statis fluctibus, etiam peritus & vige-
 lans nauta se confundit. Neque tamen
 animo deficiendum est, neque tamen malis
 cedendum

Parte prima
 Pastoralis.
 cap. 9.

Hebr. 12.

cedendum, ac veluti desperata salute, clauus & gubernacula dimittenda: Nondum enim ad sanguinem vsque ipsum restitimus. Non est vir fortis, cui non crescit animus in ipsa rerum difficultate. Maior est ille qui in nobis est, quam aduersus nos.

Iohan. 16.

Cōfide, vicit ille mūdū, & nos vincemus.

Epist. 126.

In quo studio & conatu, cū nihil magis cauēdū fugiendūq; sit, quā studiū vana & inanis gloriæ, ne quid ābitiosa, ne quid humana laudis causa fiat. Nihil enim tā inglorium dicebat Bernardus, quā Episcopum gloriæ cupidum depræhendi. Per multi autem inueniuntur ad ea, quæ pietatis & religionis sunt prompti exercēda, sed sola honoris cupiditate ducuntur: ubi autem eorū pietas arbitris caret, ibi quoque rectē merendi languescit alacritas. Stultissimis vtique mulierculis dicit Nazianzenus, haud dissimiles, quæ natura pulchritudine carentes, ad colores confugiunt, theatriceque vt sic loquar, comptæ atque ornatae sunt: ob venustatem inuenustæ, ob affectatam formam deformes. Et hoc est, inquit Gregorius, quod dicit scriptura: Tradidit in captiuitatem virtutem eorum

In funere patris sui.

eorum, & pulchritudinem eorum in
 manus inimici. In captiuitatem etenim
 virtus, & pulchritudo in manus inimici
 traditur, dum alterius iudicis, quam Dei
 testimonium, quarit: fouea est mentis, me-
 moria propriae virtutis. Dum enim se apud
 se erigit, apud humilitatis auctore cadit.
 Exciderat Regio Propheta paulo liberius
 verbū. Ego dixi in abundantia mea, non
 mouebor in aeternū: & statim damnū sen-
 tit: Auertisti faciem tuam à me, & fa-
 ctus sum conturbatus. Quam enim virtu-
 tem proprius oculus videt, Dei non videt:
 In quo vitio declinando eo magis nos cir-
 cumspēctos esse oportet, quod hoc malum
 ultimo sapientem deferat: hoc vestimen-
 tum dicebat Plato esse, quod postremum
 anima sapientis deponit. Ideo velantur
 manus operarij nouis integumentis: ne
 aut sibi ipse, aut hominibus placere velit.
 Vt ante interni iudicis oculos omnia vir-
 tutum bona ex charitate decorentur, &
 cuncta quae corā hominibus rutilant, haec
 in conspectu occulti arbitri flamma inti-
 mi amoris accendat: ut in omnibus exem-
 plo & instituto Apostoli honorificemus
 ministerium nostrum, non nos ipsos: aut
 potius

Psal. 29.

Axiom. 21.

*potius honorificando ministerium nostrum,
nos ipsos honorificemus. Honorificabi-*
mus autem, inquit Bernardus, non cul-
tu vestium, non equorum saltu, non
amplis ædificijs, sed grauitate morum,
maturitate consiliorum, actuum ho-
nestate, studijs spiritualibus, operi-
bus bonis. Si enim mundo placem?
cur Sacerdotes; Si Deo, cur qualis po-
pulus, talis Sacerdos? Deus dissipabit
ossa eorum; qui hominibus placent,
confusi sunt: quoniã Dominus spre-
uit eos. Fidelis Põtifex, qui bona quæ-
libet per manus suas transeuntia, siue
diuina beneficia ad homines, siue ho-
minum vota ad Deum columbino
intuens oculo, nihil sibi reseruat ex
omnibus. Quo puritatis intimæ bo-
no gloriari non potest veraciter, nisi
qui extrinsecus perfectè gloriolas o-
mnes respuerit. Nec enim tutum ar-
bitratur, labijs hominum commit-
tere gloriam suam, arcæ vtique sine
clauē & sine sera, nullique omnino
clausæ nocere volenti, non tutum o-
mnino sed stultum ibi thesaurum re-
condere, vnde non valeas resumere
cum

cum volueris, sanum vas & incon-
cussum conscientia, & secretis ser-
uandis idoneum, nullis patens infi-
dijs nulli violentiæ cedens: adest vi-
uo, mortuum sequitur. Vbi mihi glo-
ria, vel cōfusio perpétua, pro ratione
depositi. Quin ne ex toto quidem,
vel ipsi conscientiæ meæ credo: quip-
pè cum ne ipsa quidem me queat cō-
prehendere totum. propter quod Ie-
reimias fidenter loquebatur Deo; Di. *Hiere. 17.*
em hominis non concupiui, tu scis
solus; merito constitutus est iudex
viuorum & mortuorum, qui finxit
singulatim corda vniuersorum, & in-
telligit omnia opera eorum. Solum
attendo iudicem, quem solum iusti-
ficatorem agnosco. Sit gloria in ex-
celsis deo, & in terra pax hominibus.
De vultu tali iudicium meum pro-
deat opto; cui insit amor, error absit *Gen. 27.*
& perturbatio. *Summi igitur, Pa-*
rentis auxilium imploratur, mundi-
cias ut circumdare velit manus ministri
sui noui hominis, qui de cælo descen-
dit. Ut quemadmodum Iacob dile-
ctus Domino, pelliceis hædorum co-
oper-

opertis manibus, paternam benedictionē, oblato patri cibo potuq; gratissimo, impetrauit; sic & iste oblata p man⁹ suas hostia, salutarē gratiæ illi⁹ benedictionē impetratiōe mereatur

Collocatur deinceps Episcopus, hoc est inspector omnium, in editiore supra omnes loco, inquit Ambrosius: ut ita cunctos re-

De dignitate
Sacerdotali
cap. 6.

spiciat, & cunctorum oculi in eum respiciant. Quid ni locetur in eminenti, ait Bernardus, unde prospectet omnia, qui speculator super omnia constituitur? Collocatur in sede Iesu Christi homo mortalis, qui aliquando iudicium & sententiam, vel æternæ suæ salutis, vel perpetuæ damnationis, ex eodem loco prout eundem tutatus fuerit, reportaturus est. Collocatur in solio illius, cuius sedes Throni sunt, mentes tranquillissimæ & placidissimæ, pace perenni, quæ exuperat omnem intellectum, perpetuò fruētes. In quem desiderant & Angeli prospicere: cui omnes Patriarchæ seruierunt: cui oēs Prophetæ testimoniū reddiderunt: cuius pedum vel ipsum corrigiō calciamenti qui soluat, indignum se iudicat ille, quo nullus maior extitit inter natos mulierum. Cuius loci consideratio, inquit

Lib. 2. de
consideratione

inquit Bernardus, facit honoris contemptorem in honore etiam ipso. In alto positum, non altum sapere difficile est, & omnino inusitatū: sed quāto inusitatus, tāto gloriosius; timor de adepta iam altitudine, tædere magis facit, quā placere ipsam altitudinem. Nulla splendidior gemma in omni præcipuè ornatu Pontificis, ipsa humilitate; quo enim celsior cæteris, eò humilitate apparet illustrior & seipso. Blanditur Cathedra, specula est, nō domus: qui eleuauit, deijcere potest. Consideras gradum, & casum Epist. 237. metue; consideras fastigium dignitatis, & vide faciem abyssi deorsum. Occupare enim locum, & nō facere fructū, nec loco expedit, nec personæ. Hæc quidē hactenus diuinitus Bernard⁹.

Quanta igitur vite cælestis integritate, innocentia, continentia, equitate, moderatione, constantia, patientia: quanto impetu mentis ad sempiternam gloriam, ac reliquas virtutes, vita sanctissima, & moribus probatissimis, & studio diuinæ virtutis ac charitatis ardentissimo, ad hunc ipsum primum nuptiarum accubitus tu-
H
endum

*endum & exornandum opus sit, ipsi vide-
tis: quam candida & illustri veste, ut par
dignitati & loco virtus adferatur. Simia
intecto, Rex fatuus in folio sedens: mon-
strosares, gradus summus, & animus in-
firmus: ingens auctoritas, & mutans stabi-
litas.*

Secunda par- Prouidendum igitur monet Gregorius,
te Pastoralis quatenus & honore suppresso æqua-
cap. 6. les nos subditis bene viuentibus pu-
temus, & erga peruersos iura rectitu-
dinis exercere non formidemus; nec
præesse nos hominibus gaudeamus,
sed prodesse. Summus enim locus ita
bene regitur. cum is qui præest vitijs
potius, quàm hominibus domina-
tur; ita tamen, ut in corde seruetur hu-
milis, & in opere disciplina: ut eos
quos corrigimus, tacita nonnunquā
cogitatione nobis ipsis præferamus:
sic iura disciplinæ exerceantur contra
delinquentes, ut pietatis viscera non
amittantur; sit amor, sed non emol-
liens: sit rigor, sed non exasperans; sit
zelus, sed non immoderate sæuiens:
sit pietas, sed non plusquam expedit
parcens, ut in arce regiminis iustitia
clemen-

clementiæ permisceatur; nam sc̃cta
 immaturè vulnera deterius inferues-
 cunt; & nisi cum tempore medica-
 menta conueniant, constat quod me-
 dendi officium amittunt: vt non de
 subditis crescamus, sed ipsi de nobis.
 Principem enim te cōstituerunt, sed
 sibi, non tibi. *vt in omnibus illud quod* *Epist. 34.*
monet Bernardus, diligenter expendatur;
quid liceat, quid deceat, quid expediat.
 Plus erga corrigendos, docet sanctus
 Leo, agat beneuolentia, quàm seue-
 ritas; plus cohortatio, quàm commo-
 tio; plus charitas, quàm potestas. *His*
legibus hoc tantum tuetur & exornatur
solum: his ipse solij Princeps & Dominus
Iesus Christus usus est. Ad cuius loci di-
gnam administrationem, magnificè cohor-
tatur Pontifex Nicolaus primus: *Epist. ad*
 copi estis, exurgentia in Ecclesia Chri-
 sti horrenda pericula prouidete: spe- *Epist. Const.*
 culatores estis, in altam mentis arcē *tinopolitana*
 conscendite, & in gregem dominicū *Sedi subiac.*
 feram pessimam irruere cupientem,
 à longè contemplantini. Quasi tuba
 exaltate vocem vestram; & annunciate
 populo Dei scelera eorum: super

Lucæ 4.

montem excelsum; id est, altitudinē virtutum ascendite. Qui euangelizatis Syon, statē in fortitudine: potestatibus huius sæculi, ex aduerso ascendite. *Ne veniat paterfamilias, & iubeat vos dare eum locum digniori: ne pro omnis equitatis & honestatis Antistitib. nequitia præsides esse videamini.*

Sic igitur collocato Pastore in sua sede, prorumpit vniuersa Ecclesia in laudes & confessionem omnipotentis Dei: in quas omnis humana actio & institutum, meritò desinere debet. Ducitur per templum novus Antistes, ut omnibus innotescat: commendatur summo Pastori, & rectori omnium Deo: Ut quem Ecclesiæ suæ Pastorem præesse voluit, propitiis respiciat; det illi verbo & exemplo proficere, & ad vitam, vna cum grege sibi commisso, sempiternam peruenire.

Sermone primo ad Titum

Quantumlibet enim fuerit peritus gubernandi, inquit Chrysostomus, nisi inter huiuscemodi gubernacula gratiam habeat, & pacem quæ à Deo est: & nauiculam simul, & nauigantes pcella inuoluet, mergetq; profundo.

Pleno vestitu nuptiali ornatus et deco-

TATUS

ratus novus praesul, benedicit populo, ac dimittit ecclesiā. Pleni amore et spiritu divini Antistites, in mutuas salutatioes, in mutua oscula, in mutuos amplexus effunduntur, mutuā sibi pacē tradentes & accipientes.

Precatur sacer consecrator novo Praesuli, tanquam germano filio suo, in omni cura ac sollicitudine subiecti sibi gregis, omnes salutare & optatos successus: Precatur novus Pontifex consecratori suo, quē in patris loco vetustissimis institutis, per omnem vitam habere ac venerari iubetur, ter elata voce, multos felices & prosperos annos. Quem ritum *τελειωθῶν ὁ πρεσβύτερος*: hoc autem est, Sacerdotalis perfectionis salutationem, & complexum, sacer vocat Dionysius: quam hoc modo explicat. Nam & omnes, inquit, qui adsunt, sacerorum ordinum homines, & Pontifex ipse qui consecrauit, eum qui consecratus est salutant. Cum enim sancta mens scientia, vique Pontificis, & diuina vocatione atque sanctimonia, ad Ecclesiastici ordinis consecrationem honoremque pervenit, tum charus est patribus sanctissimisque ordinibus: & ad pulchritudinem

In eodē ca. 5.

diuinæ similem perductus, mentes si-
 miles amat, atque ab eis sancte reda-
 matur. Hinc consalutatio illa inter
 Ecclesiastici ordinis homines serua-
 tur & perficitur, quæ sanctam parium
 similitudinemque mentium societatem
 indicat, lætitiāque mutuam, quæ
 amore digna est, quippe quæ diuinā
 pulchritudinem saluam & incolumem
 Ecclesiastici ordinis formæ cō-
 seruet. Hæc Dionysius. *Amor siquidē
 Pastorum & concordia, salus & firma-
 mentum est gregis. Decet enim eos, qui o-
 mnis pacis & amoris cæteris omnibus ho-
 minibus duces & auctores esse debent: ad
 cuius rei designationem, in veteri lege, nō
 alius quàm Sacerdotes, ignem in templo
 Dei accendere iussī sunt: eos ipsos inter se
 nullis dissensionibus, nullis simultatibus o-
 mnino disiungi, sed mutuam pacem & cha-
 ritatem amplecti. Sic enim animis coniun-
 cti atque concordēs, viribus quoque magis
 pollebunt: omnesque inimicorum suorum
 fraudes & insidias, omē vim & impetū,
 facilius sustinebunt, infringent, atq; disti-
 pabūt. Hoc. n. est vnguentū Deo gratissimū,
 quod descendit in barbā, barbā Aaron, &
 in ora*

Leuit. 6.

Psal. 132.

in orā vestimenti eius. Amor. n. & concordia Pontificū, amorē & mutuā charitatē fouet Principiū: quorū cōsensus, populi salus & cōcordia est. Hic est ros suauissimus mōtis Hermon, qui descendit in mōtē Syon ibi mandauit Dominus benedictionem, & vitam vsque in saculum.

EXposui, ut potui, Nuptias sponsi & sponsae, Episcopi & Ecclesiae: dixi, inter quos hoc contrahatur matrimonium: quis Nuptiarum sponsor: qui exornatores & promubi: quae circumstantiae: quis nuptiarum modus & ratio. Quo in loco, antequā dicendi finem facio, primum ab haereticis huius saeculi mihi inquirendum esse putauī: Quae causa fuit, cur, cum se omnis vetustatis & antiquitatis studiosos & cultores esse dicant, ab his pulcherrimis & vetustissimis ritibus discesserunt? Cur nihil earum rerum, in designatione suorum Pastorum, faciunt? cur sine examine, Doctores: sine Sacerdotalis manus impositione, Pontifices: sine vñctione, Sacerdotes: sine missionē, Apostolos: sine ritu sacro, sacrarū ministros esse velint? An haec sacrosancta non sunt? an non ex antiquissima & Apostolica traditione profluxerunt?

an non diuinis scripturis consentanea? an non munus & officium eius qui consecratur, re ipsa potius quàm verbis exprimentia, ac ob oculos plane ponentia? Cum segnius irritant, ut summus dixit Poëta, animos demissa per aures, quàm quæ sunt oculis subiecta fidelibus. Deinde, quæ causa fuit, cur homines quidem probatos, legitima vocatione in amplissima dignitate constitutos, tam sacro ritu consecratos repudiarent? erronei autem quosdam, sine vocatione, sine examine, sine sacramento, sine lare denique ac foco secuti sunt. aut quæ tandem iustam causam, in illo acri & perspicaci iudicio Dei, eius suæ rebellionis & temeritatis reddituri sunt? Sacra Scriptura, inquiunt, nituntur: verum Dei verbum docent. Quo teste, aut iudice? Num de cælo vox delapsa est à magnifica gloria, quæ eos audiendos esse iubeat? num multis & varijs signis & portentis sua confirmarunt? nū admirabili consensu & concordia vigent? nū vitæ quadam diuina & cælesti sanctitate & integritate illustres sunt? num doctrinam quandam eximiam, quæ omnem veterum eruditionem longis passibus post se relinquat, adferunt? num salutarem profectum vitæ & doctrinæ, in dies

maiorē, ac maiorē ostēdūt? nihil certe horū. Quid sit euersum, videmus: quid sit extructū, non videmus: quid extirpatū sit, sentimus: quid satum, nondum perspicimus. nisi fortasse pro fide ac religione, perfidiam: pro Euangelij veritate, flagitia: pro pace & charitate, intestinabellā, ac in omnes bonos acerbū odium: pro modestia superbiam: pro libertate & moderatione, licentiam: pro castitate, libidinis indomitū laxamentum: pro tranquillitate, sauiam tempestatem: pro obedientia, legitimi imperij contemtionem: pro diuini amoris studio, rerum sacrarum, quae amorem diuinum excitabant, exitium orbi Christiano inuexerunt. Atqui dices: eos nihil aliud profiteri, quam se purum verbum Dei docere, sacrāque scripturam ita. Porro verbis, quicquid libet non satis est affirmare: exempla diuina virtutis, non voces inanes, requirimus: neque satis est verbotantum affirmare, vt id continuō credendum sit: non audio verba, sed opus attendo. Quis hoc idem ex veteribus haeticis, quis ex nostris, professus non est? Atqui dicit veritas ipsa: Si ego testimonium perhibeo de me ipso, testimonium me-

Ioan. 8.

2^a 1^a 115.2^a 1^a 75.2^a 1^a 115.

um non est verum: alius est qui testimoni-
um perhibet de me, & scio quia verum est
testimonium eius quod perhibet de me. Ve-
ritatis testimonium, si ipsa de se testetur,
non erit verū: hominis natura mēdaci et
errori obnoxij, pro seipso in privata causa,
testimoniū accipiemus? Nos, inquiūt, et vita
et doctrina sua, locupletes habent testes.
Atqui docet magnus Basilius, Oportere
pari saltē facultate instructū esse illū,
qui de alicuius doctrina, aut scriptis
iudicatur⁹ est, qua ille ipse, qui docet
aut scribit, prædit⁹ sit. Nā & de opere
rustico nemo potest rectē iudicare,
nisi Agricola; & de recto & suavi con-
cēru, nisi Musicus. Doctrinæ autē quo-
modo erit ille iudex qui neq; præcep-
torē suū monstrare potest, neq; tem-
pus quo discerbat? Multum autem o-
pus esse elaborare, & multas insom-
nes noctes ducere, multasque lachry-
mas ad Deum profundere, illum, qui
veritatem quærit; quive eius causa v-
nitatem fraternā aliquo modo per-
turbare velit, docet idē Basilius. Ni-
mis ludimus in rebus maximē serijs, cum
iactura salutis & felicitatis nostræ om-
nium

aut rerū humanarū extrema perturbatione. Sint testes, *ait idē Basilus,* oculi *Ep. 86. 87.*
 iustorū, & aspect⁹ virorū profectorū,
 q̄ illud liberè ac verissimè dicere possint;
 Plura quā vos nouimus, atq; internis
 viciorū spinis nō tātoperè suffocamur:
 neque paucis ornamentis multiplicem
 maliciam admiscuim⁹: quales nostra ætas,
 vel nullos, vel paucissimos cū ferat,
 vetus sæculum nobis est appellandum,
 veteris sæculi iudicijs vtendum. *Deinde Reges atque*
Principes, omnesque illi, penes quos conferendarum
tantarum dignitatum & munerum summa
testimonij est, mihi sunt commonendi,
eam legem Dei esse, Vt si *Deut. 19.*
 steterit testis mendax contra hominem,
 accusans eum prauaricationis; stabunt
 ambo quorum causa est, ante Dominum,
 in conspectu Sacerdotum & Iudicum,
 in diebus illis: cumque diligentissimè
 perscrutatus, inuenit falsum testem
 dixisse contra fratrem suum mendacium,
 reddent ei sicut fratri suo facere cogitauit,
 & auferes malum de medio tui, vt audientes
 cœteri timorem habeant, & ne quis.

quisquā audeat talia facere. Non misereberis eius. *Quod si in unius hominis peculio, aut vitæ periculo, testis iniquus tam abominabilis est coram Domino, tantisque plagis vapulat: quid in peculio & sorte hereditatis filij Dei? quid in salute sponsæ & corporis IESU Christi Ecclesiæ sanctæ, pro qua ille seipsum tradidit, crucemque ac mortem acerbissimam sustulit? Quid in periculo eternæ salutis, vel interitus tot animarum, si quis aut per negligentiam, aut per benevolentiam, aut per fædissimum quæstum mentitus fuerit: ac pro Sacerdote mercenarium, pro Pontifice lupum, pro Pastore furem & latronem, testimonio suo Ecclesiæ Dei præfecerit? quibus & quantis hic ipse plagis obnoxius erit? Non est enim hoc consulere populis, inquit sanctus Leo, sed nocere, nec præstare regimen, sed augere discrimen. Integritas enim præfidentium, salus est subditorum. Et difficile est ut bono peragantur exitu, quæ malo inchoata sunt principio. Recenset Auerni pænas Latinus Poëta, quas inferentes Orbi præsides, exprobrant noxijs: Vendidit hic auro patriam, dominumque poten-*

tetem, impoluit. Quanto iustius, & cū
 maiore horrore id dicetur: Vendidit hic
 Ecclesiam auro, Pastoremq; negligentem
 imposuit, nequissimo questu. Omnium dā-
 nationis causam & pœnam sustinebit ille,
 qui malum pastorem & præfectum dedit.
 Qui enim cordi vulnus intulit, totum la-
 sit corpus. Languente enim corde, in cassū
 membra vigent. Frustra miles contendit,
 si ab ipso militia duce erratur. Totius fa-
 milix domini status & ordo nutabit,
 ait sanctus Leo, si, quod requiritur in *Epist. 37.*
 corpore, non inuenietur in capite Et
 quid est communicare peccatis alienis, nisi
 talem effici eum qui eligit, qualis ille est,
 qui non meruit ordinari? Sicut autem bo-
 ni operis sibi comparat fructum, qui rectū
 seruat in eligendo Sacerdote iudicium: ita
 graui semetipsum afficit damno, qui ad
 summum dignitatis subleuat indignum.
 Qui cui potestatem facit, inquit Chry-
 sostomus, volenti Ecclesiam corrum *Li. 4. de di-*
 pere. is certe author fuerit eorum o. *gnitate sacer-*
 manium, quæ perdita illius audacia *dotali.*
 turbauerit.

Et ea quidem mala quæ nos diuexant,
 molestissima nobis sunt: hæc ipsa religio-

nis Christiana in multas partes fœda dilaceratio: hac omnium rerum, tam diuinarum, quam humanarum, summa perturbatio: hic ipse legum, magistratum, iudiciorumque contemptus: hac in obedientia, atque omnis veteris discipline dissolutio: prauis & corrupti mores, discordiæ, bella, factiones, tumultus: si autem causas & origines earum rerum diligenter expenderimus, ipsimet tantorum malorum fabri & auctores sumus: dum pueros viris, laicos Sacerdotibus, profanos religiosis: ignaros doctrina, impuros, & omni scelere à prima sua ætate imbutos, rebus sacris, ac hominum expiandis vitijs, leuis nonnquam compendij causa præficimus: quæ postea ne quicquam magno, si fieri possit, redimere vellemus. Sed & populus Christianus nobis compellendus est: Num ita Pastoribus suis, ut par est, iuxta præceptum Pauli, uti Christo Domino, pareat? Num sine voluntate & auctoritate eorum, nihil agat? num debitum honorem & reuerentiam, illis tribuat? num decimas & primitias laborum suorum, magna cum leticia & hilaritate, uti præcepit Dominus, illis reddat? num eos, tanquam parentes,
amet

amet & reuereatur? num maiorum suorum
 legibus & institutis obtemperet? qui gra-
 uimulct a eos puniunt: qui presente Ar-
 chiepiscopo aut Episcopo, vel impurum ali-
 quod verbum protulerit, vel minus mode-
 rate se gesserit: an officium prestare se deo
 cum Iudæis atque fœdissimis Tyrannis ar-
 bitratur, si aliquid contra honorem, san-
 ctitatem & auctoritatem eorum dixerit,
 aut sanxerit? si in aliqua parte eorum for-
 tūas atque dignitatem læserit: si aliquid
 ex eorum possessionibus per sacrilegiū auerte-
 rit an filij sunt Belial, filij sine iugo: vt spre-
 to Samuele Deū spernāt, & tradantur in
 manus Regis Babylonis: vt discant distan-
 tiā seruitutis dei, à seruitute Regis terrarū

Vos deinceps sanctissimi Antistites
 compello: num fidem semel datam sanctē
 & intemeratē seruetis? num sacrorum
 Symbolorum & mysteriorum puritatem,
 vitæ innocentia & integritate represen-
 tetis? num capita vestra, & manus ve-
 stras, sacris vnctionibus nitentes, pu-
 ras & mundas ad DEVM cæli pro
 salute populi tendatis: vt sitis omni-
 um quidem bonorum exoratores, malorum
 autem auersores? num ascendistis ex ad-
 uerso.

Ezech. 13.

Psal. 1.

Matth. 25.

uersò, & opposuistis vos murum pro domo
 Israel: ut stetis in pralio in die Domini?
 Num cum fidei Mose in perfractiōe de-
 iecti parietis domus Domini, uitam &
 corpora uestra, murum pro salute populo-
 rum obiecistis? Num in lege Domini me-
 ditemini die ac nocte, ea discētes quæ ali-
 os doceatis? Præconis enim officium susci-
 pit, quisquis ad sacerdotium accedit: ut
 ante aduentum iudicis qui terribiliter se-
 quitur, ipse clamando gradiatur: si autem
 Legis diuinæ est ignarus, quam clamoris
 vocem daturus est præco mutus? Num o-
 pibus ad subleuationem pauperum, an ad
 luxum vel auaritiā? num dignitate ad
 salutem et ornamentum populorum, an ad
 ambitionem & vanam gloriam? num po-
 testate ad defensionem afflictorum, an op-
 pressionem debiliū vsi estis? Vestris qui-
 dem fulcimento & præsidio, alienis autem
 terrori & trepitationi: ut ruant qui nox-
 iēstant, digni erigantur. Quod si facitis,
 macti ea virtute este, columna & firma-
 menta Ecclesiæ Dei: expectantes Princi-
 pis Pastorum illam magnificam vocem:
 Euge serue bone & fidelis, quia super
 pauca fuisti fidelis, supra multa te cō-
 stituam

stituam, intra in gaudium Domini *Mat. 21.*
 tui. *Sin aliter, verendum est, ne malos ma-*
le perdat, vineam autem suam locet alijs *In epist. ad*
operarijs. Nam si is, *inquit Chrysostomus* *1. et ser. 1.*
 qui vnam animam scandalizat, expe-
 dit ei, vt mola asinaria suspendatur
 circa collum eius, & demergatur in
 profundum maris; qui tot animas
 scandalizat, & vrbes integras, & ple-
 bes, viros, mulieres, pueros, ciues, ru-
 sticos, incolas suæ ciuitatis, aliarum-
 que vrbiū, quæ illi subiectæ sunt,
 quid pati merebitur? Nempe verò si
 plura triplo, quam diximus, addas, ni-
 hil dicturus es, adeò vehemens poena
 atque cruciatus huiusmodi homini *Chrysost. de*
Sacerdotia
lib. 3.
 bus imminet. Nam si horremus, dū
 iudicium id nobis subeundum est, in
 quo peccatorum priorum ratio-
 nem reddituri sumus: vt qui sentia-
 mus, nos ignem illum æternum effu-
 gere nequaquam posse; quid illi expe-
 ctandum est, qui tam multorum no-
 mine causas sit ducturus? Quod au-
 tem hoc verum sit, audi beatum Pau-
 lum, seu potius nō Paulum, sed Chri- *Hebr. 13.*
 stum Pauli ore loquentem: Parete ijs
 I qui

Chrysost. de
Sacerdotio
lib. 4.

qui præsunt vobis, & concedite; nam illi vigilant pro animis vestris, tanquam rationem reddituri. Hicne exiguus tibi videtur comminationis terror? equidem illum, quantus sit, verbis exprimere non possum. Maxime autem puniendi illi fuerint, qui post eum honorem studio atque ambitione adeptum, vel per ignauiam, vel per maliciam, vel per imperitiam re ipsa non recte vtuntur.

Lib. 2. de
cōsideratione

In libr. de ijs
qui mysterijs
initiantur,
cap. 2.

Cantic. 6.

Tu verò sancte Antistes, noua creatura Dei, diligenter te circumspice, quis fueris, & qui nunc sis. Quis in natura, ait Bernardus, quis in persona; qualis in moribus, quæ sub te, quæ circa te, quæ supra te sunt quid, cui, & apud quos promiseris. Tenetur vox tua, dicit Ambrosius, non in tumulto mortuorum, sed in libro viuentium: præsentibus Angelis locutus es, sed & ipso Christo. Considera demum, cuius dignitatis, sanctitatis, formæ atque pulchritudinis, decoris item & maiestatis, sponsam acceperis: Vna est matri suæ, electa genitrici suæ: vt aurora consurgens: pulchra vt luna, electa vt sol, terribilis vt castrorum a-
gies

ties ordinata: cui datum est, ut cooperiat
 se byssino splendenti & candido; quam la-
 uuit & sanctificauit sponsus eius, mundans ^{Ephes. 5.}
 eam lauacro aquae in verbo vitae: & tra-
 didit semetipsum pro ea, ut exhiberet sibi
 gloriosam, non habentem maculam aut
 rugam, columbam suam, perfectam suam,
 quam eandem maxima & preciosa dote
 Corporis & sanguinis sui, Sacramentorū,
 hereditatis incorruptibilis & incontami-
 nata, immarcescibilis conseruata in caelis,
 large & prolixe donauit: quam tot filiorū
 greges sanguine agni conspersorum, undi-
 que circumstant. Quae igitur diligentia et
 cautione ea ipsa pulcherrima mulierum
 tibi custodienda erit, ut eam reddas san-
 ctam & immaculatam Sponso suo iudici
 futuro: aut pro quali tibi deposito causa di-
 cenda, ratioque reddenda erit? Cogita i-
 tem, quae sit ista tua totius ornatus & ha-
 bitus immutatio? In quo solio consederis, et
 altiore tu quidem locū sortitus es, sed nō ^{Genes. 28.}
 tutiorem: sublimiorem, nō securiorem. Terri- ^{Exod. 3.}
 bilis prorsus terribilis est locus iste. Locus, ^{Psal. 131.}
 in qua, in quo stas, terra sancta est: locus
 Christi est, ubi steterunt pedes eius. Locus
 illius est, quem constituit Deus dominum
 I 2 domus

domus sua, & principem omnis possessionis
sua. Istéque Sacerdotij tui externus habi-
tus, tua mentis ornatus designatio est. Nā
Pontificalem gloriam, ut dixi, non iam
nobis honor commendat vestium, sed splē-
dor animarum. Quicquid igitur ista vela-
mina in fulgore auri, in nitore gemmarū
& in multi modis operis varietate signifi-
cant, hoc in tuis moribus actibusque cla-
rescat, ut his utaris ad adificationem, non
ad destructionem: ad ornatum ordinis, nō
ad fastum personæ. Domabis lupos, sed oui-
bus non dominaberis: pascendas utique,
nō premēdas suscepisti tene mediū, si nō vis
perdere modū, locus medius tuus est: mediū
sedes modi, & modus virtus. Ut qui nunc
gloriosus & conspicuus in hoc habitu nobis
omnibus appares, eundem te in hac ipsa
stola integra & immaculata, iusto & in-
corrupto iudici sistas: ut hic ipse habitus et
ornatus illo die splendor & decus sit in te.
non testimonium contra te. Et quod hu-
mano ore iam diceris, ante eius qui te tali
dignatus est honore, exquisimos oculos exi-
stas. Benedicat igitur tibi Dominus ex Sy-
on, ut videas bona Hierusalem. Det verbū
euangelizanti virtute multa: ipse dexte-
ram

*ram tuam manu sua teneat, & in consilio
deducat, & cum gloria suscipiat: Pastore
pascat, ductorem ducat: ut ipsius gregem
scite ac perite pascas, & videas filios
filiorum ministerij & functionis
tuæ: pacem super Israel. Dicat
omnis populus,*

A M E N

MATTHAEI XVI.

QUID enim prodest homini, si
mundum vniuersum lucretur;
animæ verò suæ detrimentum patia-
tur? Aut, quam dabit homo
cōmutationem pro ani-
ma sua?

PSAL. XXI.

MAnducauerunt & adorauerūt
omnes pingues terræ: in con-
spectu eius cadent omnes qui
descendunt in terram.

PRO CULTV ET AD-
ORATIONE IESV CHRI-
STI, IN EVCHARISTIAE SA-
CRAMENTO.

STANISLAI SOCOLOVII
*apud Serenissimum STEPHA-
NUM Regem habitam
Concio.*

REVERENDISSIMO
AC NOBILISS. ANTISTITI
*Iacobo Bielenski Episcopo Lacedemoni-
ensi, Suffraganeo Plocen. &c.
fautori & educatori
suo.*




CONCIONEM
nostram pro cul-
tu & adoratione
Iesu Christi in Sa-
cramento Eucha-
ristiae apud Sere-
nissimum Regem
meum aliquando habitam; nunc au-
tem in hac solenni corporis & san-
guinis

guinis Iesu Christi panegyri diligentius recognitam, ac ad eiusdem Iesu Christi laudem & gloriam, Christiani autem populi ædificationem & consolationem editam, ad R. P. V. fauorem & educatorem meum mitto: vt sit aliquod saltem testimonium & significatio mee perpetuæ erga R. P. V. obseruantix atque pietatis: illius autem erga me immortalium beneficiorum memoria extet sempiterna. Neque enim dissimulare volo, quin semper libenter vbique fateor, quidquid in his studijs profeci, quidquid ornamentorum consequutus sum; id me illius hortatu, cura ac studio singularique liberalitate consequutū esse. In qua Iesu Christi alumnorum agricultura ac segete, si alij quoque longe locupletiores eodem modo elaborare vellent, multò maiores & vberiores profecto Ecclesiæ Dei fructus parerent; longe cultior & fertilior vinea domini exercituum appareret; longe plures operarios haberet. Verum nihil nos præter nostra curare solemus; vtque vel mundo post

mortem nostram terra, iuxta verus dictum dehiscat, obitumque nostrum obitus omnium rerum consequatur, nihili ducimus. Quam mentem si maiores nostri itidem habuissent, longe deterius vel nobiscum ageretur, quam nunc agitur. Tu quidem nobilissime Antistes maxime ea laude esto, cui non erat satis, ipsum his praestantissimis virtutibus & doctrinis, quibus affatim abundas, esse praeditum; nisi alios ipsis excoli curares, ac veluti heredes illarum relinqueres. Quo nomine te Deus omnis honestatis ac sapientiae parens, felicem & beatum in multos annos conseruet: omniumque bonorum ubertate augeat; ac ex septuagenario centenarium faciat. Ego quidem eius educationis meae nomine tibi maximas apud omnes bonos gratias ago & habeo, neque unquam agere desinam: utque maiores longe fructus studiorum meorum indies decerpas; si dominus valetudinem hanc meam fractam crexerit, etiam atque etiam vehementer curabo. Vale venerande mihi que charissime senex.

PRO

PRO CVLTV ET AD-
ORATIONE IESV CHRI-
STI IN EVCHARISTIAE SA-
CRAMENTO,

LORIOSISSIMAE
memoria institutio-
nis & adorationis cor-
poris & sanguinis do-
mini nostri Iesu Chri-
sti anniuersariam fe-
stiuuitatē magno gau-
dio & letitia celebramus : quem toto cor-
de & animo, veraque laetitia, id autem est
unico & proprio Dei cultu, in tam sublimi
sacramento colimus atque veneramur.
Atque hoc illud est, quod nobis in loco ex-
trema impietatis à filiis obijcitur Belial,
propter quod nos ex Christianis idolola-
tras : ex populo Dei populum infidelem : ex
filijs Dei filios aeternae gehennae factos esse
clamitant, monstrosisque cognominibus
ipsi maiora monstra conscindunt. Dum
nos iam Artolatras, id est, panis adora-
tores, iam Sarcolatras, id est, carnis cultor-
es, iam Anthropolatras, hominum scet
I s adora-

Isaie 11.

Zecha. 13.

adoratores appellare solent. In quo cum summus quasi cardo causa versetur, in ipsiusque Iesu Christi castissimi & sanctissimi coniugij dedecus & contumeliam, eiusque sancta & immaculata sponsa conui-cium ea res feratur: mihi dissimulandum tantum nefas non putavi, ipsum enim spōsum accusant quasi ille thalami sui nō fuerit satis diligens custos, quasi sponsam suā infedissimum, spiritualis fornicationis, idololatriæ, inquam, scelus, contra veterum vatum promissa & firma sua decreta incidere permiserit: quasi denique ipse pater omnipotēs sepulchrum filij sui, quod gloriosum futurum per Isaiam prædixit, tali abominatione contaminari passus fuerit, super quod usque adhuc hoc tale sacramentum ab omnibus gentibus, quæ sub cælo sunt, & qui Christi nomen gerunt, consecratur, offertur, & adoratur, aut tãquam omnino nobis alius Messias cum Iudeis expectandus sit, qui iuxta prædicti onem Prophetarum non idola tantum delere debebat: sed nomina etiam idolorum, non ut adorentur modo, sed ut ne recedantur quidem homines illorum amplius. Si enim hæc Christus dominus morte & resur-

resurrectione sua non sustulit, alius certe nobis Messias expectandus erit, qui hac auferat, quique ab hac fœditate vineam suam expurget. Quæ omnia cum & ipsius æterni parentis summa providentia præiudicant, & Iesu Christi curam & sollicitudinem, quam de sua sponsa habet diminuunt, & totam fidem Christianam fœdè contaminant, & Ecclesie Dei eam notam inurant: qua stante ipsa sponsa Christi amplius esse nō possit: obstruendum igitur Dei presidio os loquentium iniqua iudicauimus, ac de ea adoratione, quæ Iesu Christo in tali sacramento constituto debetur, pauca ex multis adferre oportere existimauimus: Proponemus igitur in primis scandala & accusationes aduersariorum, deinde totam rem per verissimas, ac quasi immediate ex sacra scriptura, totaque analogia doctrina sanctæ propositiones excerptas, vsuque ipsa veteris Ecclesie perpetuoque consensu concludemus: demum accusationibus aduersariorum, quantum breue feret tempus, respondebimus. Vestrum erit, conatum nostrum vestra deuotione adiungere, Christo Domino prius sublimi reuerentia, in eodem sacramento adorato.

O fa-

O salutaris hostia. &c.

Aug. li. 20 in

Faust. ca. 15

& 16.

Qui Ecclesiam Dei ob cultum & adorationem huius Sacramenti accusarunt, primerant gentiles: ut vel inde rei antiquitas cognoscatur, qui Christianos insimulabant, Bacchum & Cererem speciebus panis & vini adorare. Conuicium hoc fuit à nostro instituto alienissimum. Auerrois item iactatur dictum: Quoniã Christiani Deum suum quẽ adorant manducant: Sit anima mea, dicebat ille, cum Philosophis. Habent autem hoc proprium hæretici, ut quibus vulneribus & contumelijs quondam gentiles Ecclesiam Dei lacerabant, eadem ipsi refricent. Quod in Sanctorum inuocatione cum Iuliano (referente Cyrillo) fecerunt in reliquijs sanctorum venerandis, cum Eunapio, qui dicebat, nos salitos deos colere, nunc faciunt: ut facile seipsos prodant, & in illorum se locum successisse, & eodem quo illi spiritu agitari. Hos sequuti sunt Manichæi: qui cum nihil carnis & sanguinis, sibi persuadebant, inesse sacro panem & vino, dicebant à Catholicis puras creaturas adorari, & se ab ipsis inique accusari, quod adorarent solem ipsum, qui esset creatura. Quin etiã,

*ut ex**Contra Iulia.**Eunap. in vitis Sophist.*

Ut ex Leone Papa perspicitur, verborum
 Christi proprietatem de Eucharistia ca-
 lumniabantur, & de ea disputare non ve-
 rebantur, sed frustra. Suum tamen erro-
 rem nostro instituto, confirmabant, Deum
 scilicet per omnia esse fustum, & in omni-
 bus partibus creaturae adorandum. Sunt
 enim heretici venenosus araneis simillimi,
 qui ex omni etiam saluberrima herba, ve-
 nena exitiosa ad confirmandos suos erro-
 res sugunt. Consequutus est postea Nesto-
 rius, qui cum naturarum concomitantia
 divina inquam atque humana in Christo
 negasset, sicut Anthropophagiam in Eu-
 charistia asserebat, ita de Antropolatria
 id est hominis adoratione, caelum & terram
 ut inquit Cyrillus, sugillabat. Multum
 deinceps fuit ea de re silentium, maximus
 autem apud omnes ecclesias consensus: ita
 ut cum de manducatione aliqua dubita-
 tio extitisset, de adoratione nulla unquam
 extitit: ut ex illis verbis Petri venerabilis
 clarum est. Si ad honorandum, si ad ado-
 randum tantummodo daretur, questio non
 esset: sed quia etiam ad manducandum
 datur, non potest nos ut illos quondam non
 mouere. Quod enim honorari, quod ado-
 rari

Cyril. in ex-
 positione Sy-
 modi Nicaeni

Lib. 1. cap. 1.

De gessis
Anglorum.

debeat, fidelibus omnibus certum est: quod autem comedi, quia comestionis ratio non videtur, admirabile, & super omnia stupendum est. Exortus est tandem ante quingentos annos Berengarius, Andegauen. Archidiaconus, sub Leone nono Papa, homo vanæ mundi gloriæ avidus, animo elatus, conuiciator inuictus, ut Guitmundus eius aequalis testatur, qui cum præsentiam Iesu Christi in hoc sacramento negasset, ita ut rei natura fert, eius adoratores idolatriæ reos esse accusauit: quem tamen veritatis tandem vis inuicta, & vniuersalis de hoc sacramento consensus euicit: ita ut morientis verba hæc fuisse extrema ferantur: Nos sane credimus, post benedictionem Ecclesiasticam, mysteria illa verum esse corpus & sanguinem Saluatoris, adducti verbis & veteris Ecclesiæ auctoritate: Et. Hodie in die apparitionis suæ apparebit mihi Dominus meus Iesus, propter pœnitentiam, uti spero, ad gloriam: vel propter alios, uti timeo, ad pœnam. Mortuo Berengario extinctum est penitus incendium. Quod si quæ exoriebantur scintilla, statim vi veritatis supprimebantur, donec accensa sunt illæ, quibus nunc orbis

orbis terrarum accensus flagrat, faces,
Carolstadius, inquam, Zuinglius, Oeco-
lampadius, Petrus martyr, Caluinus, &
istorum primi parentes, Lutherus, Philip-
pus, Hussius, Viclevv, qui ut ceteros om-
nes prateriti temporis errores ex orco con-
sepultos excitant: ita & in hac ipsa
parte cum Rufo Dracone, contra castissi-
mam sponsam Christi ora sua aperuerunt.
Qui vel quod Christum dominum ex hoc
sacramento penitus sustulerunt: vel quod
cum pane & vino simul esse docuerunt:
vel quod extra usum sacramentum esse
negauerunt: vel quod hoc nusquam in usu,
nusquam imperatum sit: vel quod non eo
sine ut colatur institutum: vel quod ipsa
sola sumptione illud satis coli putarunt:
vel quod alia sacramenta item non ado-
rentur: vel quod in illis locis nonnunquam
est, ubi indeceter colatur: nullo pacto ado-
randum esse docuerunt. Hæc igitur sunt
scandala, hæ Draconis blasphemie, hæ ad-
uersariorum accusationes. Quæ tamen
vel ipsa illud docent, cum adorationis sa-
cræ Eucharistie usum iam à primis eccle-
siae temporibus extitisse, ut quæ iam ab ip-
sis Gentilibus Iudeisque sint impugnata,
tunc

tum quos duces & authores isti sequantur cum quibusque communem causam habent, Gentiles inquam, Iudaeos, atque fadissimos haereticos abunde indicant. Nunc quibus fundamentis ac veluti columnis submixta ecclesia Dei vera Christi sponsa, & istorum ora obstruat, & suam fidem & integritatem, ac innocentiam erga sponsum suum tueatur & vindicet, paucis videamus. Hoc autem est, axiomata quadam, id est, propositiones per se & natura sua notas ac fide dignissimas proponamus. Ex quibus illud constet, eos quidem qui sacramentum hoc colunt, ab omni idololatria alienissimos esse, ut illos qui illud profane tractant, maiestatis divinae impiissimos violatores existere.

Primum igitur illud fundamentum sit prima propositio fide dignissima. Deum, ubicunque sit, & in quacunque specie adorandum esse, praesertim ubi certa & evidetia, eaque divinae sint eius praesentiae testimonia. Apparuit Dominus in forma hominis deambulantis in paradiso ad auram post meridiem, primis parentibus nostris Adae & Euae: statimque illi metu ac reuerentia perculsi, absconderunt se. Apparuit

paruit Dominus Abraha patri omnium
credentium in specie trium angelorum in
conualle Mambræ, quos cum tres vidisset, Genes. 3.
unum adorauit. Apparuit dominus Iacob
in forma ipsi soli cognita innixis scala, sup Genes. 28.
quā ascendebant angeli & descēdebāt, sur-
git et adorat, vere Deus est in loco isto, & e-
go nesciebā, nō est hic aliud nisi domus Dei
& porta cæli. Apparuit Dominus Moysi Exod. 3.
in flamma ignis de mediorubi, quo cum libe-
rius accedere voluisset, audit, non appro-
pinques huc, solue calceamentū de pedibus
tuis, locus enim in quo stas, terra sancta est.
Et abscondit Moysen faciem suam, non
enim audebat aspicere contra Deum. Ap-
paraturus Dominus cuncto populo in mon-
te Sinai, in caligine nubis, sic praecepit: De Exod. 19.
scende & contestare populum, ne forte ve-
lit transcendere terminos ad videndum
Dominum, & pereat ex eis plurima mul-
titude. Sacerdotes quoque qui accedunt
ad Dominum sanctificentur, ne percutiat
eos. Vade ad populū, & sanctifica eos, ho-
die & cras lauent vestimenta sua, ne ap-
propinquent vxoribus suis. Omnis qui vi-
cinius tetigerit montem, morte moriatur,
sive homo, sive iumentum fiat, non viuet.

Manus tanquam nefarium hominem nō
 tanget, sed lapidibus & iaculis obructis
 illum. Sic postea in Sanctis Sanctorum, sic
 in caligine templi, sic in arca adorari sole-
 bat, idque ab illo populo, qui ad omnem ido-
 lolatriam natura effusus fuit: Neq. verò
 tantū ea lex humanā attingit naturā, sed
 omnē itē creaturā maria, inquā, montes et
 flumina, & quidquid cōspicitur. Antecedē-
 bat dominus populū suū in nube & colū-
 naignis, & statim illud fit quod Psaltes
 magnifice celebrat: Mare vidit & fugit.
 Iordans conuersus est retrorsum. Montes
 exultauerunt ut arietes: & colles sicut ag-
 ni ouium. Quid est tibi mare quod fugisti
 & tu Iordans, quia conuersus es retror-
 sum? Montes exultasti sicut arietes: &
 colles sicut agni ouium. A facie Domini mo-
 ta est terra: à facie Dei Iacob. Qui con-
 uertit petram in stagna aquarum: & rup-
 pem in fontes aquarum. Sed & cælum ip-
 sum eadem obligatur lege, Deus, inquit
 scriptura: Cum egredieris in conspectu po-
 puli tui, cum pertransires in deserto. Ter-
 ra mota est: etenim cæli distillauerunt à
 facie Dei Sinai à facie Dei Israel. Stet igitur
 firma lex, Deum in omni specie & loco
 ado-

Psal. 113.

Psal. 67.

adorandum esse, ubi certa eius praesentia
testimonia & indicia extiterint.

Secundum causae fundamentum illud
est, Iesum Christum verum Deum & ho-
minem esse. Fuit hac fides principis Patri-
archarum Abrahae, qui mittens seniore[m]
seruum domus suae, quaerenda uxoris causa
filio suo Isaac, sic inquit: Pone manum tu-
am subter femur meum, ut adiurem te per
Deum caeli & terra, ut non accipias ux-
orem filio meo de filiabus Chanaanearum. Genes. 24.

Quem in lumbis & femore gerebat, hunc
Deum caeli & terra vocat magno myste-
rio. Fuit hac eadem fides magni Iob. Cre-
do, inquit, quod redemptor meus viuit, &
in nouissimo die de terra surrecturus sum: Iob. 19.

Et in carne mea videbo Deum saluatorem
meum. Quem visurus sum ego ipse & non
alius, & oculi mei conspiciuntur sunt. Hac
ipsa fides fuit omnium Prophetarum: Ierem. 31.

Quare quasi colonus futurus es in terra,
inquit Hieremias, & quasi viator decli-
nans ap manendum? Quare futurus es
velut vir vagus & fortis, qui non potest
saluare? Tu autem in nobis es domine: &
nomen tuum inuocatum est super nos: ne
derelinquas nos. Hic est Deus noster, inquit

Baruch. 3.

Baruch, & non estimabitur alius aduersus eum: hic adinuenit omnem viam discipline, & tradidit illam Iacob puero suo & Israel dilecto suo: post hac in terris visus est, & cum hominibus conuersatus est. Hec eadē fides est Apostolorum. Et verbum

Ioan. 1.

(inquit Ioannes) caro factū est, & habitauit in nobis, & vidimus gloriā eius, gloriā quasi vnigeniti à patre, plenum gratiæ &

Rom. 9.

veritatis. Optabam enim ego, inquit Paulus, ipse anathema esse à Christo pro fratribus meis, qui sunt cognati mei secundū carnem, qui sunt Israelitæ, quorum adoptio est filiorum, & gloria, & testamentū, & legislatio, & obsequium, & promissio, quorum patres, & ex quibus est Christus secundum carnem, qui est super omnia Deus benedictus in secula. Amen.

Hanc eandem fidem vna sancta Catholica & Apostolica confitetur Ecclesia. Est ergo fides recta, inquit Symbolum, ut credamus & confiteamur, quia Dominus noster Iesus Christus Dei filius, Deus & homo est. Deus est ex substantia patris ante secula genitus: et homo est ex substantia matris in seculo natus. Perfectus Deus, perfectus homo, ex anima rationali & humana

nata carne

na carne subsistens: aequalis patri secundum diuinitatem: minor patre secundum humanitatem. Qui licet Deus sit et homo, non duo tamen, sed unus est Christus. Vnus autem non conuersione diuinitatis in carnem: sed assumptione humanitatis in Deum. Vnus omnino non confusione substantiae: sed unitate persona. Nam sicut anima rationalis & caro unus est homo: ita Deus & homo unus est Christus. Ut qui alterum istorum non confiteatur, illius aut Nestorianum, aut Ebionitam, vel Arianum esse oporteat. Quam fidem magnifice explicat vetustissimus Irenaeus: Si enim homo non vicisset inimicum hominis, non iuste victus esset inimicus. Rursus autem nisi Deus donasset salutem, non firmiter haberemus eam, & nisi homo coniunctus fuisset Deo nostro, non potuisset particeps fieri incorruptibilitatis. Oportuerat enim mediatorem Dei & hominum, per suam ad utrosque domesticitatem & ad amicitiam & concordiam utrosque reducere, & facere ut & Deus assumeret hominem, & homo se dederet Deo. Qua enim ratione filiorum adopti-

Irene. li. 3.
c. 20. & 21.

onis eius participes esse possemus, nisi per filium eam quæ est ad ipsum, recepissemus ab eo communionem, nisi verbum eius communicasset nobis, caro factum? *Et paulo post*, Propter hoc enim verbum Dei homo, & qui filius Dei est, filius hominis factus est, commixtus verbo Dei, ut adoptionem percipiens fiat filius Dei. Non enim poteramus aliter incorruptelam & immortalitatem accipere, nisi aduniti fuissetus incorruptelæ & immortalitati. Quemadmodum autem adunari possemus incorruptelæ & immortalitati, nisi prius incorruptelæ & immortalitas facta fuisset id quod & nos, ut absorberetur quod erat corruptibile ab incorruptela, & quod erat mortale ab immortalitate, ut filiorum adoptionem perciperemus? Vtraque scripturæ diuinæ de eo testificantur; & quoniam homo indecorus & passibilis, & super pullum a sine ascendens; aceto & felle potatur, & spernebatur in populo, & usque ad mortem descendit, & quoniam dominus sanctus & mirabilis consiliarius

rius & decorus specie, & Deus fortis
super nubes veniens vniuersorum iu-
dex, omnia de eo scripturæ prophe-
tabant. Sicut enim homo erat vt ten-
taretur, sic & verbum vt glorificare-
tur, requiescente quidem verbo, vt
posset tentari & inhonorari & cruci-
figi & mori; absorpto autem homi-
ne in eo quod vincit, & sustinet, & re-
surgit, & assumitur. Hic igitur filius
Dei dominus noster existens verbum
patris, & filius hominis, quoniam ex
Maria, quæ ex hominibus habebat ge-
nus, quæ & ipsa erat homo, habuit se-
cundum hominem generationem,
factus est filius hominis *Hactenus Ire-*
neus. Notant aut hoc loco sancti Patres,
omne honore & adoratione, non ad aliquam
naturam, aut partem personæ sed ad totam refer-
ri personam. *Neg. n. in homine aut solam a-*
nimam rationalem, aut solam carnem colimus, sed
totam personam ex anima ratione particeps, &
humana carne constitutam. Sic in Christo
domino, non aut solam diuinitatem, aut
solam humanitatem colimus: sed diuinita-
tem simul & humanitatem una adora-
tione veneramur, quia utraque natura

Psal. 21.

Psal. 71.

Hebr. 1.

Psal. 96.

Luce 5.

unam constituit personam. De tali adoratione dixit Psaltes: Et adorabunt in conspectu eius uniuersa familia gentium. Et in alio Psalmo: Et adorabunt eum omnes reges terræ, omnes gentes seruiant illi: quia liberauit pauperem à potente, & pauperem cui non erat adiutor. Et D. Paulus. Cum introduceret, inquit, primogenitum in orbem terrarum, dicit: Et adorent eum omnes angeli Dei, quasi diceret, non tum tantum cum esset in sinu patris: non tum tantum cum esset in forma Dei adoratum fuisse ab angelis: sed tum etiam cum introduceret, inquit, eum in orbem terrarum, hoc est per incarnationem dicit. Et adorabunt eum omnes angeli eius. Talem Ioannes in utero adorauit, indignumque se esse dixit, cuius corrigiam calceamenti solueret. Pastores in praesepe, reges in cunis, discipuli in nauicula: Apostoli in caelum ascendentem adorarunt. Eum Petrus allocutus est: Domine discede à me, homo enim peccator sum. Talem Thomas Deum & dominum suum esse professus est. Recte igitur statuit antiquum concilium: si quis non una adoratione honorificat Emanuelem, hoc est, Deum & hominem, secundum quod

quod factum est verbum caro, anathema sit.

Tertium illud est presentis negocij fundamentum: Diuinitatem Iesu Christi ab ea quam semel accepit humanitate nunquam separari posse. Nam cum à Deo nemo nisi per ipsum peccatū separari possit, cum in eius humanitatem nullum unquā cadat peccatum, nullus error, nulla macula. Venit inquit, princeps huius mundi, & in me non inuenit quidquam: impossibile est item ullam unquam in eo separationē fieri. Docet hoc liber Sapientia: Cum Dei verbum, Dei sapientiam nusquam, ne in morte quidem hominem illum, in figura Iusti Ioseph deseruisse testatur. Hac venditum iustum non dereliquit, sed à peccatoribus liberauit eum: descenditque cum illo in foueam, & in vinculis non dereliquit illum: donec afferret illi sceptrum regni, & potentiam aduersus eos qui eum deprimebant: & mendaces ostendit, qui maculauerunt illum: & dedit illi claritatem aeternam. Nam illa ipsa diuinitas & cum anima eius ad inferos descendit, potestatesque tenebrarum deuicit, amplissimamque præadam inde tulit. Et eadem di-

Ioan. 14.

1. Ican. 4.

diuinitas corpori in sepulchro adfuit, quæ illud & ab omni corruptione conseruauit, & postea illud ipsum corpus uiuificauit, ac ueluti arcum resolutum iterum intendit, dum suam corpori restituit animam. Docet hoc longè expressius longè clarius D. Ioannes: In hoc cognoscitur spiritus Dei: omnis spiritus qui confitetur IESVM Christum in carne uenisse, ex Deo est: et omnis spiritus qui soluit Iesum, ex Deo non est: et hic est antichristus, de quo audistis quoniam uenit, & nunc iam in mundo est. Quis autem soluat Christum, nisi qui eius diuinitatē ab humanitate separet. Recte igitur Aethiopes in ea adoratione, quæ ad elevationem Sacramenti fit, dicunt; Verè hoc est corpus & sanguis Emanuel Dei nostri. Amē, Credo, Credo, Credo, & nunc & usq. in secula. Et mox addūt ter itē, credo, credo credo, quod diuinitas nō sit separata ab humanitate, ne hora quidē, ne per ictū oculi.

Quartum & ultimum est causa firmitatis: Sub speciebus panis & uini uerum & totum Christum contineri: docet hoc ille qui peccatum non fecit, & dolus non est inuentus in ore eius: qui est uia, ueritas, & uita: cui omnis impossibilitas cedit,

cedit, qui stultitiam fecit mundi huius sapi-^{1. Cor. 1.}
entiam: cuius verbum & manus est omni-
potens: qui nos supra captum nostrum ada-^{2. Cor. 1.}
mauit, Et de quo Paulus illud effatur: Dei
enim filius Iesus Christus, qui in vobis per
nos predicatus est, per me & Sylvanum
& Timotheum, non fuit, in illo est, & non
sed est, in illo fuit. Neque simpliciter & ut-
cunque docet, sed sub quatuor testibus,
ut omne constet verum. Tribus, inquit, E-
uangelistis, & quarto doctore gentium
Paulo: rem totam sic testes exponunt: Cæ-^{Matt. 26.}
nantibus autem eis accepit Iesus panem, et
benedixit & fregit: deditque discipulis su-
is, & ait: Accipite, & manducate, hoc est
corpus meum, quod pro vobis tradetur. Et
accipiens calicem gratias egit, & dedit il-
lis dicens: Bibite ex hoc omnes. Hic est san-
guis meus novi testamenti, qui pro multis
effundetur in remissionem peccatorum &c.
Exaudis voces rem clare exprimētes. Hoc
est corpus meum. Hic est sanguis meus: ex-
audis interpretationem vocum, ne quid
insit ambigui, quod pro vobis tradetur,
quod pro nobis offerretur. Traditus est pro
nobis Deus & homo: traditur & nobis De-
us & homo. Quod si uberiores interpre-
tationem

tationem audire vis, audi eundem Christum apud Iannem latius suum testamentum interpretantem: Caro mea verè est cibus, & sanguis meus verè est potus. Qui manducat meam carnem, & bibit meum sanguinem: in me manet, & ego in illo. Sicut misit me viuens pater, & ego viuo propter patrem, & qui manducat me, & ipse viuet propter me. Hic est panis qui de cælo descendit: non sicut manducauerunt patres vestri manna & mortui sunt. Qui manducat hunc panem, viuet in æternum. Audis, in me manet & ego in eo: ipse igitur est in sacramento. Audis, qui manducat me, viuet propter me: ille igitur ipse uiuificat. Audis, qui de cælo descendit. Deum autem verum descendisse negare non potes, nisi Arrianus aut Ebionita esse velis: Hucque illud pertinet, secius, quam isti interpretantur, hæc verba spiritus & vita sunt, Caro non prodest quidquam, non quòd hic non sit vera caro: sed quod cum spiritu & vita, hoc est, vero Deo coniuncta, ut quemadmodum ille viuit propter patrem, ita & nos viuimus propter illum: ut rectè interpretatur Cyrillus. Ex quibus locis præclare cõcludit magnus ille Hilarius:

larius: de veritate, inquam, carnis & sanguinis Christi non relictus est ambigendi locus, ut illud compleatur: Et videbit omnis caro salutare Dei, quamuis in enigmate, quamuis in speculo, quamuis in sacramento. Haec tenus fundamenta.

Adijciamus his fundamentis, ex quibus vi & natura sua sequitur, hunc ipsum Deum & hominem, qui sub eo ipso continetur sacramento, adorandū esse: Pauli doctrinā atque veterum patrū instituta. Pauli igitur doctrina quae est? Duae sunt partes uniuersi cultus diuini, quem Graeci latrā appellant: Interior, inquam, cultus & exterior: Interioris cultus illae sunt partes fides, charitas erga Deum & proximum, discretio, atque dyjudicatio creatoris à rebus quae creatae sunt, sui probatio, puritas mentis, reconciliatio. Exterior cultus illis partibus constat: Ieiunio, sobrietate, corporis puritate, loci temporis obseruantia, omni denique honesta & submissa totius situs nostri compositione, utramque hanc partem cultus diuini ad hoc sacramentum adferendum esse docet Paulus, illudque omni parte adorandum, idque cum graui, aeterni iudicii comminatione. Quod ita est.

se vi

1. Cor. 10.

se ut melius animaduertamus, ipsius Pauli doctrinam audiamus: Non potestis calicem domini bibere, & calicem demoniorum: non potestis mensa domini participes esse, & mensa demoniorum. Primum quidem conuenientibus vobis in Ecclesiam, audio scissuras esse inter vos: & ex parte credo: nam oportet & hareses esse: ut qui probati sunt, manifesti fiant in vobis. Conuenientibus ergo vobis in vnum, iam non est dominicam cœnam manducare. Vnusquisque enim suam cœnam presumit ad manducandum: & alius quidem esurit, alius autem ebrius est. Nunquid domos

1. Cor. 11.

non habetis ad manducandum & bibendum? aut Ecclesiam Dei contemnitis, & confundetis eos qui non habent? Quid dicam vobis? Laudo vos, in hoc laudo. Et paullo post. Itaque quicumque manducauerit panem, & biberit calicem domini indigne, reus erit corporis et sanguinis domini. Probet autem seipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit, non dijudicans corpus domini. Ideo inter vos multi infirmi & imbecilles, & dormiunt multi. Quod si nos
metipso

metipſos dijudicaremur, non utique dy-
dicaremur. Dum iudicamur autem, à do-
mino corripimur, ut non cum hoc mundo
damnemur. Itaque fratres mei, cum con-
uenitis ad manducandum, inuicem expe-
ctate. Si quis eſurit, domi manducet: ut nō
in iudicium conueniatis. Cætera autem
cum venero diſponam. Et Pauli quidem
doctrinā hac eſt: quæ verum cultum ipſe
ſoli Deo debitum huic ſacramento hoc qui-
dem modo tribuit, ut audistis, modo non
ſurda aure audiueritis. Nunc ad ſancto-
rū Patrum doctrinā nos referamus. Quo-
enim ſpiritu, locutus eſt Paulus aut Petrus
eodē ſpiritu locutus eſt Auguſt. Chryſoſto.
et cæteri ſancti Patres: Cumq; omnia ſen-
tentias referre vnius orationis modus non
ferat, quatuor ſolis teſtibus locupletiffimis
contenti erimus: duobus inquā occidētalis
Eccleſiæ, & duobus orientalis Patribus.

Primus igitur ſit teſtis Ambroſius: Lib. 3 de ſp̄s
ritu ſancto
Non mediocriſ igitur quæſtio, & i-
deo diligentius conſideremus, quid
ſit ſcabellum. Legimus enim alibi:
Cælum mihi thronus, terra autem
ſcabellum pedum meorum. Sed nec
terra adoranda nobis, quia creatura
eſt

est Dei. Videamus tamen ne terram illam dicat adorandam Propheta, quam Dominus Iesus in carnis assumptione suscepit. Itaque per scabellum terra intelligatur, per terram autem caro Christi, quam hodie quoque in mysterijs adoramus, & quam Apostoli in Domino Iesu (vt supra diximus) adorarunt. Neque enim diuisus Christus, sed vnus. Neque cum adoraretur tanquam Dei filius, natus ex Maria negabatur.

Impsal. 98.

Secundus testis Augustinus est: qui eundem locum tractans, eademque verba expendens, inquit: Et adorete scabellū pedum eius, quoniam sanctum est. Quid habemus adorare? Scabellum pedum eius. Suppedaneum dicitur scabellum. Quod dicunt græci ὑποπόδιον, dixerunt Latini scabellum, & alij dixerunt suppedaneum. Sed videte fratres quid nos iubeat adorare. Alio loco Scriptura dicit. Cælum mihi sedes est, terra autem scabellum pedū meorum. Ergo terram nos iubet adorare, quia dixit alio loco, quod sit scabellum pedum Dei? Et quomodo adora-

adorabim⁹ terrā, cū dicat aperte scriptura: dominū Deū tuū adorabis; & hic dicit. Adorate scabellū pedū eius. Exponēs aut̄ mihi quid sit scabellū pedū, ei⁹ dicit: Terra aut̄ scabellū pedū meorū. Anceps fact⁹ sū, timeo adorare terrā, ne dānet me qui fecit coelū & terrā. Rursū timeo nō adorare scabellū pedum Domini mei, quia Psalmus mihi dicit, Adorate scabellū pedū eius. Quæro quid sit scabellū pedū ei⁹, & dicit mihi scriptura; Terra scabellū pedū meorū. Fluctuās cōuerto me ad Christū, quia ipsū quæro hic, & inuenio quomodo sine impietate adoretur terra, sine impietate adoretur scabellum pedum eius. Suscepit enim de terra, terrā, quia caro de terra est, & de carne Mariæ carnem accepit. Et quia in ipsa carne hic ambulauit, & ipsam carnem nobis manducandam ad salutem dedit; nemo autem illam carnem manducat, nisi prius adouerit; inuentum est quemadmodum adoretur tale scabellum pedum Domini, & non solum non peccemus adorando, sed peccemus non adorā-

L do.

do. Nunquid autem caro viuificat? Ipse dominus dixit; cū de ipsa commendatione eiusdem terræ loqueretur: Spiritus est qui viuificat, caro autem nihil prodest. Ideo & ad terram quamlibet cū te inclinas atq; prosterne, non quasi terram intuearis, sed illum sanctum, cuius pedum scabellum est quod adoras; propter ipsum enim adoras; ideo & hic subiecit, Adorate scabellum pedum eius, quoniam sanctum est.

*Hom. 24 in
priorē ad Cor*

Ex orientalibus tertius testis Chrysostomus: Hoc corpus in præsepi reueriti sunt Magi, & viri impij & barbari, longo itinere confecto, cum timore & tremore plurimo adorauerunt. Imitemur igitur saltē barbaros nos, qui cœlorum ciues sumus. Illi enim cū id præsepe & tugurium tantum, neque eorum quidquam quæ tu nūc intueris, viderunt, summa accesserunt reuerentia & horrore. Tu verò non in præsepe id, sed in altari: non mulierem, quæ in vlnis teneat, sed sacerdotem præsentē, & spiritum perabunde super proposito diffusum sacrifici-

crificio vides Nec simplex, vt illi, corpus intueris, sed & eius potentiam & omnem cognoscis administrationē, & nihil eorum quæ per ipsum facta sunt ignoras, & diligenter initiatus es in omnibus. Excitemur igitur horrescamusque, & maiorem quàm barbari illi præ nobis feramus pietatem, vt non simpliciter neque frigidè accedentes vehemētiore igni caput obijciamus. Hæc autem non dico, vt nō accedamus, sed ne temerè accedam⁹.

Et in alio loco idem Chrysostomus: Per id tempus & angeli sacerdoti assident, & cœlestium potestatum vniuersus ordo clamores excitat, & locus altari vicinus, in illius honorem qui immolatur, angelorum choris plenus est. Id quod credere abundè licet, vel ex tãto illo sacrificio, quod tum peragitur. Ego verò & commemorantem olim quendam audiui, cùm deceret senem quendam virum admirabilem, ac cui reuelationum mysteria multa diuinitus fuissent detecta, sibi narrasse, se tali olim visione dignum habitum à Deo esse, ac per illud

*Homi. 61. ad
populum Antioch & Homil. 3. Ephes.
Idem li. 6. de
sacerdotio.*

quidem tempus de repente angelorum multitudinem conspexisse (quatenus humanus adspectus ferre poterat) fulgentibus vestibus indutorum, altare ipsum circumdantium; denique sic capite inclinatorum, ut si quis milites præsente rege stantes videat: id quod facile mihi ipse persuadeo. Item & alius quidam mihi narravit; non ille quidem ab alio edoctus, sed dignus habitus, qui id & vidisset ipse, & audiisset, quod qui de vita hac emigraturi sunt, si mysteriorum huiusmodi cum pura & munda conscientia fuerint participes spiritum efflaturi, ab angelis illorum corpora satellitum more stipantibus, propter assumptum illud sacrum hinc recta in coelum abducuntur.

Chrysostomum Damascenum sequitur.
Proinde cum omni timore & conscientia puta & indubitata fide accedamus, veneremur ipsum omni puritate corporis & animi. Accedamus ad eum desiderio ardenti, manus in crucis modo figentes, crucifixi corpus suscipiamus. Amplissimum & illud est

est Nicænæ Synodi testimonium, quæ
 dicit, Non esse attendendam eam hu-
 militatem specierum, sed fide atten-
 de agnum tollentem peccata mundi,
 in mensa positū & præciosum & ho-
 norandum eius sanguinem, eumque
 honora, mirare & mente contingere.
 Cui quidem vniuersæ vetustatis cōsensui,
 adiungendus est omnium Ecclesiarū qua-
 cunque in orbe sunt consensus ac conspira-
 tio: orientalium (inquam) occidentalium,
 Affricanorum, ac nostrarum septentrio-
 nalium: in quarum omnium liturgijs, sta-
 tim post consecrationem magno cultu &
 reuerentia hoc ipsum sacramentum popu-
 lo adorandum proponitur. A quo perpe-
 tuo consensu recedere & vnius & alterius
 hominis maleferiati conuicijs & maledi-
 ctis adherere, an non extrema est demen-
 tia? Continere me hoc loco non possum Ste-
 phane Rex, quin apud te Imperatorem ma-
 ximum, hosque tuos milites inusitato qui-
 dem exemplo, sed hoc loco maxime accom-
 modato cuiusdam militis Gregorij Sano-
 cei breuem dehortationem recitem, qua
 post deuictos Turcos Vladislao Regi militi-
 busque suis religioso furore percitus dissua-

It. 3. Philip-
pic alima.

det, ne prolato sacramento Eucharistiae in-
rent: neue illud prophanis Turcarum ocu-
lis subijciant. Hoc enim Turca ad firman-
dam pacem, quam hac ratione sanctissi-
mam putabant fore, à Rege Vladislao ex-
poscebant, ut vel inde sine omni fuco et fab-
lacia cognosci possit, quo loco hoc sacramen-
tū fieret, quā sancte tā à Christianis quā à
Saracenis coleretur & adoretur. Deus, in-
quit, Deus tā execrabile scelus auertat, ut
qui paulo ante cōtra impios pugnantes, oīa
tristitia, difficultatēque perpepsi sumus, dum
vinceremus: nunc rursus pro religione ar-
mati, & propemodum victoriam manu
tenentes, sacrosanctum diuini mysterij ar-
canum sub prophanorum oculis sponte pro-
feramus. Quid prima, quid hac secunda
expeditione à nobis petitur? quid adeò in-
gentem belli molem ex tam diuersis inter
se regionibus Italia, Burgundia, Thracia
euocare? quid denuo arma induere? quid
hucusque progredi oportuit, si sacra nostra
prodenda erant? minori nostro facinore
per ignauiam domi inermes sedendo, pati
potuimus illa prophanari, quā nunc si-
mus armati prodituri. Pudeat nos gratu-
lationum, quibus nuper victores accepti:
pudeat

pudeat laudum, quibus, ut Christianæ rei
seruatores prope in calum modo elati su-
mus: pudeat denique obnoxios adeò nefa-
rijs cogitationibus, nos dignos haberi, aut
in quibus totius Europæ reges, & princi-
pes spes suas collocauerint, aut pro quibus
innumerabiles populi & nationes, omni-
bus in templis ad Deum supplices manus
tendant, pro victoria nostra vota muncu-
pando. Quanto sanctius prisci Romani,
qui, capta à Gallis urbe, ne sacra sua con-
spici possent, terræ infodere? Nos victores
nostra ultro impijs prodere cogitamus, cõ-
mitteremusquæ, ut religiosius ab illis inanes
quædam diuinorum persuasiones seruatæ
dicantur, quam à nobis sacrosanctum im-
mortalitatis nostræ pignus, ac mysterium:
& publice nos eo facinore cõtaminabimus,
quod si unus quispiam sacrilega audacia
perpetraret, seuerissimè vindicaremus. O-
mitto quantum piaculi apud Deum con-
trahemus, qui non modo ab ipsius causa de-
fecerimus, sed ipsum etiam testem, ac pig-
nus defectionis nostræ impijs exhibueri-
mus: quid de nobis hostes sentire poterunt,
videntes nos tantipacem estimasse, ut nõ
minus sacrilegè iurauerimus, quam ipsi

impudenter postulauerint? Sed, ut hac,
pacis utilitas leuiora videri faciat: omnia
quæ aut in nostra, aut aliorum secta, reli-
giosa altius elata sunt, quam quæ huma-
nis sensibus attingi queat, ceremoniarum
velamento, sanctoque arcano mortali-
um animis infunduntur. Quæ si nuda in me-
dium protrahantur, quia nullo humane
rationis argumento subsistunt: & temere
asseuerari, & impudenter peti, ut credan-
tur, apparet. Audiuerunt dudum hostes, de-
um à nobis præsentem coli, asseruarique in
Sacrariorum penetralibus: & quia igno-
rant, quo id pacto cõtingat, quum de eo co-
gitant, nihil simile his, quæ terrena, & mo-
mentanea cognoscunt, sed quicquid extra
mortalitatis sortem positum putant, men-
tibus eorum occurrit, & id, quod quale sit
nesciunt, tantæ nostræ de eo asseuerationi
par figurant. Nos hanc ipsorum persuasi-
onem, patefactis arcanis nostris, corrup-
pemus, elatasque ad diuinam, & cælestia de
sacris nostris mentes, ad caduca, & terre-
na reuocabimus, specie panis in conspectu
exhibita, quæ verum corpus Christi conti-
neri, ut nos quidem scienter credamus, ef-
ficat diuina institutio, gratiaque in qua
nati

vati sumus. Quibus illi orbat, quum res
per se fidē non faciat, restat ut nos irride-
āt, veluti minimè possibilia credamus. No-
lite per Deum committere, ut aboleatur
sacer ille horror, quō ipsorum animi per-
stringuntur in bello, quum secum reputant
inituros se praelium contra nos, quibus a-
deo propitius sit Deus, ut propemodum vi-
dendus nobis coram pariter inter nos ver-
setur. Quantum de nostra deque religio-
nis nostra maiestate hoc facto minuetur,
tantum crescet apud illos audacia, credi-
tuos subinde, ut ipsis quidem videbatur,
ex specie, quam intuebuntur, nos non mo-
do in veri Dei tuitione non esse, sed nec in
alterius cuiuspiam. Multis modis stabi-
litati conventorum cauere potest (quam-
uis cum fidei pignus, regium verbum satis
esse deberet) aliaque inter priuatos cauti-
ones, alia inter principes exhibentur. Ad-
extremum, relicturum se prophanat a ca-
stra asserebat, si eo modo rex iurare perge-
ret. Itaque quum videretur tam verè, quā
è religionis, è que ipsorum, quos illoqueba-
tur usu, & maiestate dixisse: constitutum
est, in confirmanda pace ut quisque pro-
ferret in medium sacram historiam suam

quod Euangelium nostri, Alcoranum illi
 vocant: quibus ubi sua quisque dextram
 admonuit, religiose iuratum est, conuenta
 seruatairi & sancta, atque inuiolata per-
 mansura. Conferte hunc militem cum no-
 stris huius seculi, si dijs placet, gloriosis mi-
 litibus, qui hoc tale sacramentum pedibus
 calcare ac bestijs obijcere nō verētur, pro
 scelus, digna posteritas genere Acacida-
 rum: Verum hæc hæc hactenus.

Neque solum antiquitus hoc adoraba-
 tur Sacramentum, sed omnes item grati-
 arum actiones immortalī Deo pro eius o-
 mnibus beneficijs ad huius sacramenti ob-
 lationem, tanquam primi & summi bene-
 ficij habebantur. Itaque antequam in om-
 nibus Ecclesijs cōsecratur atque offertur,
 primum populus ad gratiarum actionem
 prouocatur: Gratias, inquit, agamus do-
 mino Deo nostro &c. Fiebantque antiqui-
 tus gratiarum actiones pro omnibus be-
 neficijs, quæ Deus contulerat hominibus
 ab iusto Abel vsque ad hanc diem, ut qui-
 dem ex Liturgia D. Clementis, Iacobi, &
 aliorum patet. Memoriam enim fecit in
 hoc sacramento Deus omnium mirabiliū
 suorum, quæ à seculo operatus est, hoc, in-
 quit,

quit, facietis in mei recordationem, hoc est
 meorum erga vos beneficiorum memori-
 am sempiternam. Indeque hoc sacramen-
 tum Eucharistia nomine, hoc est gratia-
 rum actionis insignitum est, cuius ra-
 tionem exponit Magnus ille Cabasila. *In expositio-
 liturg. ca. 25*
 Et hoc sciens beatus Paulus iussit pro
 omnibus gratias agere, scribens: Sem-
 per gaudete, in omnibus gratias agi-
 te. Hac de causa perfectissimam & ex-
 actissimam nostram cum Deo col-
 locutionem, mysterij communionis
 celebrationem, in quo mentionem
 facimus, non huius vel illius gratiæ:
 sed omnium, vt semel dicam, Dei bo-
 norum, & quæ actu nobis sunt & fu-
 tura sunt, Eucharistiam, hoc est, gra-
 tiarum actionem, nominare erat cõ-
 sentaneum, non ex ijs, quæ in miseria
 versantes, & eam implorantes roga-
 mus: sed ex ijs quæ Deus in nos con-
 fer beneficijis: nec ex nostra pauper-
 tate, sed ex diuitijs illius benignita-
 tis. Quia enim in ea Deo supplicam⁹,
 & gratias agimus; sed gratiarum qui-
 dem actio, Dei opus est, vt dictum est
 supplicatio verò humanæ imbecilli-
 tatis.

tatis; & gratiarum quidem actio propter plura; supplicatio verò pro paucioribus. Illa enim propter omnia, vt semel dicam, bona; hæc verò in nonnullis: propterea oportebat ex melioribus & pluribus ei nomine imposito, appellare Eucharistiam. Ita enim etiam homo dicitur animal ratione præditum, licet sit alicuius particeps quod caret ratione, vt qui à meliori & maiori parte vocetur. Et maxime quia primus qui id ostendit, Dominus noster Iesus Christus, non supplicans, sed solum patri agens gratias, hoc mysterium porrexit & tradidit; & ea de causa; quod illud esse accepit, hoc vocat, Eucharistiam nominans. Et hæc quidem hæcenus.

Neque gratiarum tantum actiones præsentis hoc sacramento fiebant, sed & omnis gratiæ omnium rerum necessariarum impetrationes etiam ab angelis instituebantur. Narrat hæc Chrysostomus: Tempore illo mi frater charissime, non solum homines clamorem illū horribilem reddunt, sed etiam Angeli Domino genu flectunt, & archangelus liro-

Hom. 3 de in
cōprehensi-
bili Dei natu-
ra contra A-
nomas.

li rogant, habent sibi tempus id idoneum, habent sacram illam oblationem in fauore. Itaque vt homines ramos olearum gerentes mouere reges consueuerunt: eoque arboris genere misericordiam commemorât & humanitatem; sic Angeli tunc pro ramis oleaginis corpus Domini ipsum protendentes, rogant pro genere humano, quasi dicant; Pro his domine rogamus, quos tu adeò dilexisti, vt pro eorum salute mortem obires, animam in cruce efflares; pro his supplicamus, pro quibus ipse tuum largitus es sanguinem: pro his oramus, pro quibus corpus hoc immolasti. Agitatos quoque ob eam rem diaconus tempore illo adducit, & iubet caput inclinare, cùm eos vna cum fratribus orare non liceat; adducit eos, vt tu miseratus, & quia tam acerbè vexantur, & quia vocem reddere nequeunt, tua facultate ad eorum vitæ defensionem & auxilium.

Idem Chrysostomus: Gratiam reddâ,
 si vos docuero, quam obrem illa præ
 cæteris oratio solet fieri, & cur homi-
 nes

*Hom. 4. contra
 ira eosdem
 Anomæos.*

nes dæmone agitados, & furore acci-
 tos terribilissimo adduci tempore illo,
 & capita inclinare iubet diaconus.
 Qua de causa igitur agitur ita dicam.
 Vincula per quàm praua & graui a-
 gitatio dæmonum est: vincula enim
 ferro validiora. Vt itaque tempore
 instante, quo iudex prodire, & pro
 tribunali sedere solitus est; custodes
 carceris homines quos in vinculis te-
 nent, omnes carcere educunt & pro
 cancello septisq; fori collocant squal-
 lentes, sordentes, coma expletos ni-
 mia, * vt cum breui CHristum velut
 pro tribunali sedere, in ipsisque sacra-
 mentis apparere futurum esset; ho-
 mines dæmone agitati illi tanquam
 vinculis quibusdam retenti adduce-
 rentur; non vt rerum quas commi-
 ssissent, examen subirent modo eorū
 qui in vinculis sunt, nec vt lucrent
 poenas, & supplicio afficerentur: sed
 vt populo vniuersaq; ciuitate præ-
 sente, communes pro his fierent sup-
 plicationes, vt omnes iugi concor-
 dia Dominum communem orarent
 pro his, & quod miseretur, ma-
 gno

*pannis miser
 rimè obdu-
 ctos sic patres
 statuerunt.*

gno clamore contenderent.

Greg. Nazl.

an. oratione

in laudē sorō

ris suae Gerō

sonie.

Testatur Nazianzenus hoc idem: Ae-
gro erat corpore (soror videlicet) pes-
timeque affecto, ac morbus insolens
erat & prodigiosus. &c. Desperatis a-
liorum omnium auxilijs ad mortā-
lium omnium Medicum confugit,
noctisque intempesta caligine obser-
uata, cum leuius aliquanto morbus
vrgeret, ad Altare cum fide procum-
bit, eumque qui super illud colitur,
cum magno clamore obtestans, om-
nibusque nominibus appellans, atq;
omnium rerum, quas vnquam miri-
fice gesserat, commonefaciens (nam
vtriusque testamenti historias calle-
bat) tandem pia & praeclara quadam
impudentia effertur. Eam quae Chri-
sti fimbria sanguinis profluvium cō-
presserat, imitatur. Quidque fecerit,
audite. Caput cum pari clamore v-
berrimisque lachrymis (mulierculae
illius instar, quae olim Christi pedes
irrigarat) altari admouens nec se an-
te ob eo discessuram minitans, quāni
sanitatem consecuta sit, ac deinde
hoc suo pharmaco totum corpus
per-

perungens, ac sic ubi quidpiam signorum preciosi corporis, aut sanguinis manus condiderat, id lachrymis admiscens (ô rem admirandam) protinus liberatam se morbo sentit, atque & corpore & animo & mente levis abscedit, hanc spei mercedem consecuta, ut quod sperauerat obtineret, animæque firmitate corpori firmitatem compararet. Bernardus comitem sola presentatione sacramenti vicit atque stravit, & cetera innumerabilia talia in dies his qui rectam fidem habent eueniunt, In huius enim Christi nomine, qui in hoc est altari, omnia à patre impetrari ipse filius docet. Quidquid petieritis patrem in nomine meo, dabit vobis. Quaecumque sint iam supradicta scandala, conuicia, accusationes vel sua sponte ruunt. Negat Calvinus adorandum esse hoc sacramentum. Primum quod hinc absit presentia Christi. Deinde, si adsit, tamen hanc cum diuinitate coniunctam esse, nobis non constare. Negat Calvinus: At Christus dominus: tu vide, seruo ne potius credas, an hero: In quo videre est miras diaboli artes, miram inconstantiam, qui quanquam

callidus

Ioh. 14.

callidus sit artifex, nec tamen sibi cohaeret. Dum Caluinus vult negare praesentiam corporis Christi, dicit, quia caro non prodest quidquam: verba quae dixi, spiritus et vita sunt. Dum deinde vult negare adorationem, carnem commendat, Deum et spiritum negat, sic falsum nunquam sibi cohaeret. Figura inquit est, non res ipsa dicit Caluinus, negat Christus: non sicut patres vestri manducauerunt manna in deserto & mortui sunt: qui manducat panem hunc, viuet in aeternum. Patres, inquit, vestri manducauerunt figuras & mortui sunt, haec, inquit, est veritas, & ideo qui manducat me, viuet propter me. Periculum esse dicebat Lutherus atque Melancthon, ne simul panis vel saltem eius accidentia adorentur. Nihil nunc dico de istorum impanatione, neque enim res praesentis est negotij, & veritas dicit: hic est panis qui de caelo descendit, non de terra. Illud quaero, cur non item timeant, quando Christum super omnes caelos constitutum (si quidem hoc aliquando faciunt) subleuatis oculis adorant, ne simul caelos caelorumque orbes adorent: Aut quomodo Moyses non timebat, ne rubum simul ardentem a-

M

dora-

doraret: aut Ioannes ne utrum matris
 aut emorroysa, ne vestimenta quæ tange-
 bat. Nam & hæc accidentia panis & vini
 nihil aliud sunt, quam inuolucra quadam
 & vestimenta latentis Iesu Christi: Effu-
 gia igitur hæc sunt non argumenta. Ex-
 tra, inquit, usum sacramentum non est,
 quis hoc dicit? Lutherus fortasse, aut Pri-
 lippus? quis alius? nemo. quæ scriptura suf-
 fult? nulla. quo ex antiquis auctores? nemi-
 ne. quod ergo verbo affirmatur, verbo re-
 jicitur. Atqui contrarium dicit, una san-
 cta Catholica & Apostolica Ecclesia, quæ
 est columna & firmamentum veritatis.
 Ut enim apud Israeliticum illum populum
 tam in deserto, quam in ipso Salomonis
 tēplo, habitabat gloria domini super Che-
 rubin, quæ precedebat & deducebat popu-
 lum illum, unde cum eleuabatur arca, can-
 tabat populus: Surge domine & dissi-
 pentur inimici tui, & fugiant qui oderunt te
 à facie tua: Cum autem deponeretur ca-
 nebat, reuertere ad multitudinem exer-
 citus Israel: ita nunc in hac peregrinatio-
 ne nostra gloria Iesu Christi, atque adeo
 ipse Iesus Christus, in hac arca templi no-
 biscum perenniter cōmorari putandus est,
 verbum

Num. 10.

verbum enim eius manet in aeternum, v-
sus momentaneus est. Alia dicunt Sacra-
menta non adorantur: quia dominum sa-
cramentorum non continent, sed solam ei-
us gratiam praefecerunt. Praclare siquidē
magnus ille in divinis Dionysius hoc sacra-
mentū triplici ex parte alia sacramēta su-
perare docuit, vel quod in illo ipse Christus
contineatur, commune bonum totius Ec-
clesiae, in alijs autem virtus quadam par-
ticipata ab ipso Christo domino: vel quod
alia omnia comparata sunt, ad illud tan-
quam suum finem: vel quod omnia in illo
consumantur: indeque finis & consuma-
tio omnium sacramentorum ab eodem di-
citur. Sed isti rerum modos & differen-
tias non norunt. Manducatione est colen-
dum, non veneratione aiunt: Hoc oportebat
facere, illud non praetermittere: dicebat
in simili causa Christus dominus: imo
ipse Deum hominesque testor, non melius
nec efficacius coli, quā usu & frequenti
communione: In quo equidem summē re-
prehendenda est nostra, vel ignavia vel
ingratitude. Adeo dominum nostrum non
obseruamus, adeo illi non seruimus, ut
ne ad mensam quidem eius spontē ve-

nire velimus, nisi pœnis & excommunicationibus adacti: o supinam negligentiam, ô animam beneficij tanti immemorem: Non, inquiunt, eo fine est in sacramento, ut colatur, sed ut manducetur: neque eo fine aut instituto fuit in utero, in præsepio, in naui, ut honoraretur, tamen cultus est: At nonnunquam in fœdis & fœtulentis, tam locis quam animantibus reperitur, vestro vicio & impietate, Deo vero nihil fœdum, nihil fœtulentum est, præter ventrem peccatoris, & tuum istud os impudēs. Sursum inquit corda tenenda, quis dubitat, idem enim Christus qui sursum est, hic colitur: Nusquam inquiunt scriptum, nusquam imperatum est, ut colatur. Imperatum vero: Dominum Deum tuum adorabis, & illi soli serues. Sed neque Apostolis imperatum fuit, ut ascendentem in cælos adoratione prosequerentur: neque pastoribus ut in præsepio: non Magis, ut incumis illum venerarentur. Sed isti more ignauorum seruorum, ex præscripto Deo seruire volunt. Obstructum est igitur os loquentium iniqua, blasphemia contra domum Dei sublata, pudor & fides vnice sponsæ Iesu Christi vindicatus, ac ille cultus

tus, qui idololatria esse putabatur, vera
Christilatria, atque adeo theoseuia esse
est demonstrata: istorum autem malicia,
improbitas, calumpnia, ac mera erga Chri-
stum, & eius sponsam impietas conuicta
& retrusa, qui non tantum ipsi hoc sacra-
mentum non adorant, sed etiam alios qui
hoc agunt grauiſſimis conuicijs incesſunt:
parum est hoc, sed ultra fœdiſſimis male-
dictis tantum mysteriũ proſcindunt. Ne-
que hic consistunt, sed ex altariſus, quæ
antiquitas Sancta sanctorum Cathedrã
Christi: Thronum Dei, Requiem, Propitia-
tionem, Magni sacrificij officinas, Chri-
sti monumenta, eius gloriæ tabernacula
appellare solebant: effrangi & incoercibili
audacia deijciunt, pedibus nefandis con-
culcant, canibus etiam porrigunt: ô tem-
pora, ô mores? aspiciasne hæc aquis oculis,
Iesu Christe, & si aspicias, cur non vindi-
cas? an benignitate & longanimitate tua
eos ad pœnitentiam prouocas? an iam am-
plius illos, qui extremus furor tuus est, quæ
summa pœna, hic illos punire non vis? Tuæ
enim illæ sunt voces: In quo amplius per-
cutiam vos, item amplius non percutiam
vos. Et non visitabo, inquit, super filias
vestras, os 4.

vestras, cū fuerint fornicatae et super nuptias vestras cum adulterauerint? Nam quorum aliquādo misereri vis, de his illud dicis, visitabo in virga filios eorum, verumtamen misericordiam meam non auferā ab eis. An indignos miraculo putas, ne forte conuertantur & uiuant? An praestolaris, ut compleatur mensura maliciae eorum? An illud expectas, dum hic Rex Stephanus alijque Christiani Principes tuam aliquando, ex istis vindicent iniuriam? Verum quæ tandem causa est, cur tantum, tantoque opere eam adorationem impugnat diabolus? an ut Christi cultu sublato, ipse in aliquo visibili idolo colatur homo enim aliquare visibili, in qua occupetur opus habet. Deinde quod facile videt, quod quamdiu publice Christus in hoc sacramento colitur, tamdiu veritas corporis & sanguinis Christi contra omnes hereticos vindicatur, neque alio modo hæc res efficacius asseri, & demonstrari, ac quasi oculis subiici potest. Vnde isti ubi primum eam adorationem sustulerunt, statim eodem tempore veritatem ipsam corporis et sanguinis amiserunt. Deinde quod animaduertat, quam diu hoc sacramentum adoramus, tamdiu contra omnes hæ-

riticos Christum dominum verum Deum
 & hominem confitemur, tandiu hanc ip-
 sam confessionem extingui non posse: Ut
 cum dixerint nobis filij nostri, quæ est ista
 religio, cur hic panis circumfertur, cur ado-
 ratur? Respondeamus illis. Corpus & san-
 guis Iesu Christi verus hic est, hic autem
 Iesus Christus verus Deus & homo fuit,
 ita ut nunquam pereat eius rei memoria
 de ore hominum. Vnde isti exclusa sacra-
 menti adoratione Dei & hominis, confes-
 sionem excluderunt. Videt denique diabo-
 lus in hoc beneficio omnia Christi adorari
 beneficia, quorum memoriam ille extin-
 guere penitusque abolere nititur. & Mag-
 na igitur hæc sunt arcana, magna myste-
 ria, sed homo animalis non intelligit ea
 quæ sunt spiritus. Non ipsum autem solū
 diuina Eucharistia sacramentum in eo ho-
 nore quo dictum est habebatur, sed vasa
 etiam ipsa sacra, atque altaria, pro sanctis
 simis colebatur, atque instar reliquiarum
 honorabatur. Patet hoc ex Constitutioni-
 bus Apostolicis, patet ex infinitis locis D.
 Chrysostomi, patet ex Optato: Cuius illa
 pulcherrima verba sunt: Quid, inquit,
 tam sacrilegum (reprehendens Do-

Hom. 36. in
 priorem Epi-
 stola ad cor.

Hom. 20. in natistas) quam Dei altaria, in quibus
 posteriorem. & vos aliquando obtulistis, frangere,
 Hom. 24. ad radere, remouere, in quibus & vota
 & phes. populi, & Christi membra deportata
 Hom. 53. & 5. ad Popu- lunt?

lū Antioch.

Et optatus

lib. 6. contra

Parmenianū

Quæ autem mensura, & quis modus
 laudis & adorationis huius mysterij esse
 debeat, præclare docet Magnus huius sa-
 cramenti amator & assertor D. Thomas,
 cuius ego ingenium, iudicium, eruditionē
 vitæ sanctitatem, omnium nouatorum
 qui sunt, fuerunt, nascenturque ex illis in-
 genijs, iudicio, eruditione, vitæ denique in-
 tēgritate libenter antepono.

Quantum potes, inquit, tantum
 aude, quia maior omni laude, nec
 laudare sufficit.

Sit laus plena, sit sonora, sit iucū-
 da, sit decora, mentis iubilatio. &c.

Modum verò & rationem eius cultus
 & adorationis habent suum Ecclesiæ ori-
 entales, habent & occidentales: occiden-
 tales illū amplexa sunt, qui & sacra scri-
 turæ vicinior, & Christo in eius vitæ fuit
 charissimus, & pro quo ipse aliquando
 mirum in modum contra inuidos scribas
 & Phariseos pugnavit: eum scilicet, quem
 in diē

in die Palmarā pueri Hebraorum illi magnifice praeſtiterunt. Praecedebat ibi turba, & ſequēbatur aduenientem Dominū: praecedit & ſequitur, hic, veſtimenta ſua ſternebat in via: ſternit & nunc: ramos de arboribus in occurſum eius projiciebat: projicit & nunc: flores fundebat, fundit & nūc. Adde Davidicam Cytharam, Tympanū & chorum, ut omnis ſpiritus laudet dominum. Adde & Mariae Magdalēnae unguenta & ſuffitus preciosos. Lampades item ardentes cum prudentibus virginibus quae obuiam prodierunt ſponſo & ſponſae. Non ſunt haec, inquit, praecepta à domino: ne pueris quidem illis tum praecepta fuerunt, quin quanto magis ne id facerent arcebantur, tanto magis effuſe & alacriter id faciebant: Verum de cultu & adoratione huius ſacramenti ita ut propoſueramus haec tenus.

Quo in loco duo genera hominum priuſquam cauſam totam concludo, ſunt mihi ſerio commonenda. Primum iſtud modernorum religionis Chriſtiana deformatorum, aut potius euerſorum, ut ſecum diligenter etiam atque etiam cogitent, quid agant, ubi locorum ſint, quo tendant. Il-

M S.

lud.

Heb. 10.

ludque in primis Pauli attentius secū perpendant. Irritam quis faciens legem Moysi, sine ulla miseratione duobus vel tribus testibus moritur, quanto magis illum putatis mereri supplicia, qui filium Dei conculcauerit, & sanguinē testamenti pollutum duxerit, in quo sanctificatus est, & spiritui gratia contumeliam fecerit? Quomodo enim illi Christum clare non conculant, quomodo sanguinem testamenti non pollutum ducunt, dum tantum sacramentum tot blaspheemijs proscindunt, dum toties ex altaribus deiciunt, dum aras sacras evertunt, atque confringunt. Deinde expendant & illud diligenter Salomonis.

Prouer. 19.

idem. 29.

Ibidem 2.

Qui affligit patrem & fugit matrem, ignominiosus est & infelix. Oculum qui subsannat patrē, & qui despiciit parium matris suae, effodient eum corui de torrentibus, & commedent eum filij aquila. Qui maledicit patri suo & matri, extinguetur eius lucerna, in medijs tenebris. Isti verò non solum matrem suam, sponsam autem Christi affligunt, non solum fugiūt illiq; subsannāt, atque eam despiciunt, sed etiā quod improborum est filiorum, pudorem eius in dubium vocant spirituales, fornicariā

cariam atq; adulterā denominant. Quod-
 si illa adultera, qui tādē illi filij, nam ex
 illa senatos esse negare non possunt? Noli,
 inquit, gloriari in ignominia patris tui, Eccles. 3.
 neque enim tibi tam gloria quam probriū
 est. & si sensum amiserit veniam habe.
 Ideo ignominiosi sunt, ideo corui spiritua-
 les depascunt illos, ideo extinctum est lu-
 men veritatis lucerna illorum. Postremo
 illud secum reputent, graue & inhumanū
 esse malum calumnie in honesta femina,
 pudoris & honestatis praesertim, tamque
 ipsi quā eius sponso, triste & peracerbū:
 & quod Deus acer absconditorum inspe-
 ctor vehementer vindicare solet. Appa-
 ruit hoc in Susanna honestissima femina, Daniel. 13.
 cuius ille sunt plenae acerbitatis voces: De-
 us aeterna, qui absconditorum es cognitor,
 qui nosti omnia antequam fiant, tu scis
 quoniam falsum testimonium tulerunt
 contra me: & ecce morior, cum ni-
 hil horum fecerim, quae isti maliciose com-
 posuerunt aduersum me. Exaudiuit au-
 tem dominus vocem eius: & saluatus est
 sanguis innoxius in die illa. Quod si Deus
 Susannae calumniam tantopere in perdi-
 tis illis semibus vindicabit, quanto magis
 contra

contumeliam sponsæ filij sui, matris quondam istorum Ecclesiæ suæ propterea vindicabit, cuius quidem plagæ ac vindictæ iam magna in illis extant indicia. Vt enim impudici & scelerati illi senes nusquam sibi coherere, nusquam secum conuenire in exitium innocentis illius fœminæ potuerunt: ita isti nunquam aut inter se, aut ipsi secum concordēs esse possunt.

Secundum genus hominum est, nostri parum morati catholici, qui in eo turpius delinquant: quod cum certo sciant, sibi que persuadeant, in hoc sacramento verum Deum & hominem contineri: veniunt tamen in conspectum eius, mente & animo polluti, corpore fœdi, oculo impudenti, ore ebrio, lingua loquaci, ventre ructante, gestu insolenti, incessu tumido, & præfracto, veste scurrili & impudica, sonipedes, cum cohortibus, fustibus, gladijs, & armis, ut quondam Iudei ad capiendum eundem Christum venisse leguntur. Canibus, accipitribus, scurris denique & histrionibus, comitati: ac demum quasi insalutato hospite, tergæ vel latera contra Deum suum obuertunt, ac varijs clamoribus & insolentijs complent omnia. Quod si hæc in laicis

cis ferenda non sunt: quanto in templi & eius sacramentorum ministris, in sacerdotibus, inquā, minus ferēda erūt? Quā aut id praeclārè faciant, audiāt Chrysostomū:

Hom. 4. c. 2.

tra Anome-

os.

Ceterum, vt his tunc succensui, qui orationem huiusmodi negligenter, forisque tempore eo versarentur, sic in praesentiarum his qui intus circumstant, succensendum utique reor, nō quia intus manent, sed quod cum eo quo debent, maneant loco, nihilo melius afficiuntur, quā qui foris euagantur. Disputant enim inter sese, & aut iocantur, aut negocia tractant tempore illo perhorrendo. *Et paulo post:* Haud illa Diaconi exhortatio recti constantisque frustra & sine causa instituta sancitaque est, sed vt nostras repētes, humi cogitationes erigerem⁹ &c. Cogita apud quem proximè stas, quibus cum inuoces Deum, scilicet cum Cherubin, cum Seraphin, cum omnibus coeli virtutibus: animaduerte quos habeas socios: satis hoc tibi sit ad sobrietatem, cū recordaris te corpore constantem, & carne coagmentatum, admitti cum virtutibus

tibus in corporeis commendare omnium Dominum. *Hæc Chrysostomus:* Non fuit ea irreuerentia antiquitus: nã neque infideles, neque catechumeni, neque aliquo lethali peccato cõtaminati huc admitterebantur, ideoque quando proferri debebat, illi qui tales erant foras excludebãtur, illudque à diacono magna voce pronuciabatur: *Sancta Sanctis.* De eius autem sacri arcani mysterijs, nemo nisi sacer, mystes atque sacerdos, aut dicere aut docere quicquam poterat: dumque tam honorifice tractabatur, tum et dona admiranda, curationum, inquam, linguarum, prophetia, aliãque plurima hoës illi inde prolixè referebant, & consolationibus nouis perfundebantur? Nunc idem eximus de templo, qui ingredimur, & utinam idem & non deteriores.

Cogitate igitur vos nunc in conspectu eius consistere, ante cuius tribunal aliquãdo stabitis, omnium dictorum & factorum vestrorum, & eius ipsius cultus & reuerentia rationem reddituri, & à quo vel æternam salutem vel damnationem expectatis. Aspergite cinere capita vestra, &

ado-

adorate scabellum pedum eius, quoniā sanctum est.

Tu quoque Magnanime Rex, accipe lucernam, testem castæ & intemeratæ fidei tuæ, ac cum ista innata tibi modestia & mansuetudine, quæ te magis, quàm aut hæ ipsæ gemmæ, aut hæc purpura exornat. Christo tuo qui te vñxit, participemque Regni & imperij sui fecit; prodi obuiam, sequere seruus Dominum, subditus Regē, creatura creatorem tuum. Ridebit te credo filius Belial: risit & Michol Dauidem ante arcam saltantem: at magnifice Dauid eum risum contēpsit.

Viuuit Dominus, quia ludam ante ^{2. Reg. 6.} Dominum, qui elegit me potius quàm patrem tuum, & quam omnem domum eius; & præcepit mihi, vt essem dux super omnem populum Domini in Israel, & ludam & vilior fiam, plusquam factus sum, & ero humilis in oculis meis, & cum ancillis de quibus locuta es.

Eundem sensum tu accipe, quanto enim vilior & humilior in oculis
tuis

rui fueris; tanto maior & admirabilior apud Deum & mortales omnes apparebis. Tu verò bone pastor, panis vere, Iesu nostri miserere; tu nos pasce, nos tuere, tu nos bona fac videre in terra viventium. Amen.

*Oretur Deus pro agro capite
Authoris.*

STANISLAI SOCO-
LOVII, DE CAUSIS SVPRE-
MI EXCIDII HIEROSO-
LYMITANI,

Concio.

*Videns IESVS ciuitatem, fleuit super
illā, dicens: si cognouisses, & tu.*

Lucæ XIX.



Ciuitatem superbam
humiliabit: humili- *Isaie 26.*
liabit eā vsq; ad ter-
ram, detrahet eam
vsque ad puluerē;
conculcabit eā pes,
pedes pauperis gres-

sus egenorum, vt non sit amplius ci-
uitas, & in sempiternum non ædifi-
cetur.

*Eiusdem ciuitatis supremum exitium,
ultimamque cladem, multo ante his ver-
bis prädixit Isaias: cuius nunc acerbissi-
mum casum, lethaleque vulnus, ipse deplora-
rat sponsus & heres: Si, inquit, cognouisses,*

N

uisses,

uiffes, & tu; & quidem in hac die, quæ
 ad pacem sunt tibi : nunc autem ab-
 icondita ab oculis tuis. *Nec deplorat*
tantum, verum etiam omnis istius humi-
liationis ac deiectionis, ob oculos rationem
ponit & modum. Venient, inquit, dies, &
 circumdabunt te inimici tui vallo, &
 coangustabunt te vndique, & ad ter-
 ram prosternent te, & filios tuos qui
 in te sunt; & nō relinquent in te lapi-
 dem super lapidem; eo, quod non co-
 gnoueris tempus visitationis tuæ. *Ut*
illud simul eiusdem Isaie compleatur: Po-
 fuisti ciuitatem in tumulum, urbem
 fortem in ruinam, domum alieno-
 rum: vt non sit amplius ciuitas: *Cuius*
tam tristis & miserabilis cladis, cum
superiore anno summam & rationem om-
nem vobis exposuerim: nunc, quæ, & quan-
ta, hæc fuerit ciuitas, & quas ob causas ex-
tremo vulnere percussa, ex tam alto dig-
nitatis culmine deciderit: demonstrandū
duxi, vt discant Regna, Resque pub. Chri-
stiane, non magis opibus & viribus, ma-
gnitudinique suæ: quàm aterni parentis
auxilijs, benignoque fauori confidere:
simulquæ illud perspiciant, quæ causa salu-
tis &

Isaie 25.

tis & incolumitatis, quæ item interitus & exitij earum sint. Cui argumēto tam graui & pernecessario, quo pares aliqua ex parte esse possimus, opem diuini numinis imploremus.

Hierosolima vrbis, de qua nobis præsens dicendi institutum est: vel conditoribus & antiquitate ipsa: vel amplitudine & dignitate: vel opibus & facultatibus: viribus item & munitiomibus, princeps gloria, ante alias omnes vrbes semper fuit: ac quasi ipsi immortalitati comparata. Chanaanai hanc multis annis, ante Aegyptiacam seruitutem, datamque legem, maximis opibus, summisque præsidys condiderunt. In eo loco, inquit Hieronymus ubi & habitasse, & mortuus esse, Adam dicitur: ut secundi Adam, id est Christi, sanguis de cruce stillans, primi Adæ iacētis peccata dilueret. Primus vrbis fūdatur Melchisedech fuit, Rex & Sacerdos Dei sanctissimus: primusque & Regni, & Sacerdotij, venturi Messiae adumbrator amplissimus: dum in typo Christi, panem & vinum obtulit, & mysterium Christianum in saluatoris sanguine &

Epist. 17.

Psal. 86.

Psal. 47.

Psal. 121.

corpore dedicauit. Cui Abraham victis et profligatis quinq, Regibus, ex omni illa vberima praeda, honoris & religionis causa, decimam detulit partem. Magnus quidem hic urbis conditor, sed longe maiorem celebrat Dauid. Fundamenta, inquit, eius in montibus sanctis; diligit Dominus portas Sion, super omnia tabernacula Iacob. Nunquid Sion dicet homo, & homo natus est in ea? & ipse fundauit eam altissimus. Et in alio loco: Deus fundauit eam in æternum. Hinc orta duobus totis millibus annorum, centum & septuaginta septem annis, magna laude, summo splendore, maxima omnium gentium admiratione, princeps Imperij Israelitici stetit. Sedem hic & domicilium nominis sancti sui, Regni item, omniumque promissionum suarum, fixerat Deus ipse. Domum Regis edificari, arcam foederis collocari, templum sacratissimum ac famosissimum extrui, in eo loco voluit: cum quo sacra, ceremonias, sacrificia, omnemque cultum suum ita coniunxerat: ut hæc nusquam alias, quam in eo loco administrari voluerit. Illuc ascenderunt, inquit Dauid, tribus, tribus Domini, testimo-

stimonium Israel ad confitendum
 nomini Domini. *Ex eo templo, tanquā
 de summo cælo, omnibus gentibus & nati-
 onibus, opem & præsens auxilium se latu-
 rum pollicebatur, quicumque modo eo sup-
 plex tempore suo necessario confugisset.*
*Huc igitur Reges, huc Principes, huc Im-
 peratorum quique maximi, preces, vota-
 que deferabant sua: Cyrus, Darius, Ale-
 xander Macedo, Ptolomæus, Seleucus,
 Pompeius, ceterique quāmplurimi, ut il-
 lud Dauidicum plane impleretur: Deus
 in domibus eius cognoscetur, cū
 suscipiet eum. Quoniam ecce Reges
 terræ congregati sunt, conuenerunt
 in vnum, Illudque pleni admiratione fa-
 teri coacti sunt: Sicut audiuius, sic
 vidimus in ciuitate domini virtutū,
 in ciuitate Dei nostri; Deus fundauit
 eam in æternum. Suscepimus Deus
 misericordiam tuam, in medio tem-
 pli tui. Illic item sederunt sedes in iu-
 dicio, sedes super domū Dauid. Subli-
 mis tum fuit illius urbis gloria, magna
 maiestas, sed multò maiorem sub Rege
 Messia futuram fuisse prædixerat Hie-
 remias. Ingredientur, inquit, per por-*

Hier. 17. 22.

tas ciuitatis huius Reges & Principes, sedentes super solium David, & ascendentes in curribus & equis, ipsi & principes eorum, viri Iuda & habitatores Ierusalem: & habitabitur ciuitas hæc in sempiternum. Et venient de ciuitatibus Iuda, & de circuitu Ierusalem, & de terra Benjamin, & de campestribus, & de montosis, & ab austro, portantes holocaustum, & victimas, & sacrificium, & thus, & inferent oblationem in domum Domini. *Quæ omnia prolixissimè completa fuissent, nisi tantis promissis, tantæq. Dei munificentia, incredibilis illius populi malicia & improbitas obstitisset. Merito igitur eam tantis laudibus, tantis elogijs ornat diuinus vates.* Elegit, inquit, Dominus Sion, elegit eam in habitationē sibi. Hæc requies mea in seculum seculi, hic habitabo quoniam elegi eam. Viduam eius benedicens benedicam, pauperes eius saturabo panibus. Illuc producam cornu Dauid, paraui lucernam Christo meo. Inimicos eius induam confusione, super ipsum autem effloreat sanctificatio

Psalm. 131.

ficatio mea. Merito pro eius salute ea
concepit vota: Rogate quæ ad pacem
sunt Hierusalem; & abundantia dili-
gentibus eum. Fiat pax in virtute eius
& abundantia in turribus illius. Cum-
que Deus offensus placari debebat per tem-
plum, per eam civitatem exorari voluit.
Magna igitur dignitas, magna ampli-
tudo eius urbis: sed & opes & divitiæ ma-
xima. Tempora, & opes Salomonis, sic de-
scribit liber III. Regum: Erat autem pō ^{Reg. lib. 3.}
dus auri, quod offerebatur Salomo. ^{cap. 10.}
ni per annos singulos, sexcentorum
sexaginta sex talentorum auri, excep-
to eo, quod offerebant viri qui super
vestigalia erant; & negotiatores, uni-
versique scuta vendentes; & omnes
Reges Arabiæ, Ducesque terræ. Fecit
quoque Rex Salomon ducenta scuta
de auro purissimo (sexcentos auri fi-
clos dedit in laminas scuti unius) &
trecentas peltas ex auro probato; Tre-
centæque minæ auri, unam peltam
vestiebant. Posuitque eas Rex in do-
mo saltus Libani. Fecit etiam Rex Sa-
lomon thronum de ebore grandem,
& vestiuit eum auro fuluo nimis; qui

habebat sex gradus; & summitas throni rotunda erat in parte posteriori; & duæ manus hinc atque inde tenentes sedile : & duo leones stabant iuxta manus singulas, & duodecim leunculi stantes super sex gradus hinc atque inde. Non est factum tale opus in vniuersis regnis. Sed & omnia vasa, de quibus potabat Rex Salomon, erant aurea; & vniuersa suppellex domus saltus Libani, de auro purissimo. Non erat argentum, nec alicuius precij putabatur, in diebus Salomonis: quia classis Regis per mare cum classe Hiram semel per tres annos ibat in Tharsis, deferens inde aurum & argentum, & dentes elephantorum, & simias, & pauos. Magnificatus est ergo Rex Salomon, super omnes Reges terræ, diuitijs & sapientia; & vniuersa terra desiderabat vultum Salomonis, vt audiret sapientiam eius, quam dederat Deus in corde eius. Et singuli deferebant ei munera, vasa argentea & aurea, vestes, & arma bellica; aromata quoque, & equos, & mulos, per annos singulos. Congregauitque

uitque Salomon currus & equites; & facti sunt ei mille quadringenti currus, & duodecim millia equitum; & disposuit eos per ciuitates munitas, & cum Rege in Hierusalem. Fecitque vt tanta esset abundantia argenti in Hierusalem, quanta & lapidum: & cedrorum præbuit multitudinē quasi sycomoros, quæ nascuntur in campetribus. Et educebantur equi Salomoni de Aegypto, & de Coa. Negotiatores enim Regis emebāt de Coa, & statuto precio perducebant. Egrediebatur autem quadriga ex Aegypto, sexcentis siclis argenti, & equus centum quinquaginta. Atque in hūc modum cuncti Reges Hethæorum, & Syriæ, equos venundabant.

Hactenus Scriptura. Magnum hoc fuit vectigal, magnæ opes, & Regis, & Urbis, quæ tamen post ipso tempore in immensum planè creuerant: nam & reliqui Reges, & ad opes, & ad ornamenta Urbis, plurimū addiderunt. Ibiq̃ probatum est, quantum momenti ad omnia incrementa rerū & facultatum, aterni parentis fauor ac beneuolentia adferat. Bono igitur animo

N s sit

sit Rex meus, cum filium pastoris timentis Deum, ad eam opum & facultatum magnitudinem peruenisse videt. Modò & ipse Deum timeat, in omnibus mādatis & iustificationibus eius sine querela incedat: iustitiā colat, ius ex æquo omnibus dicat: sermonibus vulgi se non det: nec in præmijs humanis spem reponat suam: suis illecebris illum virtus ad proprium decus trahat: spem autem & fiduciam omnem in deo, fonte omnium bonorum munificentissimo, reponat suam. Magnæ ergo opes fuerant illius urbis: sed & magnum robur, vires, & munitiones maximæ.

Isaia 29.

Thren. 4.

Vocat Isaias eam ciuitatem Ariel, hoc autem est, Leonem Dei, propter summa præsidia & vires. Vnde illud lamentum Hieremie: Non crediderunt Reges terræ, & vniuersi habitatores orbis, quod ingrederetur hostis & inimicus per portas Hierusalem. Stupebat Pompeius, inquit Hegesippus, primo suo ingressu, acres virorum animos, muri decorem & magnitudinem, Sed & res ipsa docuit. Duos enim præstantissimos populi Romani Imperatores, Titum & Vespasianum, priusquam expugnaretur, defatiga-
uit:

uit: quos ipsa obsessa aliquando obsidione
 cinxit, quatuor deiectis muris, temploque
 succenso, triginta tamen millia Romani
 exercitus in urbem ingressa, vix ad reli-
 quias illius populi conficiendas, idque va-
 rio Marte, suffecerunt. Nec tamen ullis
 opibus, aut viribus humanis: sed summa
 sua nequitia & improbitate consumpta,
 periit: dum plures interna seditio, quam
 externum confecit bellum: Romanis spe-
 ctatoribus potius tanta urbis ruina,
 quam expugnationibus. Omnia igitur in
 ea ciuitate summa, omnia immortalitati
 comparata: quam ipse Spiritus sanctus,
 qui nec assentari, nec mentiri potest, per
 os Hieremia, Dominam gentium, Princi-
 pem Prouinciarum, urbem perfecti deco-
 ris, & gaudium vniuersae terrae, appellare
 solet. Quam sacri Euangelistae, ciuitatem
 sanctam vocant. Ipse autem excelsus præ
 cunctis Regibus terrae, Christus dominus,
 Dauidico elogio, Ciuitatis Regis magni
 eam honorauit. Quanto enim Iudaea ce-
 teris provincijs, inquit Hieronymus: tan-
 to hac urbs cuncta sublimior fuit Iudaea:
 quicquid in membris laudis fuit, totum
 referebatur ad caput. Quantos hac urbs
 Reges,

Psal. 47.

*Reges, quantos Prophetas, quantos Sacerdotes, quantos homines Deo charos emis-
rit, longum est recensere. Magnus Do-
minus, & laudabilis nimis, inquit Da-
uid: In ciuitate Dei nostri, in monte
sancto eius, fundatur exultatione vni-
uersæ terræ mons Sion, latera aquil-
onis, Ciuitas Regis magni; sicut læ-
tantium omniū, habitatio est in ea.*

*Quæ igitur causa tam fædæ ruinæ? Cur
proiecit Dominus de cælo inclytum Israel,
& non est recordatus scabelli pedum suo-
rum, in die furoris sui? Ciuitatem illam,
de qua dicebatur, Deus in medio eius,
non commouebitur. Adiuuabit eā
mane Deus diluculo. Arcum conte-
ret, & confringet arma: scuta com-
buret igni. Superfluum credo videbitur,
causas interitus, & euersionis eius vrbis,
curiosè perquirere: cum illa sola sufficien-
tissima sit, quam tot Prophetæ, tot sanctis-
simi prædixere viri: Mors, inquam, I E-
S V Christi, veri Messia. Super tribus
sceleribus Israel, inquit Amos, & su-
per quarto non conuertam eum; p
eo, quod vendiderunt pro argento
iustum, & pauperem pro calciamen-
tis,*

ris. *Et Micheas*: Nunc vastaberis filia *Michea 5.*
latronis; obsidionem posuerunt su-

per nos: in virga percutient maxillam
Iudicis Israel. *Et ante hos omnes Iacob*: *Genes. 49.*

Quia in furore suo occiderunt virū,
& in voluntate sua suffoderunt mu-
rum. *Et ipse Dominus*: Quia, inquit, nō
cognouisti diem visitationis tuæ.

Mors, inquam, Messia, mortis & inte-
ritus illius Urbis causa fuit: Verum malū
hoc, multa alia necesse fuit antecessisse ma-
la, nec erat hoc primum Iudææ delictum.

Peccata enim peccatis vindicantur, idque
leniora grauioribus semper: ubi mature
vera penitentia, & intimo animi dolore,
non expiantur, donec insigni aliqua ac in-
curabili obsignentur calamitate. Docet
hoc diuus Paulus, dum, quæ causa fuerit
cæcitatæ, scædique lapsus veterum sapien-
tum, exponit: Quia cum cognouissent *Ad Rom. 1:*

Deum, non sicut Deum glorificaue-
runt, aut gratias egerunt: sed euane-
runt cogitationibus suis, & obscura-
tum est insipiens cor eorum: dicen-
tes enim se esse sapientes, stulti facti
sunt. Et mutauerunt gloriam incor-
ruptibilis Dei, in similitudinem ima-
ginis

ginis corruptibilis hominis, & volu-
crum, & quadrupedum, & serpentium:
propter quod tradidit illos Deus in
desideria cordis eorum, in immu-
diciam, vt contumelijs afficiant cor-
pora sua, in semetipsis. *Hæc Pau-
lus.*

*Quod & nunc passim fieri videmus,
Ecclesiam Dei, ouile Iesu Christi, reliquit
quispiam, hereses sequutus est: templa,
arasque, Deo sancte dicatas, expoliauit,
atque ad extremum euertit: vasa sacra,
per sacrilegium ablata, prophanauit: Sa-
cerdotes pulsauit: sacramentis, salutis sue
remedijs, abusus est: Fidem in Baptismo
datam, prodidit: Filium Dei blasphema-
uit, ostentuique habuit: non fuit hoc pri-
mum eius hominis delictum, non prius
peccatum: multorum scelerum hic ulti-
mus fructus, ultima clausula est. Qua-
lem plagam & pœnam, supplex & gemēs
deprecatur David: Ne proicias me, in-
quit, à facie tua, & spiritum sanctum
tuum ne auferas à me. Redde mihi
læticiam salutaris tui, & spiritu prin-
cipali confirma me.*

Psal. 50.

*Magnum enim hoc est diuini furoris ar-
gumen-*

gumentum, vulnus incurabile, ultima
planè sceleris ultio.

Nec populi ergo Iudaici primum scelus fuit
it mors Christi, complementum & obfig-
natio hac erat uniuersi cursus nefarii:
ut veniret super illos omnis sanguis iu-
stus, à sanguine qui effusus est super ter-
ram iusti Abel, vsque ad sanguinem im-
maculati Agni Iesu Christi. Sed quæ tan-
dem mala hoc ultimum, sine remedio, pe-
pererunt malū? aut quibus gradibus hæc
tanta ciuitas, ad eam ultimam delapsa est
ruinam?

Prima illa fuit malorum causa, pri-
mūque precipitiū gradus: Legis Diuinæ,
autæque religionis, quæ vna, & simplex,
semper in illo populo fuit, in multas sectas,
variasque hæreses distractio. Cum enim
primis temporibus gens illa, vno animo-
rum & voluntatum sensu ac consensu, De-
um coluisset, legemque eius, & Prophetas,
interpretaretur: vno item nomine Israe-
lis, populi que Dei, appellabatur. Postero-
ribus temporibus, otio, & rerum omnium
copia, veterisque disciplina remissione de-
prauata: curiosius, minisque sanctæ & so-
briè, arcana legis tractare cœperit: inde
in va-

in varias sectas, variâque schismata, dis-
cessum est: noua quadam nomina scriptu-
ra, maioribusque eorum incognita, usur-
pari cæpta: dñ se alij Sadduceos, alij Scri-
bas, alij Phariseos, alij Eremobaptistas, a-
lij Nazareos, alij Ossenos, alij Herodianos,
alij Essæos, dici & haberi volunt: quæ no-
mina tum primum inuicta sunt, ubi res-
pub. ipsa, & ciuitas, ad certum exitium &
calamitatem propendere cæpit. Ex quibus
sectarum partibus quidam totam legem,
omniâque ea, quæ à Prophetis erant prædi-
cta, amplexi sunt: ut Pharisei. Quidam
arbitratu suo, alios quidem libros, quos se-
querentur, laudabant: alios, prout illorum
sensui, voluptati, utilitatiue applaude-
bant, tanquam prophanos, minusque ger-
manos, reijciebant, ut Sadducei. Quidam
Deum, omnium bonorum fontem & au-
thorem, profitebantur: ab eiusque munifi-
ca prouidentia, cælum, & vniuersam na-
turam complectentem, omnia expectan-
da esse, docebant. Animas nostras, di-
uinas & immortales esse: quibus, pro vir-
tutis quidem studio, cælestis hereditas:
pro scelere autem, æternum paratum sit
supplicium: Phariseorum, & Essæorum,
fuit

fuit hac sententia. Quidam casu & temeritate omnia ferri, post hanc vitam nullā aliam superesse lucem arbitrabantur: ipsi finitus virtutis & pietatis præmium, quibus vitam & sensum terminari: ultra tumulum extremosque cineres, nihil hominis superesse: præmia bonorum, pœnas autem malorum esse nullas: Sadduceorū hic insanus & exitiosus fuit error. Alij solis diuinis promissis contenti, nihil his externum admiscebant.

Alij præter hac Græcorum fabulas, de beatorum Insulis, ac Hesperidum felicitate, sequebantur. Sic in varias sectas heresesque diuisi, quisque in eam partem, in quam sibi utile esse existimauit, sensum et mentem Legis trahabat: ex vnaque vera et simplici religione, multas vanas, falsasque superstitiones pepererunt. Habent autem hoc malum Hereses atque schismata, varijque de religione sensus: ut quas cunque Respublicas semel inuaserint: illæ salutem & incolumitatem suam nullo modo diutius tueri, aut cōseruare possint. Hac igitur fuit ciuitatis illius primæ ruinæ causa, hæc primæ inclinatio: & quos tempore Ieroboam, aliorumque Regum, qui à vero disceserunt

serunt DEO, excelsa, & luci falsorum
Deorum non perdiderunt : hos hæreses
& schismata, ad ultimam interne-
cionem deduxerunt. Testatur hoc ita
esse, vetustissimus scriptor Hegesippus:
Præter inquit, sectarum; & cultus di-
uersitatem, quæ in malum publicum
eruperat, ut è diuerso se perditos vel-
lent: auaricia habendi, & rapiendi cu-
pido animos inuaserat; ut nullius
quem prædæ studio deputassent, ne-
ci parcendum existimarent.

Exod. 32.

Fuit secunda illius tantæ cladis non
minor causa, summa populi illius arrogan-
tia, maximus fastus, cum incredibili qua-
dam pertinacia, animoque ingrato con-
iunctus : Qua primum ipsum Deum pa-
rentem benignissimum, qui circumduxit
eos, & docuit, & custodiuit tanquam pu-
pillam oculi sui: sicut aquila prouocans
ad volandum, portauit in humeris suis:
constituit super excelsam terram, ut co-
mederent fructum agrorum. Sanctissi-
mas item illius leges spreuerunt: ut illud
plane sublato in cælum ore, incrassati, in-
pinguati, dilatati, superbe dicerent: Ma-
nus nostræ excelsæ, & non Dominus
fecit

Psal. 12.

fecit hæc omnia; labia nostra à nobis sunt; & quis noster est Dominus? *Nusquam ius, nusquam religio fuit: nobilior is erat, qui plura deripuerat, quasi premia congerens fortitudinis, ut scribit Hegesippus: id quod quisque per vim & nefas rapuerat. Deinde Prophetis eius, signisque ac portentis evidentissimis, quæ illorum certissimum denunciabant, ac vix non digito demonstrabant præsens exitium, eadem arrogantia nullam fidem adhibuerunt. Omne, inquit Iosephus, ab illis ius humanum calcabatur. Ridebatur etiã diuinitas, Prophetarum responsis, tanquam vulgaribus fabulis illudebant; certis verò prodigijs, & futuram solitudinem denunciantibus, neque attendebant animo, neque credebant; sed veluti attoniti, nec aut oculos habentes, aut animos, Edicta Dei dissimularunt; signorum quædam pro sua libidine interpretati sunt, alia contempserunt: donec patriæ excidio, suaque pernicië, eorum iniquitas confutata est. Hæc ille.*

Hinc eorum superbia profecta, finem inue-

nit nullum: Sacerdotes, Reges, Duces, ali-
 osque domesticos magistratus, ipsumque
 adeo Regem Messiam, contumeliose spre-
 uerunt: pro Rege Casarem, fat ali & nefa-
 ria voce apud Pilatum appellantes. Sed
 neque hunc diu patienter pertulerunt: nā
 qui suos perferre non potest, tanto minus
 alienos. Licentia enim non id querit, ut is
 aut ille præsint, & regnet: sed ut nemo sit
 omnino quem metuat, quique eius effrena-
 ta cupiditati frenos imponat: quæ dum pa-
 lam dicere erubescit, semper in eo magi-
 stratu, qui præsens est, aliquid desyderat:
 semper conqueritur: semper nouam for-
 mā, & speciem rerum exoptat. Spreuerūt
 ergo primos suos, spreuerunt & Romanos
 deinde, quibus se sponte dederant, magi-
 stratus. Simō primus seditionis dux & au-
 ctor, tributum Casari reddendum nega-
 uit: indignum esse clamitans, populum
 Dei idololatra populi tributarium esse:
 iniquum gentem liberam, quæ seruivit nū-
 quam, sumptu simul templi & fisci exhau-
 riri. Sequutus est hunc vir præcipitis au-
 dacia Eleasarus, militiæ dux: hic nullius
 externi munus, aut hostiam in templum
 Dei inferendam, aut Deo dicendam, cen-
 suit.

Ioseph. li. 2.
 ca. 7. dæ bel.

Ibid. ca. p. 17.

fuit. Id autem erat, inquit Iosephus, Romanibelli primum seminarium, & prima origo. Reiecit siquidem hostias Caesaris, quæ pro salute fortunæque populi Romani offerebantur, Pontificib. alijsque Principibus reipub. viris reclamantibus: ac ne vetustissimus honorificentissimisque & templo & urbi mos, pro Regibus supplicandi intermitteretur, nequicquam postulanti-
bus. Quam insignem contumeliam, dum Imperator Romanus perferre non potest, arma bellumque sumpsit: pacem ergo, inquit Hegesippus, fastu & superbia elati violauerunt, virtute non pares.

Quam secundam præcipitijs causam, consecuta est illa tertia, summa Principum templi, pariter ac Reipub. ambitio, & dominandi libido: eiusque causa ad externos Principes, eosque infideles, cum patria ornamentorum proditione, turpique assentatione coniuncta perfugia: Quod à Sacerdotibus, qui pro eo, quod omnis moderationis, continentia, mansuetudinis, auctores esse deberent: omnis improbitatis, sceleris, cupiditatis, duces & principes plerumque fiunt, initium & exemplum sumpsit. Primus Simon de tribu Benjamin, Seleu-

Machab. lib.
2. cap. 3.

ce *Asiæ Regi, potentia suæ firmandæ causæ, summique Sacerdotij consequendi, thesauros, depositumq. templi prodidit. Quæ re secundus Machabæorū liber sic explicat,*
 Cū sancta ciuitas habitaretur in omni pace, leges autem adhuc optimè custodirentur, propter Oniæ Pontificis dispositionem & pietatem, & animos odio habentes mala fiebat, vt & ipsi Reges & Principes locū summo honore dignum ducerent, & templum maximis muneribus illustrarent, ita; vt Seleucus Asiæ Rex, de redditibus suis præstaret omnes sumptus, ad ministerium sacrificiorum pertinentes. Simon autem de tribu Benjamin Præpositus templi constitutus, contendeat obistente sibi Principe Sacerdotum, iniquum aliquid in ciuitate moliri. Sed cū vincere Oniam non posset, venit ad Apollonium Tharsææ filium, qui illo tempore erat Dux Coelesyriæ & Phœnicis: & nunciauit ei, pecunijs innumerabilibus plenum esse ærariū Hierosolymis; & communes copias immensas esse, quæ non pertinent ad rationem sacrificiorū: esse autem pos-

sibile sub potestate Regis cadere vni-
 uersa. &c. *Deinde Iason frater Onia, sum-
 mum sacerdotium maxima vi auri apud
 Antiochum redemit. Quod idem Ma-
 chabeorum liber sic tradit.* Sed post Se- *Ibid. ca. 4.*
 leuci vitæ excessum, cum suscepisset
 Regnum Antiochus, qui nobilis ap-
 pellabatur; ambiebat Iason frater O-
 niæ summum Sacerdotiū: adito Re-
 ge, promittens ei argenti talenta tre-
 centa sexaginta, & ex redditibus alijs
 talenta octoginta. Super hoc promit-
 tebat & alia centum quinquaginta,
 si potestati eius concederetur gym-
 nasium & ephebiā sibi constituere:
 & eos qui Hierosolymis erant Anti-
 ochenos scribere, Quod cū Rex an-
 nuisset & obtinuisset Principatū, statim
 ad gentile ritū cōtribules suos trans-
 ferre coepit. Erat autem hoc nō initi-
 um, sed incrementum quoddam, &
 profectus gentilis & alienigenæ con-
 uersationis, propter impij & nō sacer-
 dotis Iasonis nefariū & inauditam sce-
 lus, ita vt sacerdotes iā nō circa altaris
 officia dediti essēt: sed cōrepto tēplo,
 & sacrificijs neglectis, festinarent par-

*Hegesip. li. 5
cap. 16.*

ticipes fieri palestræ, & præbitionis eius iniustæ, & in exercitijs disci: & patrios quidem honores nihil habentes, Græcas glorias optimas arbitrabantur. *Qua de re in eum modum Iosephus apud HEgesippum latius conqueritur:*

*1 bid. lib. 4.
cap. 6.*

At vero nostri dum Sacerdotium inter se competunt, & apud Parthos ambiunt conferri sibi memoratum honorem, de religione mercaturam fecerunt. Quid de Babilonijs querimus? Nostros experti sumus deteriores, illi nobis reddiderunt omne ius religionis illi Sacerdotū creationē restituerunt: illi Sacerdotales Infulas permiserunt nostræ potestati: nos eas Barbaris spōte tradidimus. Minor est circa nos ira Dei, quàm nostra cōtentio.

Hinc eo processum est, ut ignobiles atque indigni substituerentur Sacerdotum Principes, qui contra meritum suum adepti sacerdotia, ad omne nefas conferentium arbitrio subijciebantur. Eamque ob causam a quo Deoque digno iudicio, Hierusalem una cum sacris & sacerdotio suo, cuius impios

pios mercatus exercuit, non multo post in
 Antiochi peruenit potestatem. Exce-
 perunt à Sacerdotibus parem ambitio-
 nem, paresque ambitionis artes, Principes
 Reipub. Aristobolus & Hyrcanus fratres:
 qui cum inter se de Regno conuenire non
 possent, Romanos, à quibus ignorari sati-
 us fuit, ad cognitionem & arbitrium Reg-
 ni inuitarunt: rogauerunt igitur amicitia-
 m, fidem non seruaturi. Ad Pompeium
 primo, cum Imperio tum Asiam tenentem
 confugiunt: ab eoque paternum regnum,
 ad què tum nihil pertinebat, ambitiosè pe-
 tunt. Recipitur Pompeius cum exercitu in
 urbem, suisque manibus aperiunt portas:
 non multo post urbis & templi expugna-
 toribus. Ad templi irruptionem ipsi fossas
 replebant, ait Hegesippus, impioque mini-
 sterio, & turpi obsequio, seruierunt: ma-
 nus eorum in cophino, mentes in sacrile-
 gio. Horum igitur contentio, inquit
 Iosephus, Pompeium intulit ciuitati: &
 Romanis Iudæos libertate indignos subie-
 cit, Consecuta fuit & alia magis exitiosa,
 inter Alexandrum, Aristobulum, &
 Antipatrum, Herodis filios, Regni con-
 tentio: quorum illi priores duo, ex Mari-

ammæ Regio sanguine orta, Rege Herode nati: posterior hic ex Doride priuata muliere, ipso Herode priuato, genitus: illi genere, hic gratia patris, clati, communis, & sibi, & patri, & alijs multis, Reipub. denique ipsi, causa fuerunt exitij. Quis Romanos in Iudæam introduxit? inquit Iosephus, nisi Hyrcani & Aristobuli contentio. Quis Sosium? nisi Herodes. quis Antonium? nisi Sosius. quis Cæsarem implorauit sibi Regem? nisi vos. quis, præter vos, Antipatrum Regno expulit, & libertatem in Antipatro? Sic dum utrinque Regnum queritur, utrinque seruitus accersitur, & accipitur. Fæda res est ambitio: qua, ut suis imperet, alienis seruire non recusat: omnia deinceps à Romanis querebantur, omnia petebantur.

Ex ambitione nata sunt factiones ciuiles, domesticique tumultus: veluti quartus ad exitium progressus: qui, specie quidæ tuendæ dignitatis & libertatis suscipiebantur, re ipsa autem Regnum & dominationem quorundam astruebant. Dum enim quisque in Repub. primus esse vult, eaque res opibus & adminiculis multorum
opus

opus habeat, ad conciliandum populum se confert: Verum cum opes singulorum, ad omnium conciliandos animos, sint parua, species libertatis, qua nihil gratius hominibus videri solet, stultæ obijcitur plebi: sub eiusque prætectu factionum firman-
tur partes. Sic tum in duas dissidentes partes, tota illa ciuitas diuisa fuit: alteram popularem, optimatum alteram. Popula-
ris factionis duces fuerunt, Eleasar, Si-
mon, Ioannes, alijque eius generis, lingua
& manu prompti iuuenes. Qui cum sua
per ambitionem & luxum profudissent bo-
na, ere alieno immenso preßi, perturbatio-
nem negotiorum Reipub. questum & lu-
crum suum esse putabant: qua salua, ipsi
salui esse non poterant. Publica igitur li-
bertatis causam, contra vim & potentia
populi Romani: cui neque tributa reddere,
neque vota pro illius salute suscipere volu-
erunt: verbo suscepisse se profitebantur,
(indeque Græco nomine Zelotæ, tanquam
legis ac libertatis publicæ vindices & as-
sertores appellabantur) re autem ipsa pau-
pertatis & infamiae sua remedia quare-
bant. Optimatum Duces fuerunt, Ananus
Pontifex, vir præstantissimus: Iosephus-
quæ

que, qui postea totam illius urbis conuersi-
onem litteris consignauit, Qui cum facile
animaduerneret, seram illam tuenda liber-
tatis deliberationem esse, nec tum pri-
mum Romanis viribus ac potestati obui-
andum fuisse, cum iam intra muros ipsi-
usque urbis viscera versarentur: sed mul-
to ante rebus integris, tum cum sponte per
nimiam ambitionem accersebantur, illi
malo obsisti debuisse. Suadebant igitur po-
pulo, ut Dei voluntati ac iustissimæ vindi-
ctæ, ipsique adeo necessitati cederent. Hæc-
que fuit quasi prima in acie ciuitatis illius
deductio. Duo sunt omnibus Rebus pulcicis,
si diu saluæ & incolumes permanere vo-
lunt, omni studio & diligentia providen-
da. Primum Libertas: quæ tamen cum iu-
stitia, dignitate, præsidio, ac reliquis rei-
pub. ornamentis sit coniuncta, omnibus
rebus humanis anteponenda: pro illiusque
incolumitate & integritate, totis viribus
& opibus dimicandum. Est enim libertas
pulcherrimum quoddam, & humana na-
tura accommodatissimum bonum: sine qua
nihil cuiquam incundum, nihil dulce esse
potest: sine qua, vitæ ipsa parum vitalis
esse videtur. Deinde, nulli æquè suspecti ha-
bendi

bendi, quam illi. qui eius libertatis nimij vindices & assertores videri volunt. Tales enim sub ea libertatis specie Respub. fere omnes perdiderunt. Sic Pericles Atheniensium ciuitatem: quæ cum Solonis legibus & institutis, ex optimatum populique administratione tēperata fuisset, assentator populi factus, Senatus auctoritate dimi nuta, totā populārē fecit: cui, quamdiu ipse homo acer & prudens præfuit, florebat utcunque ciuitas: at ubi ad alios Duces, ipsumque solum populum eius gubernatio deducta est, funditus interijt. Sic Cæsar & Pompeius Romanum perdiderunt imperium: dominationem enim utrique quasitam fuisse, non id actum, Beata, libera & honesta ciuitas ut esset, ac utrunq. regnare voluisse docet prudentissimus Senator. Sic Hierosolymam isti eius libertatis & dignitatis nimij assertores, de quibus diximus, hac ratione qua audistis perdiderunt. Multis enim dum libertas quaeritur, seruitutem accersiri dicebat Agrippa. Libertatis igitur custos lex sit: quæ summis ac infimis æqua reddat & perscribat iura: æquitate constituendi, summa cū infimis pari iure retineantur: nihil contra leges

leges committatur, quod impunè fiat : in alienam dignitatem, fortunas, vitam denique, nemo temerè inuadat : quod quis habet, illud se existimet habere : Legum imperio, Iudiciorum seueritate, Magistratum auctoritate, libertas Romana stetit. Male paucis tantus cõmititur thesaurus.

Ex qua factiõnum ac domesticorum tumultuum labe, illa vltima consecuta est calamitas, externus in urbem missus miles. Dum enim homines populares Optimatibus pares esse non possunt, Idumæos accersunt : genus hominum turbulentissimum, ad omnesque motus facile propensum, & rerum mutationibus letum : quod veluti ad festorum quandam solennitatem, dicebat Iosephus, sic ad praelia properabat. Immittuntur in urbem ad viginti millia hominum egentissimorum : quam ingressi, nulli pepercere : tum quod natura ad cædes propenderent : tum quod hyeme grauius afficiebantur : tam supplicantibus, quam repugnantibus infensi : nullus autem aus fugiendi, aut salutis erat locus ; ita octo millia & quingentos mortuos dies inuenit.

Denum

Demum, quæ mala consecuta non sunt? Neque enim existimandum est, ullum mōstrū, ullā pestem, ullā labem rebus pub. nocentiorē esse, factionibus ipsis, ubi in apertum erumpunt tumultum. Quid tūm mali, erecto quasi publico licentiæ vexillo, non consequitur? Legibus, iudicijs, reipublicæque institutis, iureque uniuerso sublato, ac quasi communi sententia in vitam & fortunas impune violandas omnium perlata. Nihil iam est cuiquam propriū: non domus, non uxor, non liberi, non vita denique ipsa. Et quæ aliquando fuerunt vitæ solatia, in causas noui doloris & acerbitalis vertuntur: ita demum, non agri conferuntur, non pascua curantur, non vineæ aut horti excoluntur, non mercimonia exercentur, non nauigationes instituuntur, officinæ clauduntur, litteræ & studia conticescunt, nullæ publicæ aut priuatæ ædificia surgunt: sed ruunt potius & labuntur omnia. Ab audacissimis & egentissimis hominibus carceres effringuntur, tabulæ publicæ exuruntur, domus potentium & diuitum liberè distrahuntur, horti & vineæ succiduntur: templa, porticus, aliæque publicæ ornamenta fœdantur: nihil

tūm

tum improba cupiditati fit satis, omnia vastitas & tristis desolatio occupat. Coniuges, liberi, ante ora vultusque parentum turpiter diuexantur: nulli etati, nulli par-citur sexui: nihil ab hoste irato impetra-tur: desolationem agrorum, ac dissipatio-nem horreorum, consequitur fames, famē dira pestis. Tulit hæc omnia priusquam pe-riit, domestico tumultu vexata Hierosoly-ma. Nam in seditione, quasi seditio facta est, altera in alteram parte versa: homi-nes populares qui templum occuparant, dū se mutuò perferre non possunt, in seipso vertuntur. Occupat Eleasarum cum suis superiorē templi partem, IOannes infe-riorem: Simō eam urbis quæ templo sub-iacebat, occupauerat regionem: ita lade-bāt pariter ac ladebantur, dum à superio-ribus inferiores oppugnantur, medijs ab utrisque. Sic illa pietatis & religionis sanctissima sedes, facta fuit tumultus & seditionis area. Ab alia Optimatum fa-ctione, impetus in templum fiebat: vineæ, ac reliquæ munitiones, quæ pro templo con-tra Romanos urbem obsidentes extrui de-
NEG Esippus bebant, aduersum ipsum templum erige-
Ab: 5. cap: 22. bantur. Ante aras ipsas Sacerdotes senes,
 pueri,

pueri, ac nobilissima femina cadebantur:
 & unde spes salutis referri debebat, inde
 certissimus reportabatur interitus. Multi,
 inquit Hegesippus, qui properantes ab
 ultimis finibus terræ, ad sanctissimū
 locum religionis causa venerant, an-
 te ipsas hostias occubuerunt: arāque
 vniuersis Græcis & Barbaris admirā-
 dam, suo sanguine imbuerunt: Sacer-
 dotes inter eas quas mactabant victi-
 mas, immolabātur. Cuius mortuis
 aduenæ, Sacerdotibus prophani mis-
 cebantur: perque atria diuina, stagnū
 fecerat diuersorū cadauerū sanguis.
 Sic dies in sanguine, noctes in formi-
 dine trāsgebantur. Fames fuit maxi-
 ma: lacertis viridibus, *narrat idem HE-*
gesippus, cæterisque serpentum gene- *Ibid. cap. 18.*
 ribus, coctis exuijs, pestem addebāt;
 paruos liberos macie consumi, & a-
 perta ora frustra extendere videbant,
 exhausti fame & tabe luridi, nec ocu-
 los quidem attollere poterant; figura
 sola hominis remanserat, vsus inter-
 ciderat: simulachra hominum cerne-
 res, officia desiderares, mutis tantūm *Ibid. cap. 21.*
 sensibus aspiciebant templum. In Ro-

*Ibid. lib. 5.
cap. 24.*

mana castra confugientibus, vbi ci-
bus datus est. coepit oneri esse, desue-
tis edendi officijs si quid sorbuissent
mollioris alimoniae, interclusis iam
faucium meatibus strangulabantur.
Obriguerunt interiora viderum, ob-
structi erant ductus ciborum. Arue-
runt iccoris venae, quae cibos attra-
hant; virtus defecerat, cibi appetitu
manente. Ruebant super cibos & in-
ualidos morsus, more infantium mo-
liebantur, visis alimentis ipso gau-
dio deficiebant. *Hec quidem Hegesippus.*
Illud demum Ieremiae Prophetae consecu-
tum est: Manus mulierum misericor-

Abreno. 4.

dium coxerunt filios suos, facti sunt
cibus earum in contritione filiae po-
puli mei. Compleuit Dominus furo-
rem suum, effudit iram indignatio-
nis suae. *Sic iniusta illa Iesu Christi sitis,*
quam isti felle & absinthio exacerbarunt
potius, quam extinxerunt, iustissima ex-
trema famis pœna vindicata est: reddidit
Dominus vicem, ait Hieremias, iuxta ope-
ra manuum illorum. Ex fame pestis orta.

Ibi. li. 5. c. 2.

In templo ipso. persequitur rem narrā-
do *Hegesippus*, pro vnguentis bene o-
lentibus,

lentibus, pro incensis bene spirantibus, pro diuersorum florum odoribus, grauiserat in sepulcorum cadauerum foetor: quos pluuia dissoluerat, quos flamma combusserat, quos sol calefecerat, omnes artus cęsorum ciuium diro odore foetebant: hinc resolutorum putredo viscerum; inde exustorum nidor, sensus omnes atque ora complebant viuentium: vt ipsi non multo post grauiore morbo consumerentur, ac se superstites ingemiscerent, quo duriore pœna perirent: coque se seruatos, vt viderent cum patria simul solui etiam leges naturæ, negari ius viuentibus, pacem ciuibus, sepulturam defunctis, humana pariter atque diuina maculari atque permisceri; criminosa esse misericordiam, religionis loco haberi crudelitatem. Castrum in templo, bellum in limine, funus in altaribus.

Matthæus miserabilis & senex, & Sacerdos, ictum carnificis super colla charissimorum pignorum, ipsis primo in oculis eius crudeliter casis, excepit: quo spectaculo nihil funestius, nihil calamitosius, nihil

*Hegef. li. 5.
cap. 22.*

Ioseph. li. 4. *magis miserum fieri potuit. Iacebant tum*
 ca. 7. de bello *in medio foro diorum summorum Pontifi-*
cum, refert Iosephus, Principum reipub.
Anani & Iesu, paulò ante sacris indu-
mentis toto orbe celeberrima religionis a-
mieta, nuda corpora sine sepultura, cani-
 2 sal. 78 *bis & feris proiecta esca. Illudque Davi-*
dicum testatur esse completum: Posuerunt
morticinia sei uorum tuorum, escas
volatilibus cœli, carnes Sanctorum
tuorum bestiis terræ, effuderunt san-
guinem ipsorum tanquam aquam in
circuitu Hierusalem, & non erat qui
sepeliret. Ruebant ambusta mollium, de-
uoluebantur sublimium adificiorum cula-
 Ad Hab. 10. *mina, sanguine, fame, peste, incendio, rui-*
na, tota urbs consumpta perijt. Tam du-
rum & amarum est, incidere in manus
Dei uiuentis & sauiantis. Tum senes ac
mulierculæ intestinis malis attonitæ,
ait Iosephus, pro Romanis vota facie-
bant; externumque vulnus, quo do-
mesticis malis liberarentur, expete-
bant. Subuersum est cor earum. iuxta
Hieremie prædictum, in semetipsis; quo-
 Deut. 32. *niam amaritudine plenæ factæ sunt.*
Illudque quod prædixerat Moyses, imple-
 tum:

tum: Foris vastabat eos gladius, & intus pavor, iuuenem simul & virginē, lactentem cum homine sene. Exclamat Iosephus, Quid tandem passa es, o miserrima ciuitas, à Romanis? qui tua intestina scelera purgaturi, flammis introire. Iam enim Dei locus non eras, neque permanere poteras domesticorum funerū facta sepulchrū; præsertim tuorum, quos ipsa occideras, non quos ab hoste amiseras. His igitur quasi gradibus à salute & incolūmitate, ad tam dirum & crudele exitium, urbs illa perducta est: ut neque illam antiquitas sua, neque ingentes diuitiæ, neque per totum orbem diffusa fama, nec magna religionis gloria, quo minus periret, quicquam iuuerit: Non illam maiestas & religio Sanctos sanctorum, non propitiatorium, non arca testamenti, non virga Aaron, non denique ipsi Cherubin texerunt: non nobilitas, nec præclara parentum gesta quicquam profuerunt: nec mirum, si maiorum amiserunt merita, quorum fidē, pietatem, virtutem, iam pridem prodiderunt: sed ne pretiosus quiaem sanguis ipse IESU Christi Domini eam iuuat, qui pro-

Hegeſip. li. 5.
cap. 2.

lixes stillans ciuitatem illam irrigauerat non sepulchrum ipsum, quod quoties ingredimur, inquit Hieronymus, toties iacere in syndone cernimus ipsum Saluatorem. Repulit enim Dominus altare suum, maledixit sanctificationi suae, obliuioni tradidit in Sion festiuitatem & sabbatum. Facta est igitur ciuitas in tumultum, vrbs fortis in ruinam & desolationem. Neque verò, ut diximus, aut opibus & exercitibus, aut Imperatoribus Romanis cessit, sed sua illa malicia, suae perdidit factiones. Fatebatur hoc ipse Titus Romanus Imperator, indignitate ab ipsis succensi templi sacratissimi permotus. Cur, inquit, templum & externi & gentilis sanguinis effusione polluistis? Testor ego patrios Deos; & si quis vnquam hanc urbem aspexit, nunc enim neminem credo; iterumque testor exercitum meum, & vos ipsos, quod non ego hæc vos violare compellam; seruabo autem vobis templum etiam nolentibus. Compellat demum Ioannem, seditianis autorem pertinacissimum. Fide mea salua, hæc omnia tibi futura spondeo; veniam tibi salutis polliceor; non pro mercede

cede sceleris, sed pro redemptione ur-
bis; ut à te redimā perituroꝝ cul-
minum statum. Desinas, moneo, la-
trocinijs tuis conturbare propositū
pietatis Romanæ. Quid sibi volunt,
Ioannes impressi illi ante fores tem- *Ibid. ca. 34.*
pli apices elementorum? Nōne sig-
nificant, neminem nisi sacratum de-
bere templo appropinquare? Quid il-
la septa pro templo? Nōne ut con-
spectus arceāt vniuersorum liberos,
solisq̃ mysticis pateat secretorum
cognitio; atque his sit liber aspectus,
quibus est legitimus ingressus? Pro-
spectus excluditis peregrinorum, &
accessus cogitis. Scribitis, ut nullus
ingrediatur aduena, nullus peregri-
nus introeat: & peregrinum sangui-
nem intra templum funditis, adue-
narumq̃ simul & ciuium cruore
vestra altaria cumulatis. Testificor
ego, non impressionis nostræ esse, sed
vestræ præuaricationis, quod viola-
tis quæ vestra sunt. Ego alienus non
exigo; imo obtestor, si velitis disce-
dere, incolume templum futurum;
neminem Romanorum hostiles ir-

rogaturum manus, nihil de vestris temerandum esse sacrificijs. Seruabo templum vobis & profelytis; cultus enim Sacrorum diuersus, sed operis communis vsus. Quod cultus fuit, à vobis recessit; quod operis est, victoribus remansit. Seruiuimus vobis, vt vestris legibus viueretis; dedimus potestatem vestris inseruire cultibus; sacra vestra scire nolimus, sed honorauimus. Postea rebellandum putastis. Pompeius templum cepit, sed non diruit; vrbem occupauit, sed integra omnia reseruauit donaria. Pro quibus, ô grati socij, hanc vicem nobis rependistis, vt tertio rebellaretis. Veni ad bellum specie terrentis, affectu rogantis. Quoties à moenibus vestris vocaui exercitum? Quoties postea à penetralib⁹ templi retraxi? quoties restinxi incendia? quoties monui? sed nunquam audistis.

Sic demum ultimo, quisquis ipse esset, Israeliticum Deum obtestatus est: ubi funestum matris facinus, quæ tum fœdè & miserabiliter filium suum, ultima fame pressa, intra viscera sua receperat, cognouit:

Mundus

Mundus ego ab hoc contagio; tibi
me absoluo quæcunque in cælo po-
testas es; scis, scis profectò, quia inti-
mo affectu pacem frequenter obtulit
& quod non pudet dicere, victor ro-
gaui, quia parcere etiam ipsis tanto-
rum flagitiorum prodigiorumque
autoribus volui, parcere populo, vr-
bem seruare: sed quid facerem repug-
nantibus? sed quid facerem aduersus
suos furentibus? positis plerumque
armis, quia illi à suorum cædibus nō
desinebant, in bellum reuerti, vt libe-
rarem obsessos, non perderem: ipsi
nos de muris hortati sæpe sunt dimi-
care, ne grauius à suis perirent. Qua-
les sunt ciues, quibus hostis remedio
est? *His ex causis igitur tanta perijt ciui-
tas. Gens electa, Regale sacerdotium, ciui-
tas referta populis, clara Regibus, amica
Deo, gratia sedes: vrbs, quæ solebat sine
armis vincere: populus, cui sol stetit, mare*
*& Iordanus cessit. Deum enim, qui eam
genuerat, dereliquit: & oblita est Domini
creatoris sui: percussit Iudicem Israel in
maxillam, nec recordata est nouissimorum
suorum. Ideo abscondit faciem suam ab ea*

Ibi. cap. 22:

P s

& consi-

Et considerauit nouissima illius. Ideo factus est Dominus veluti inimicus, precipitauit Israel, precipitauit omnia munera eius, dissipauit munitiones, percussit quemcam vulnere, à quo non poterat curari. Quodenim remedium, quæ ratio salutis, ubi autor vitæ & incolumitatis non reconciliatur? Omnibus autem Regnis ac Rebus pub. specimen & exemplum datum, quid sequi, quid declinare debeant, si diu felices & incolumes permanere velint. Tibique in primis Patria mea, hodierno die speculum propositum est, in quo diligentius vultum faciemque intuearis tuam: num similibus aut haresum, aut arrogantia, aut ambitionis, aut factionum, inquinata sis maculis: num peregrina omnia, quam tua malis: à quibus si libera es, O beatam te & felicem, sin autem à planta pedis, usque ad verticem capitis, sanitas in te non est: exterge maculas, abluc sordes tuas, priusquam sententiâ Iudicis audias. Veniet in te dies, quando projicient te inimici tui in terrâ, & filios tuos, et non relinquetur in te lapis super lapidem, eo quod non cognoueris tempus visitationis tuæ. Neque .n. melior conditio esse potest syluestris oleastri

oleastri, quam germana oliua. Nec serius
adoptata filia, quam illius cui dictum est: *Psal. 132.*
Hæc requies mea in seculum sæculi,
hic habitabo quoniam elegi eam.
Cuius confortauerat Dominus seras *Psal. 147.*
portarum, benedixerat filiis eius in
ea. Verum dices fortasse: Iesum Christum
auro & argento non vendidi: ad causam
sanctissime religionis eius, aras item &
templa, at ius & æquum, vel precio, vel
gratia toties prodidisti. In horto captum
non ligavi, at manus omnipotentia eius
multoties ligasti, cum omnipotentem Di-
uinitatem eius, non plus posse, quam an-
gustus sensus, aut mens tua capit: stultie
& impune decernis, nec plus illi fidei ha-
bes, nisi quantum vis, mentæque tua hebe-
ti capis. Faciem eius non conspui, maxillâ
non percussi, tergum flagris non afflixi: at
unicam sponsam eius Ecclesiam, tot ca-
lumnijs, tot maledictis dilacerasti: at ma-
trem eius virginem sanctam, impudica
dicacitate toties proscidisti: at faciem æ-
ternæ diuinitatis eius, quod longè maius
est, tot nefandis blasphemijs fœdasti. Coro-
nam spineam capiti eius non imposui: at
æternitatis & omnipotentia coronam ex
capite

capite eius nefarie detraxisti. In crucem
Saluatorem mundi non sustuli: at ex
silio dextera Patris, impie & scelerate de-
trahere conata es. Regem meum non occi-
di, ut hominem non occidisti, ut autem ve-
rum Deum, quod in te est *Arriana* per-
fidia, quæ in te sedem posuit suam, extin-
guere moliris, dum eum in aternitate na-
tum, & viuentem non agnoscis. Utinam
igitur & tu cognoscas diem visitationis
tue, priusquam hæc omnia mala veniant
in te, quæ tu ipsa manibus tuis attrahere,
illisque viam latissimam sternere non de-
sinis. Ego quidem pro meo officio, non tam
libenter, quam necessario, quod debui dixi,
tu autem vide, quid tibi faciendum sit, an-
tequam præueniat te dies Domini mag-
nus, & terribilis valde, dies tenebrarum,
& caliginis: dies nubis, et turbinis: &
quis sustinebit eum? Hierusa-
lem, Hierusalem, conuerte-
re ad Dominum Deum
tuum. Amen.

STANISLAI SOCO-
LOVII, DE VESTITV
HÆRETICORVM, ET
FRVCTV HÆRE-
SEON.

*Attendite à falsis Prophetis, qui ve-
niunt ad vos in vestimentis oui-
um, intrinsecus autem sunt
lupi rapaces.*

MATTH. VII.



AMATOR salutis
& incolumitatis
nostræ CHRISTUS
Dominus, nullam
rem esse, quæ po-
pulo CHRISTIANO
magis cauēda, ma-
ioreque studio ac
diligentia fugienda sit, quàm fallos
Prophetas; quos Paul⁹ & reliqua scri-
ptura, Hæreticos appellare solet, sum-
ma maximaque cautione & monuit
& docuit semper. Nusquam scriptum
aut dictum legimus; Attendite à Ty-
rannis,

Tis. 1.

rannis, qui vos per varia tormenta, multiplicesque cruciatus à recta & firma fide constantique proposito vestro dimouere atque deterrere conabuntur. Nusquam dictum est: Attendite à Iudæis, Gentilibusque, qui omnes conatus suos ad vos opprimendos, vestrosque labores inficiendos relaturi sunt. At illud grauissimè dici audimus. Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces. Neque verò nudè & simpliciter à falsis Prophetis nobis cauendum esse docet: sed etiam eius suæ tam diligentis tam salutaris cautionis duplicem adfert rationem: summam scilicet eorum, qui fugiendi sunt astutiam & peruersitatem, qui, inquit, veniunt ad vos in vestimentis ouium, & parem astutiæ & versutiæ rabiem & feritatem, intus autem sunt lupi rapaces. Vt enim eos scopulos dicebat Magnus ille Theologus Nazianzenus, magis nauis declinare solent, qui sub aquis reclusi delitescunt, quàm eos qui ex-
rant

tant & eminent : Ita & illi inimici
 maximè vitandi sunt : qui vt latentes
 scopuli sub aquis , sic illi sub multis
 simultatum integumentis occultan-
 tur , & qui tum demum sese pro-
 dunt , cum iam naus fracta merces-
 que disiectæ sunt . Cum præsertim
 vt ait AMBROSIVS , Caput pe-
 tant , iugulum inuadant , vitali
 bus vulnus infligant , corpore saluo
 animam occidant ; quales inimicos
 maximè metuendos esse idem Sal-
 uator docuit semper . Atque nunc
 item grauissimè & studiosissimè mo-
 net : Attendite à falsis Prophetis,
 qui veniunt ad vos in vestimentis
 ouium , intrinsecus autem sunt lu-
 pi rapaces . Idem igitur & nos aga-
 mus , ac quis sit iste vestitus ouium
 quæ integumenta ; sub quibus falsi
 Prophetæ latere solent ; qui item
 fructus , per quos dignosci possint,
 paucis ex sacris literis , doctissimo-
 rumque virorum iudicijs ad publi-
 cam vtilitatem explicemus ; vt vbi
 eos semel cognouerimus , tandem
 aliquando amare desinamus . Ne-
 mo

Super Lus.
 li. 2. cap. 10.

mo autem hac nostra offendetur oratione, nisi is, qui se prius suo iudicio, aut hæreticum esse, aut hæreses sequi condemnarit; Quod vbi cognoscet, laqueo contrito liberatus, nobis potius, qui eas pelles lupis exitiosissimis detrahimus, gratias agat, quàm vt succensere debeat. Cuius nostri propositi initium à diuini numinis inuocatione capiamus.

Quis igitur hic vestitus ouium? quæ integumenta, quæ tam molles & insidiosæ pelles, sub quibus falsi Prophetæ delitescunt, Christique ouibus imponere, easque decipere solent? Alij aliter iudicant: quidam omnem externum cultum, orationes, Eleemosynas, ieiunia, humi cubationes, omnemque eam quæ propalam fit vitæ probitatem & continentiam, quam æquè boni ac mali simulare possunt vestimenta ouium appellare solent. Quidam cæremonias, ritusque Ecclesiasticos omnes ea ipsa integumenta esse

esse putant. Alijs omnis ille durus ac vilis vestitus, quo Monachi & Heremite, ac ceteri omnes, qui mundo renunciarunt, asperiusq; quoddam & horridius vitæ genus amplexi sunt, videntur, lana & indumenta ouium videri solent. Verum nobis in re maximi momenti magis seriū quid, quodque cum summa rei melius conueniat, querendum est. Cuius rei fundamentum hoc iaciamus: Omnis hæreticus, teste Hieronymo, hypocrita est: aliud agens, aliud simulans. Omnis porro hypocrisis non suo, sed alieno induta vestitu incedit, qui est virtutis & honestatis, omniumque eius partium simulatio. Cum igitur hæreticus quisque hypocrita sit, duplicem habeat vestitum oportet: Alterum cum alijs hypocritis cōmunem: Alterum qui illi proprius & peculiaris sit: communis vestitus erit, quod pium, quod honestū, quod cum virtute prima fronte cōiunctum apparet; hæc enim omnibus hypocritis sunt communia, in quibus simulationibus dici non potest, quantum vete-

Q

res

res hæretici excelluerunt, quantum ieiunijs, orationi, quantum omni vitæ parsimonie & continentie operam dederant. Nunc ut virtute ipsa, ita & omni eius specie ac simulatione hæreses carent. At peculiaris vestitus quis, de quo nobis præsens est institutum? Dum totam scripturam expendo, dum omnem antiquitatem percurro, dum nostrorum temporum rationem diligenter intueor, non alium hunc vestitum inuenio, quam ipsum verbum Dei, sacramque scripturam, qua omnes errores suos, omnes fraudes, somnia, nugas, ac deliramenta hæretici, vestire ac ornare solent. Hoc ita esse, primum veterum Pseudoprophetarum exemplum docet; Omnes enim illi veteris testamenti falsi Prophete, cum aliquid nouum ad populum dicebant, semper illis abutebantur verbis; Hæc dicit Dominus, hæc dicit Dominus; cum se illud dicere Dominus pernegaret. Deinde hoc idem Saluator innuit dicens; Non omnis qui dicit mihi Domine Domine, intrabit in regnum

coelorum, sed qui facit voluntatem patris mei. Ac si diceret, non omnis ille, qui toties ingeminat more falsorum Prophetarum, Domine, Domine, intrabit in regnum coelorum, sed qui voluntatem facit patris mei. Quod Petrus paulò clarius explicat. Quemadmodum, inquit, PAVLVVS ^{2. Pet. 3.}

frater noster charissimus ostendit in omnibus Epistolis, in quibus sunt quædam difficilia intellectu, quæ indocti & instabiles deprauant, sicut & cæteras scripturas ad suam ipsorum perniciem. Deprauabant autem vel falsa interpretatione, vel ipsius scripturæ inuersione, quorum nunc plena sunt omnia. Itaq; D. Ambrosi⁹ hac plena definitione hæreticos qui & quales sint, explicat. Hæretici ij sunt, qui per verba legis legem impugnant proprium enim sensum verbis legis astruunt, vt prauitatem mentis suę legis authoritate cõmendent. Sciens. n. impietas, multũ valere authoritatẽ legis, fallaciã sub nomine eius componit: vt quia res mala per se-

*Ambr. super
epistol. ad Ri-
mum ca. 3. to-
mo 3.*

metipsam acceptabilis esse non potest, bono nomine commendetur. Nam cum sciât hæretici, magnam esse sacræ scripturæ authoritatem, ideo hac ipsa errores suos & deliramenta regunt, suaque testimonia minus valida, sacræ scripturæ authoritatib⁹ allicant. Hæc Ambrosius. Quod idem Vincentius Lirinensis, his verbis de antiquitate Catholicæ fidei docet: Quid est vestitus ouium? nisi Prophetarum & Apostolorum proloquia, quæ iisdem quadam synceritate, agno illi immaculato, qui tollit peccatum mundi, tanquam vellera quædam texuerunt. Qui sunt lupi rapaces? nisi sensus hæreticorum feri, & rabidi, qui caulas Ecclesiæ semper infestât, & gregem Christi quaqua possunt dilacerant. Sed vt facilius incautis ouibus obrepant, manēte luporum ferocia, deponunt lupinam speciem, & sese diuinæ legis sententijs, velut quibusdam velleribus obuoluunt, vt cum quisq; lanarum molliciem præsenferit, nequaquam aculeos dentium pertimescat. Hæc Lirinen. Nemo ex veteribus
hære.

*Lirinen. li. 1.
cap. 36.*

hæreticis, tam impurus, tam impius, nemo tam absurdus perditusq; fuit, qui non suum errorem ex his, quas nunc in manibus habemus confirmaret scripturis: Videre hoc licet apud Irenæum, Tertullianum, Epiphaniū, cæterosque, qui eorum sententias argumentaque retulerunt, acerrimeq; refutarunt. Non contentus erat vno & alio sacrae scripturae loco, ad sua confirmanda, Valētinus atque Marcion: nisi vniuersum nouum Testamentū, omnesq; Pauli Epistolas suis accommodarent sententijs: ac si in opere incrustato & vermiculato, translatis lapillis, ordineque mutato, ex homine faceret vrsū aut Leonem: quam similitudinē venustissimè Irenæus contra Valētinū ante mille trecentos annos his verbis explicat; Cū igitur talis sit ipsorum doctrina, quam neq; Prophetæ prædicauerunt, neque dominus docuit, neque Apostoli tradiderūt, quam de vniuersis iactant se plus alijs cognouisse, ex non scriptis legentes: & quod dici solet, ex arena funiculos necere studentes; ad faciendam

*Iren li. 1. ca.
1. contra hæ-
reses.*

fidem conantur prædictis adaptare, aut parabolas dominicas, aut sermones Propheticos, aut dicta Apostolica, quò figmentum ipsorum non testibus carere videatur, ordinem & seriem scripturarum transilientes, & quantum in ipsis est membra veritatis soluentes. Transferunt enim & transformant, & aliud ex alio facientes, multos decipiunt, per malè compositam dominicorum verborum adaptatorum sapientiam. Quemadmodum si quis Regiæ imaginis pulchræ, ex preciosis lapidibus fabricatæ à sapiente artifice, subiectam hominis formam soluat, & lapillos illos transferat & accommodet, ac faciat formam canis aut vulpeculæ, atque hanc malè fabricatam deinde præscribat ac dicat, hanc esse Regis imaginem illam pulchram, quam sapiens artifex fabricauit, ostendens lapillos illos à primo artifice probè in Regis imaginem compositos; verùm malè à posteriore in canis formam translatos, & per lapillorum apparentiam seducat imperitiores, qui Regiæ for-

ma

me notionē non habent; & persuadeat, quod hæc putrida vulpculæ forma sit pulchra illa Regis imago. Ad eundem sanè modū etiam hi anicularum fabulas consuentes, deinde verba, dictiones, & parabolas vndecunq; detrahentes, adaptare volunt fabulamentis suis eloquia Dei. Hæc Irenæus: Infinitis locis scripturæ, minorē filiū patre iactitabat se demonstrare posse Arrius: Nestori⁹ sacrā scripturā se primum, & solū intellexisse, & oēs illos ignorasse, quicunq; ante se magisterij munere præditi diuina eloquia tractassent, falso solebat dicere. Ita vt Tertullianus alicubi propter eū impudentē sacrarū scripturarū abusum, Euāgeliū rem sanctissimā librū hæreticorū appellare non dubitauit. Abunde hoc idem docet nostra ætas, quæ cū in sexcentas scissa sit hæretes, in sexcenta schismata, quæ tamen omnia vera esse nō possunt, cū vna sit & simplex veritatis via: nulla tamen est, quæ non suum sacræ scripturæ testimonijs tucatur errorem. Et eò magis, quò absurdior, quò exitiosior est: quod in

Anabaptistis Arrianisque videre licet. Hic igitur est peculiaris Pseudo-prophetarum vestitus, hæc mollia vellera. Non ieiunat quis, lupus est: vestitus autem ouium ille: Nō quod intrat per os coinquinat hominem, sed quod procedit ex ore, hoc coinquinat hominem. Non orat quis, hic lupus est, vestitus autem: orantes nolite multum loqui. Non vult quis subesse magistratui, lupus est: vestitus autem ouium: Obedire oportet DEO magis quàm hominibus. Confiteri peccata erubescit quis, lupus est: vestitus autem ouium: Delicta quis intelligit? Continentiæ quis rumpit vota; lupus est: vestimētum autem ouium: Non omnes capiūt verbum hoc. Nō reddit quæ sunt Cæsaris Cæsari, quæ Dei Deo, lupus est: vestitus autem ouium; Gratis habetis, gratis date. Baptismum iterat, lupus est; vestis autem ouilis; Qui crediderit & baptizatus fuerit, saluus erit. Minorem patre filium improbè & maliciosè iactat, lupus est; vestimentum autem; Pater maior me est. In nulla parte virtutis &

& honesti se exercet, lupus est; vestimentum autem; Arbitramur hominem iustificari fide sine operibus. *Rom. 3:* Pulsat quis pauperes, damnat innocuos, expilat vicos & oppida, peregrinos, & mercatores mercibus exspoliatur; lupus est; vestitus autem ovium; Si impius egerit poenitentiam, &c. *Miseri- cordiæ Domini multæ, sed & cruce- scelerū plurimæ. Hæc sunt vestimen- ta Pseudoprophetarum, in quibus ad nos veniunt, intus autem sunt lupi rapaces. Neque autem idè sacra scriptura, aut accusanda, aut reiicienda est; neque ob id ad omnes errores cõficiendos, omnemque Christianam doctrinam stabiliendam, illa minus utendum erit, quod ea hæretici peruersè abutantur; Sed quemadmodum oves non eam ob causam vellera sua abijciunt, quod illis aliquando lupi induti conspiciantur; quin eò magis ea tuentur, atque ab omni luporum iniuria defendunt; ita etiam non ob id sacra scriptura abijcienda erit, quod hæretici ea ad suum & aliorum exitium malè utantur; sed eò studiosius tra-*

standa, eiusque veri ac sinceri sensus
peruestigandi. Hoc tamen sciendum
est, sub hoc vestitu lupum aliquando
delitescere posse: neq; statim, vt quis
aliquot sacrae scripturae loca appella-
re potest, eum sequendum esse; cum
hic communis aequè lupis ac ouibus,
vestitus esse possit. In quo genere dia-
bolus, hæc nostra tempora ita fasci-
navit, vt nemo tam absurda docere
possit, modò Paulum vel Ioannem
laudet; vt nō statim quintus quidam
Euangelista esse censeatur. Et hæc qui-
dem sunt vestimenta ouium. Atten-
dite igitur vobis à falsis Prophetis,
qui veniunt ad vos in vestimentis o-
uium, intrinsecus autem sunt lupi ra-
paces. Quomodo autem falsi Prophe-
te à veris dignoscendi sint, quando-
quidem sacrae scripturae allegatione
non cognoscuntur, statim adiungit:
Ex fructibus, inquit, eorum cognos-
cetis eos. Qui igitur sunt fructus isti?
non idem sentiunt omnes, & res ipsa
subobscurior est. Nostri temporis he-
retici, sed & veteres referente Augu-
stino, avaritiam, ambitionem, si-
mo-

moniam, luxum, vsuram, adulteria, ebrietatem, ac reliqua quæ carnem consequuntur vitia, eos fructus interpretantur: quibus cum Ecclesiasticum Clerum planè diffuere isti vidissent, inde populo persuadere conati sunt: Clerum Ecclesiasticum falsos Prophetas esse, ex his fructibus cognoscendos. Fuit hoc ad vulgus, in cuius oculos tot & tanta nostrorum incurrebant vitia, argumentum maximè accommodatum: his talibus rebus tanta irretita est hominum turba: plausibile sanè argumentum: dolendumque est Christiani mei, vobisque in primis sacerdotes, vos tantum contra ordinem vestrum erexisse firmamentum, illiusque vim in dies magis ac magis immensa cupiditate, ambitioneque vestra augere. Hos tamen non esse germanos fructus, ex quibus veri à falsis dignosci Prophetæ possint, hinc facile perspicitur: partim quia vitia hæc, cum hypocrisi maximè pugnant patent enim, & in oculos hominum incurrunt, nec benè cum vestitu ouium conueniunt. Nemo vnquā

Arri-

Gal. 4.

Paulus ad
Gal. 5.

Arrio, nemo Photino adulterium, nemo ebrietatem obiecit; facile ab his cauent illi, qui nocentiora venena ferunt; partim quos labe istæ omnium sunt temporum; siue hæreses vigeāt, siue omninò sint nullæ. Quod enim vnquam tempus adeò felix, adeò beatum fuit, quo his nãvis Resp. Christiana caruerit? Itaq; fructus potius carnis, quàm hæreseos, hæc vitia, scriptura nominare solet. Manifesta sunt inquit Paulus, opera carnis; quæ sunt fornicatio, immunditia, &c. in quibus & ipsam recenset hæresim. Abundarunt hoc genere vitiorum veteris legis Pontifices & Sacerdotes; nusquam tamen eos scriptura, nusquam ipse Christus Dominus, in falsorum Prophetarum censum retulit; Caiphas Simoniacus Sacerdos, futura tamen verè prædicit; Quid Iudas Scariotes? sed & ipsum Petrum reprehensibilem fuisse legimus; Verùm hæc sublata iam esse videtur controuersia; Ita enim isti, cum plerisque ex nostris in pari lance maliciæ constiterunt; æquè improbi, æquè sunt vitiosi, ut pos-

possint rectè inter se alea iacere vter
 melior. Itaque & ipsi non valdè hunc
 locum vrgent, cùm præsertim illo ma-
 nifestissimo CHristi testimonio con-
 uincantur; Super Cathedram Mosi se. *Matth. 23.*
 derunt Scribæ & Pharisei; omnia er-
 go quæcunque dixerint vobis, seruare
 & facite; secundum autem opera illo-
 rum, nolite facere. Vel ipsis ergo Au-
 thoribus, magis proprium, magisque
 peculiare quid, quærendum erit. Fru-
 ctus igitur hærescos tales esse debent,
 qualis est ipsa hæresis; quæ cùm non
 ad vnius hominis exitium, sed ad to-
 tius corporis CHristi labefactatio-
 nem comparata sit; fructus etiam ei
 illi erunt, non qui singulis noceant,
 sed qui ad totius corporis CHristi,
 quæ est Ecclesia Dei, ruinam & deso-
 lationem referantur; fructus enim ra-
 dici respondere debent; radix totum
 inficit corpus; fructus igitur similes
 quærendi. In quibus recensendis non
 abutar vestris auribus, nihilq; ex meo
 priuato adferam sensu; quos ipsa scri-
 ptura sacra, quos Principes Aposto-
 lorum recensent hos proponā, quos
 illi

*Epist. Petri
2. cap. 2.*

illi non obiter neque aliud agentes, sed studiosè, & ex instituto, Spiritus Dei instinctu, admirabili rerum futurarum prænotione explicant, ita vt hos vel negare vel impugnare nemo possit, nisi qui manifestè Apostolis ipsis detrahere vèlit, illisq; fidem adhibere nolit. Fuerunt, inquit Petrus, Pseudoprophetæ in populo, sicut & in vobis erūt magistri mendaces, qui introducēt sectas perditionis, & eum qui emit eos Dominum negabunt, superducentes sibi celerem perditionem: & multi sequentur eorum luxurias, per quos via veritatis blasphemabitur: & in auaritia, fictis verbis de vobis negociabuntur: quibus iudicium iam olim non cessat, & perditio eorum non dormitat. Qui quo tandem modo cognoscantur, iisdem ferè verbis cum Iuda Apostolo, eos suis verissimis depingit coloribus, ac ex quibus fructibus dignosci possint abundè docet.

*Iudas in sua
epist.*

Quorum primum his verbis explicat: Dominationem, inquit, contemnant, maiestatem autem blasphemant:

mant: Vt enim primus Apostata & hæreticus Lucifer, nimia arrogantia, contra Deum elatus, omnipotentis Dei dominationem spreuit, dum ei parper omnia esse vult, simulque maiestatem eius blasphemauit, cum inquit: Ponam sedem meam in Aquilone, & ero similis altissimo; sic vniuersa eius propago, schismatici & hæretici, non illam primam & principem solum, sed etiā hanc secundam & vicariam potestatem spernunt, maiestatem blasphemant.

Nunquam Martinus, nunquam Caluinus, Pontificem Romanum, cuius Cathedram Apostolicam sedem, omnis antiquitas sanctissime appellauit, & venerata est, nisi Antichristum; nunquam Pontifices, nisi monstra & portenta: nunquam Sacerdotes, nisi ministros & vasa diaboli: nunquam Reges & Principes Catholicos, nisi Pharaones, Tyrannos, & libertatis publicæ oppressores, appellare solent: scripta illorum testantur: res negari non potest. Et cum authoramentum maiestatis lex
fit,

fit, leges enim vos Principes, magnos & admirabiles faciunt; omnisque hæc vestra dignitas, & auctoritas ex legibus, tanquam firmissimo præsidio pendet; idem legum qui & maiestatis hostes sunt. Hinc illa Ecclesiasticarum primū, deinde ciuiliū legum & sanctionum abrogatio; hinc patrum consuetudinū immutatio, legibus enim integris & sartis rectis conseruatis, nequaquam neque dominationem contemnere, neque maiestatem conuicijs proscindere, impune auderent; quinimò his stantibus & vigentibus ipsi nullo modo stare, nec sese diutius tueri possent. Primus itaque fructus hæreseos hic est, dominationis & maiestatis diminutio, legum autem antiquarum abrogatio, omnisque moris veteris extinctio. Quis hæc docet? Petrus atque Iudas; duo Apostolici Collegij amplissima lumina; Dominationem, inquit, contemnunt, maiestatem autem blasphemant.

Secundus eius labis qui ex hoc primo nascitur fructus, est inobedientia.

Liber.

Libertatem, inquit Petrus, promittentes, cum ipsi serui sint corruptionis, à quo enim quis superatus est, huius & seruus est. Et sanctus Iudas; Væ væ, inquit, qui in contradictione Correabierunt, quam contradictionem sic Moyses exponit: Core, Dathan & Abiron, Leuitici generis fratres, qui ad figendum deportandumque tabernaculum, ac reliqua minutiora cultus diuini munera, erant destinati, Moyse & Aarone Principibus sacrorum, & Reipub. spretis, in munus & officium Sacerdotale sese temerè ingesserant. Misit igitur Moyses, vt vocaret Dathan & Abiron, filios Eliab. qui responderunt, non veniem⁹ &c. Iratusque Moyses, dixit ad Dominum. Ne respicias domine Sacrificia eorum: tu scis quod nec a sellum quidem vnquam acceperim ab eis, nec afflixi aliquem eorum. Contradictio igitur Core, inobedientia est, affectata libertas est, ac non expectata legitima vocatione, in alieni muneris functionem temeraria inuasio; quæ ex magistratus æstimatione.

Num:16.

Num. 16.

ne leuissima nascitur. Qui fructus, an nostra ætate satis superque his magistris & Doctoribus non reffloruit? Iubet quid vniuersalis legitime congregata Synodus, reclamationis populus, non faciemus. Iubet Sacerdos: reclamationis laicus, non faciemus. Mandat Rex; itidem subditi, non faciemus. Mandat Dux belli: eodem modo milites, non faciam. Ab his autem maioribus ad minora est profectum; vt neque seruus domino, nec filius patri, neque vxor viro, nec discipulus officinæ magistro, aut parere aut subesse velit: sed omnes id faciunt, quod bonum in oculis suis esse videtur. Quæ frequens hæc vox auditur; non faciemus, non veniemus, ipsi videtis. Malæ igitur arboris hic est secundus deterior fructus, qui ex legum magistratusque contemptu exoritur.

Tertius autem ille; Nubes, inquit, sine aqua, nebulae turbinibus exagitatae, quæ à ventis circumferuntur, fluctus feri maris, despumantes suas confusiones, sydera errantia, quibus procella tenebrarum seruata est in æter-

æternum; Quæ nihil aliud designant,
quam omnē tam Politici, quā Eccle-
astici ordinis cōfusiōnē; Quid enim
nubib⁹ vacuis magis inordinatū? qd
fluctibus maris pcellosi magis incō-
positum? quid nebulis? quid ipsis sy-
deribus errantibus, quę nūc huc, nūc
illuc temerē feruntur, magis incertū?
Sequitur aut naturæ ordine illos du-
os hic tertius fructus. Vbi. n. nulla est
obedientia, vbi nulla maioris & mi-
noris ratio & differētia, vbi superio-
ris & inferioris nulla cōparatio; ibi
nullus certus ordo, nullus certus cō-
centus sit oportet. Ex summis. n. &
infimis, & medijs, moderata ratione
interiectis, omnis emanat ordo, om-
nis Reip. concentus; qui vbi non est,
ibi omnia incerta, omnia vaga, om-
nia fluctuantia sunt, infinitisq̃ue pro-
cellis & tēpestatibus agitata aguntur
& feruntur; quod inter hæreticos ma-
nifestè fieri videmus, oēs apud istos
Pontifices, oēs sacerdotes, oēs Reges
oēs belli Duces, omnes Doctores,
omnes denique omnia censerī vo-
lūt. Qua enim ratiōe iuris & ordinis

æquabilitatem inter se conseruabūt illi, qui sibi mutui sceleris conscij sunt? qui omnes ex æquo ab eo quod legitimum, quod cum veteri lege & more coniunctum est, recesserunt? quibus propria libido præest ac dominatur. In rerum igitur omnium confusione, quem tu ordinem inuenias?

Quem fructum ille quartus, vi & natura consequitur sua, quem idem explicat Petrus; audaces, inquit, sibi placentes, scētas nō metuunt introducere. Iudas autem: Murmuratores & queruli, secundum desideria sua ambulantes, os eorum loquitur superbiam, qui se ipsos segregant, id autem est, factionum, & dissensionum sunt auctores, pacis verò & publicæ tranquillitatis perturbatores. Pax enim, vt doctissimis placet, nihil aliud est, quàm tranquillitas quædā ordinis. Vbi igitur nullus est ordo, sed potius omnis ordinis peruersio; ibi pax nullo modo esse potest; rixæ, factiones, dissensiones, in mutuum exitium, conspirationes, domestici tumultul-

tumultus, bellaque ciuilia, quibus nunc orbem terrarum ardere videmus, occupant omnia. Nobis verò inter nos dimicantibus, ac vires mutuas atterentibus, & veluti in vtero vnus matris more Iacob & Esau colluctantibus: contra hostes Reipublicæ Christianæ, nihil præclarum geritur, opes Saracenicæ indies crescunt; Vrbes, Regna, Insulæ in eorum potestatem succedunt, nihil nostrum vel ioco concupierunt vnquã, quod seridò non obtinerent: Dum nos pro scholæ quæstionibus, quarum finis nullus est decertamus, qui pro Regnis & populis Iesu Christi sanguine quæsitis pugnare debebamus. Quid enim ab eo tempore ex quo hæc labes Rempublicam Christianam occupauit, præclarè contra hostem nominis Iesu Christi actum est? quid illius Regno quæsitum? quid laudis & nominis gestum? omnia ruunt & retro collapsa referuntur, omnis virtus Christiana conticuit; sexcentæ licet fiant inter nos confœderationes, sexcentæ compositiones: pax tamen nõ

R 3 est,

est, nec erit vnquam: pax enim tranquillitas est ordinis: quæ vbi non est, nulla item pax erit, ipsa naturæ vi & æquitate ita concludente. Multum quidem valent humanæ sanctiones, multum leges; naturam tamen rerû inuertere & immutare non possunt. Non est pax impijs, dicit dominus: Impij tanquam mare feruens, quod nunquam quiescere potest. Ita qui pacem inter hæreticos, vel cum hæreticis facere velit, nihil aliud agit, quam arenam, vt Irenæus dicere solebat, sine temperamento glutinat, quæ nunquam natura sua cohæret, nunquam diu in vnitatis vinculo permanere potest; Neminem enim pacem suam tenere posse, qui pacem Dei repudiauit, præclarè dixit Hege-sippus.

Obstat enim & impedit ille quintus, qui hos sequitur exitiosus fructus: Væ illis, qui in via Cain abierunt, & in errore Balaã mercede effusi sunt, secuti viam Balaam ex Bosor. Via Cain, summum quoddam & irrecõciliabile odium, ex inuidia natum, omnem-

omnemque fraternæ charitatis abolitionem designat. Via Balaam, populi Dei eiusque castrorum infestationem, ac omni genere conuicij & maledicti proscissionem. Habet enim hæresis insitum quoddam & peculiare ab alijs omnibus disinctum, contra illos, qui cum eis non sentiunt irreconciliabile odium, quod etsi ad tempus supprimi & dissimulari potest, funditus tamen & radicitus culli non potest, sed quo diutius premittitur, eo exitiosius erumpere solet; magnalis, magnus zelus est religionis. Quærit Iosephus, quæ causa fuerit, cur cum reliquæ omnes gentes, in aliquam societatis vnionem, cum alijs nationibus venirent: Iudæi soli nullam vnquam firmam & constantem amicitiam cum ceteris gentibus coluerunt. Reddit non aliam rationem, quâ eâ ipsâ disparitatē, & dissimilitudinē cultus & religionis, odiūque inde manat implacabile, cū illi vnū solū, cæteri infinitos coluerint Deos. Demōstrat hoc idē Dionysius Areopagita, vix non Geometrica demon-

Iosephus contra Apionem

De diuinis nominib. cap. 5.

stratione. Vt, inquit: Lineæ quanto remotius à centro discedunt, & numeri ab vnitate quanto magis distāt, tanto etiam plus ab inuicem separātur, maioreque interuallo absunt; sic homines quo magis à Deo, qui est rerum omnium primum principiū & centrum, omnisque vnionis fons & origo, veraque de illo opinione discedunt, eo magis à seipsis distant ac seiunguntur. Non potest, inquit Bernardus, Deo esse cōtrarium quid, & sibi met cohærere, aut secum, consentire; Nihil ibi in commune confulitur, nihil ad omnium salutem refertur, nulla totius corporis suscipitur cura; hoc solum vtile est quod alteri nocet, ex alieno incommodo sua quisque sibi parat cōmoda. Nunquam pacem & concordiam illa Respublica speret, quæcunque dispares & pugnantes hæreres semel intra sua susceperit viscera; frustra impossibilia tentantur, quod nunquam in eo decursu sæculorum fuit: nunc certè quomodo fieri possit, non video.

*Bernar. li. 5.
de cōsiderat.*

Sextus fructus eius morbi ab iisdē
Aposto-

Apostolis explicatur; Hi autem quæcunque quidem ignorant, blasphemant; quæcunque autem naturaliter tanquam muta animalia norunt, in his corrumpuntur: Quod nemo alius præter hæreticos facit: nam Philosophi & si nobiscum non sentiunt, nostra tamen conuicijs & maledictis non conscindunt. Ita sint duo; Alter Philosophus quis, Auerroem vel Aui-cennam sequutus; Alter hæreticus, vterque Deum vnum & trinum non agno scit, vterque Christum ex virgine natū negat; vterq sub specie panis & vini, verum corpus & sanguinem Christi contineri nullo modo credit: Hoc tamen inter vtrumque interest, quod alter argumentis contentus, non amplius progreditur, alter vltra argumenta nephandis blasphemijs omnia inquinat, orania cōplet. Quæ enim & qualia in Dei filium, quæ in virginem sanctam, quæ in sacramenta, diuina Symbola, maledicta conferant; ea, & dicere, & audire, homini pudenti piaculum est: longè certe acerbius quàm illi, si fi-

Hen. 49.

lius Dei est descendat de cruce: vt rectè de illis illud dicere possis, Maledictus furor eorum quia pertinax, & indignatio eorum dura: Non intret anima mea in consilium eorum, & in cætu eorum non sit gloria mea. Nec satis est ipsos ita petulantes, & maledicos esse, hacque ratione æterni Regis maiestatem lædere, sed illud etiam efficiunt, vt nomen excelsum Dei, nomen Iesu Christi, eiusque Sacrosanctæ religionis, blasphemetur vbiq; in gentibus, & per quos, inquit Diuus Petrus, via veritatis blasphematur. Quis enim ex his q; foris sunt, eam religionem admiretur, quis laudet & suspiciat, & non potius contemnat ac derideat, quæ in tot hæreses, in tot dissidentia schismata sit distracta, & quæ de suis sacris tam malitiosè, tam petulanter, tã impudicè sentiat & loquatur. Non modo igitur ad lumen veritatis infideles his istorum moribus non redeunt, sed magis in suo errore tenebrisque confirmantur. Ad quos enim potius in tanta sententiarum varietate se conferant,

ferant, aut quomodo illos sequantur
 qui ipsi vbi certò defigant pedem nō
 habent: Ita vt planè portas salutis o-
 mnibus gentibus, sectis ac diffidijs
 nostris, vita & moribus inquietis &
 diffidentibus, obstruere videamur.
 Et vt quondam Pilatus tradidit Chri-
 stum cohorti ad illudendum, con-
 spuendum, flagellandum, ac omni-
 bus contumelijs diuexandum: ita
 nunc hæreseon ac schismaticum magi-
 stri, eundem Christum, eiusque vni-
 cam sponsam Ecclesiam exponunt
 iisdem gentibus, vt denuo flagelle-
 tur, conspuatur, ac varijs probris cō-
 tumelijsque ipsi illudatur, nullo vn-
 quam tantum scelus dignè expiatur-
 ri æuo. Assume domine zelum pro
 spōsa tua, & pro nomine sancto tuo.

Septimum mali seminis germen
 illud est, gratiam Domini nostri Iesu
 Christi transferre in luxuriam quod
 idem docent Apostoli. Subintraue-
 runt enim quidā hoēs, qui olim per-
 scripti sunt in hoc iudiciū impij, do-
 mini nostri gratiā trāsferētes in luxu-
 riā, delicijs affluentes, in cōuiuijs suis
 lux-

luxuriantes vobiscum. Vt enim veterator ille paradisi serpens, eam ipsam prolixam & liberalem munificentissimi parentis beneficentiam, qua in omni honestæ voluptatis & deliciarum genere primos nostros constituerat parentes, in exitialem transferre voluit insolentiam: ita vt nimia petulantia & cupiditate, eius suasu cōtra parentem suum elati, Dij plane effici voluerint: Sic isti crucis Iesu Christi, vulnerumque eius, mortis & sanguinis liberalissimè in precium & ablutionem totius mundi in ara crucis effusi, gratiam volunt transferre in luxuriam: non tanquā exemplū imitationis crucem & mortem Christi habentes, sed quasi velamen maliciæ prætendentes, vt dicebat Petrus. Quod ne fiat, diligentissimè suos monet Galatas Paulus: Vos in libertatem vocati estis fratres; tantum, ne libertatem in occasionem carnis detis. Laudent quantum velint in primis suis initijs Hæretici, omnem vitæ continentiam & sanctimoniam, Catharos Angelicos, Apostoli-

1. Pet. 2.

ad Gal. 5.

stolicos Apotacticos; id est, selectos more veterum Gnosticorum, Marcionistarum, Valentinianorum, sese ambitiosè appellent; ad vltimum tamen, omnem Dei gratiam transserunt in luxuriam. Notum est, in quā foedas ac planè infandas libidines, prioris sæculi Hæretici ad extremum præcipitabantur; sed & nostri, ieiunia primum, vigilias, cilicia, humi cubationes sustulerūt; virginitatem tanquam rem Deo & naturæ aduersam & inimicam, reiecerunt: claustra Monasteriorum, ac vota suscepta pudiciæ, perfregerūt, Polygamiam laudarunt: vltimò, Adamismus quidam turpis & nefarius introductus est. Sic Hæresis, gratiam Dei transfert in luxuriam.

Octaua demum eius pestis labes est, perpetuus in deterius profectus. Hunc fructum Paulus ad Timotheū scribens, sic explicat. Semper, inquit, discentes, & nunquam ad perfectionem cognitionis peruenientes. Mali autem homines, & seductores, proficient in peius: errantes, & alios in errorem,

2. Tim. 3.

errantes, & in alios in errorem inducentes. Et paulò post; Iniquitas autē eorum proficit in peius, quorum sermo serpit tāquam cancer. Mille quingentis septuaginta octo annis, res Christiana in dispensatione potestatis à Deo ordinatæ, inter tot persecutionū fluctus, inter tot feri ingenij & linguæ impugnationes, inter tot hereses & schismata, integra & intemerata māsit; Articuli fidei, Sacramētōrū dispensatio, Libri sacri, eorumque interpretes, Canonēs, Concilia, Patres, Cæremoniæ, Sacra, Ordines, Ordinumque functiones, incorrupta immutataque durant. Sexagesimus vix intercessit annus, ex quo isti noui dispensatores in eam inuaserunt possessionem; & iam vix reliquias ei⁹, quod à nobis acceperunt, depositi, tuentur. Sic prophanata, sic conculcata iacēt omnia, dum hoc anno eam inficiunt religionis partem, alio aliam, & iterum aliam, donec totum fidei & pietatis corpus hic lethalis absumat Cancer. Vnde cœptum sit videtis, & quo profectum. Quorsum illa
aqua

aqua lustralis, quorsum euaserūt Indulgentiæ, auctores ipsi vix sua recognoscunt dogmata. Neque verò in peius proficiunt tantum, sed in quo maximè admirari licet, summam diuinæ potentiae vim, in hominum malicia & curiositate vindicanda, planè in contrarium reciderunt sensum. Quantum fidei dignitatem & amplitudinem, supra quam etiam necesse fuit, extulerint, nemo est qui ignoret. Nunc ipsi, vel penitus nihil credunt, vel in omni parte fidei sensum & experimentum quærunt; suntque nonnulli, qui in solis bonis operibus cum Pelagianis, totam salutis rationem putant repositam esse: Verbum Dei, Euangelia, Paulique scripta, quibus laudibus in coelum sustulerant, scimus; nihil detrahendum, nihil apponendum esse, quam sanctè & religiosè cauebant. Nunc Moyses multis placet; Christus, eiusque Euangelium, displicet; nouum Testamentum, recens quoddam & nuper excogitatum opus esse videtur: nō multorum, aut temporū, aut hominum

minum auctoritate comprobatum;
veterem legem, & antiquitate, & iu-
dicio omniū gentium plurimum va-
lere, quomodo omnes illi sentiunt,
qui noui Iudaifantes dicuntur.

Quid de Sacramentorum vi, integri-
tate, veritate, sanctitate, frequenti v-
su, quam præclara, vt quidem vide-
bantur quondam, tradebant. Nunc,
vel nuda quædam & egena elementa
esse putant, vel illis penitus non vtū-
tur. Maledictum illum esse clama-
bant; qui confideret in homine, qui-
uē carnem poneret brachium suum;
Nunc ipsi nudum & simplicem ho-
minem Iesum Christum, vt quidem
illi impiè blasphemant; grauissi-
mo idolatriæ delicto obnoxij, colūt
& venerantur. Totum certamē, pro
gloria, laude, maiestate Iesu Christi,
se suscipisse profitebantur. Nos ho-
stes & proditores cultus ac nominis
eius, tertio quoque appellabant ver-
bo. Nunc illum quem Pater glorifi-
cavit, & in quo summam splendoris
gloriæ suæ collocatam esse voluit;
ita, vt qui non honorificet Filium,
non

non honorificet & patrem, infra Angelicam etiam constituunt sortem, ac ne ex virgine quidem natum, Machometanis in ea parte deteriores, confiteri volunt: sic facta sunt illis, iuxta prædictionem Petri, posteriora deteriora prioribus. Quàm dissimilia & pugnancia vltima primis, videtis: quæ tamen omnia eò puentura, iam tum à principio illis à Catholicis viris ad vnguem planè prædicabantur. Vnde igitur tâta mentis cœcitas? unde hæc amentia? Descendit Dominus, & cōfundit linguas & sensus eorum, vt non audiat vnusquisq; vocem proximi sui; ac ne suã quidem, quam primò constanter tuebatur, & pro qua fortissimè decertabat. Docet S. scriptura, singulis Ecclesijs, singulos Angelos ad earum regimen & gubernationem, ac custodiam, præfectos esse: quas vbi iusta & æqua voluntate Dei, peccatisq;ue hominum, deseruerint; eas omnibus ignitis telis spiritualium potestatem patere, ac ex errore in errorem prolabi; quos hæresibus ac schismatibus fugari, ipsasq;ue Eccle-

has relinquere testis est grauissimus auctor Hieronimus: quod nostris istis euenisse, dubitandum non est. Verè igitur sermo illorum serpit tanquã Cancer: errorque in principio parvus, in exitu infinitis partibus crescit, nec primum consistet, quam res ad eos redierit, quibus dictum est: Qui vos audit, me audit: qui vos spernit, me spernit Et qui illud verè usurpare possint: Sic nos existimet homo vt ministros Dei, & dispensatores mysteriorum Dei.

Ex quo malo pessimi profectus, alia miserabilis & funesta nascitur calamitas: conscientia scilicet perturbatio, & inconstantia mentis; qui est nouus hereseos fructus; Cauteriatam inquit Paulus, habentes conscientiam; perplexitatẽ quandam, & fluctuationem, denotans conscientia. Dũ enim animũ, in eo quod maximũ est, & in quo vitæ & foelicitatis sũma cõstitit, nullũ certũ modũ, nullũ optatũ inuenit exitũ; ac p̃ tuto portu, in maiores astus, maioraque naufragia, se indies deportari videt; nec vsquam
tam

tam firmiter agit pedem, quin nouis fluctibus argumentorum inde non exturbetur: dici non potest, quantum commoueri & perturbari solet, quantum indignari & planè irasci: nullum mare tantis fluctibus, quantum hic animus cogitationibus estuare ac fluctuare solet. Hinc macies, hinc pallor, inedia: hinc vigiliæ, & nocturnæ excitatiões, hinc in via, in balneo, ad mensam, in lecto, disceptationes, ac perpetuus ad easdem cogitationes, recursus: hinc leui ex causa maximæ offensiones, & scandala; hinc repetitæ cōsultationes, cōuētus, & synodi hinc vitæ & lucis tædiū: hinc spontaneæ sibi manuum illationes; hinc alia infinitæ cruces. Cauteriato enim membro, nulla quies. Ex qua animi ac conscientia ægrimonia, exoritur metus quidam & trepidatio; vt metuāt vbi non est timor: fugiant nullo persequēte. Virtutis .n. viri fundamentū, recta cōsciētia est. Probatū est hoc nupaliquoties apud nos, his proximis Tartaricis incursionibus; quid actū,

quomodo trepidatum sit, scitis. Non
 factitarunt hæc maiores nostri, qui-
 bus certa & explorata fuit pietatis &
 religionis suæ ratio: qui non nisi cum
 dijs, vt aiunt, & sacris, bona conscien-
 tia, pro fortissimo clypeo recti, in aci-
 em & certamina descendere solebāt.
 Quanquam autem hi conscientia tu-
 mult⁹ in omni illos perturbent vita,
 maximè tamen in morte excitantur,
 cōtrarijs argumentis in vtramq; par-
 tem colluctantibus, assensu fluctuan-
 te, Diabolo tunc omnia in immen-
 sum augente; ita, vt vix centesimum
 æquo animo mori videas. Quam eo-
 rum miserabilem conditionem, Vin-
 centius Lirinensis ante mille annos
 disertè in hunc modum deplorat; Et
 perire metuūt, & redire erubescunt,
 faucij, semineces, semiuui; quippè
 qui tantam veneni hauserint quanti-
 tatē, quæ nec occidat, nec digeratur,
 nec mori cogat, nec viuere sinat. Heu
 miseranda conditio, quantis illi cu-
 rarum æstibus, quātis turbinibus exa-
 gitantur. Nunc etenim qua ventus
 impulerit, incitato errore rapiuntur:
 nunc

*Vincent. Li-
 rinen. lib. de
 hæresibus
 cap. 25.*

nunc in semetipsos reuersi, tanquam contrarij fluctus reliduntur: nunc temeraria præsumptione, ea quæ incerta videntur, approbant: nunc irrationali metu, etiam quæ certa sunt, expauescunt: incerti quæ eant, quæ redeant; quid appetant, quid fugiant, quid teneant, quid dimittant. Quæ quidem dubij & malè penduli cordis afflictio, diuinæ erga se miserationis est medicina, si sapiant. Idcirco etenim extra tutissimum Catholicæ fidei portum, diuersis cogitationum quatiuntur, verberantur, ac penè necantur procellis; vt excussa in altum, elatae mentis vela deponant, quæ malè nouitatum ventis expanderant, seseq; intra fidissimā stationem placidæ ac bonæ matris reducant & teneant, atq; amaros illos turbulentosq; errorum fluctus primitus reuomant, vt possint deinceps viuæ & salientis aquæ fluenta potare. Dediscant benè, quod didicerunt non benè: & ex toto Ecclesiæ dogmate, quod intellectu capi potest, capiant; quod non potest, credās. Hæc ille.

*Petr. Epif.
2. cap. 2.*

Sequitur decimus ille lethalis radicis, lethaliior fructus; religionis vniuersæ, cultusque diuini ruina, vltimumque exitium. Quem D. Petrus illis innuit verbis; Venient, inquit, in nouissimis diebus in deceptione illudores, iuxta proprias concupiscentias ambulantes, dicentes; Vbi est promissio, aut aduētus eius? ex quo enim Patres dormierunt, omnia sic perseuerant ab initio creaturæ. Quod quidem & res ipsa idita esse, nulla confirmante scriptura, demonstrat. Cū enim vniuersa fides ac religio Christiana, neque demonstratione nitatur, neque sensui subiecta sit; sed sola fide, consensu, auctoritateque constet; his sublati, aut saltē labefactati, omnem religionem auferri oportet. Hac potissimū ratione versatur quis inter Catholicos, habet argumenta, habet scripturas; confert se item ad Sacramentarios, eadem omnia; item ad Anabaptistas, non infirmiora; ad Trinitarios, Arrianosque eodem modo. Quæ omnia, ex iisdem sacra scripturæ ipsiusque rationis fontibus petita cum

cum animus infirmus & cauteriatus
digerere non possit, magna vnde qua-
que pondera rerum & personarū dū
videt, omnia simul cum summo acer-
bitatis dolore euomit, vniuersamque
abnegat fidem, ipsoque infideli effici-
tur deterior: Qualem nunc non vnū
& alterum, sed plenos eorū inter nos
videmus versari greges: qui illud iam
confiteri non erubescunt, se, quod in
religione sequi debeant, plane ignora-
re, omnia hæc quæ verissima esse pu-
tabant, falsa & conficta esse; religio-
nis & pietatis nihil præter speciosum
nomen & titulum existere Et hæc qui-
dem plurimi propalā, alij autem
qui paulò moderatiores prudentio-
resque sunt, cū publicè id affir-
mare non audeant, in corde tamen suo
illud cum impijs occinunt, Non est
Deus; quorum numerus & multitu-
do etsi soli Deo cognita sunt, esse ta-
mē quamplurimos, vita & mores ho-
minū corruptissimi testātur. Euene-
rat hoc in Philosophia quondā. Dum
.n. Reges ac maximi quiq; hoēs phi-
losophabantur, grauiter tunc & seriō

omnes explicabantur Philosophiæ partes; nihilq; affirmabatur, nisi quod ex ipsius naturæ principijs, ac planè visceribus, depromeretur. At, postea quàm Philosophia ad homines egentes, vanos, ostentationique deditos, translata esset, qui eius finem lucrum potius & quæstum, inanemque gloriam, quàm veritatem sibi proponebant; tunc omnia ad nugas quasdam & ineptias, incredibiliaque paradoxa translata sunt: quibus stultæ plebeculæ, illi ambitiosi magistri admirabiles videri voluerunt. Hinc illa omnia vnum esse, cælum in ppetua quiete manere, terram autem incitato cursu agitari, motum in rerum natura existere nullum; hinc niuem nigrā, & quid non? Quibus altercationibus eò res deducta fuit, vt nihil certò sciri aut affirmari posse existimaretur, illique sapiētissimi iudicati sunt, qui nihil se nec magnum, nec paruum, scire profitebantur. Talis Socrates, talis Carneades fuit. Philosophi ipsi ex urbibus & ciuitatibus eam ob causam eieccti, planeque tota ruiſſet Philosophia,

phia, nisi illa duo sapientiae lumina, Plato & Aristoteles, rem planè collapsam seriò philosophando restituis-
sent. Sic nimium altercando, omnis amittitur veritas.

Vltimus est ille, qui hæc omnia ob-
signat mala, tam exitiosi portenti fru-
ctus, vocata in dubium re omnium
maxima & sanctissima religione; le-
ges item, moresque antiquos, virtu-
tem, omneque honestum, in dubium
vocari, hominum potius hæc institu-
to & opinione, quam vi & natura sua
constare; sicque omnis honesti rectæ-
que rationis habentis solutis, omniq;
disciplina sublata, à virtute ad vitia,
non iam pedetentim & lento gradu,
sed præcipiti cursu disceditur; sic om-
nis honesti alea iacitur. Nam vt firmæ
& constantis de religione opinionis
omnis ordo, virtus, & honestas inse-
parabilis & perpetuus comes est; qua-
rum rerum illa mater, nutrix, & cer-
tissimus custos existit; quarum mu-
nera & præmia secum portat; quibus
item maximum decus addit, sum-
mamque facit fidem & authoritatem.

Sic vera & constanti religione perturbata, aut penitus ex aliqua republica sublata, ac in perpetuum exilium acta: comites eius, virtutem, honestatem, disciplinam legum, atque magistratum auctoritatem, excludi necesse est. Quid enim illum animum potissimum mouebit, quem metus numinis diuini omnia perspicaci suo oculo intuentis non mouet, aut quid apud illum magnum erit, apud quem ea quæ maxima & sanctissima natura sua sunt, momentum habent nullum. Hi sunt igitur illi, quos quærebamus, hæreseos proprii & peculiares fructus non ex nostro ingenio, vt videtis, desumpti, sed ab ipsis Apostolorum principibus explicari, omnium autem temporum decursu exemplis comprobati.

Sic igitur rem totam concludamus; si ante septuaginta hos ipsos vel octoginta annos, hi tales fructus in Ecclesia Catholica exoriebantur, falsi erant Prophetæ illi, qui Christianam profitebantur doctrinam; Si autem tum in ea negligentia, quam
& ipsi

& ipsi videmus, & isti tantoperè ac, culant, nihil horum orbem vexabat Christianum: nunc autem istis ducibus, & ea tam diligenti Scripturarum venditione, hi fructus, tanquam ex quadam Epimerthei Pandora promanant; quid aliud dicemus, quàm maiores nostros parum quidem illos diligentes & continentes homines fuisse, falsos tamen Prophetas nequaquam appellari debere; hos autem, prima quidem specie pietatem & veritatem prætulisse; intus autem lupos rapacissimos esse. Vultis- nè vobis in meridie lucernam accendamus? si iudicatum erit in meridie non lucere, hæc ita se non habent: si autem hæc verissima sunt, quid amplius desideratis, in re præsertim tanti periculi? Hi enim fructus, vitam singulorum perturbant, funestaque labe inficiunt Respublicas evertunt, omnem autem pietatem & honestatem extinguunt. Eorum tamen malorum satores vos suspicitis, ac in delicijs habetis, in manibusque planè portatis vestris: horum vita, fortunæ,

næ, tot confœderationibus, tot præ-
sidijs legum, tot Sacramentis, apud
vos ita tecta & communita sunt; vt
hæc, vel officina ipsa, extremaque cõ-
ditionis homines, Regibus & Magi-
stratibus insolenter obijcere, illisque
suam impietatem tueri non verean-
tur: parumque est quod non puniun-
tur, sed aliunde etiam conquiruntur;
sed publicis præmijs ac honoribus p-
uocantur, sed in ore ipso Regum atq;
Principum, ea semina malorum iace-
re non erubescunt. Persimilis hæc au-
la est diurnæ febri, quæ nunquam
ægrum deferit, nisi prius aliquod vi-
tium, tanquam signum & monumen-
tum sui, in ægro corpore reliquerit.
Sic nos nusquam venimus, vbi non
aliquas reliquias eius pestis & conta-
gionis, inter eius loci & vrbis homi-
nes relinquamus. Ac vereor, ne in
hac ipsa ab ea labe, Dei munere, inte-
gerrima vrbe, aliqua eius pestis semi-
na relinquamus, quæ postea in simi-
les erumpât fructus. Quæ omnia, cui
malo? num verbo Dei? num veritati?
nequaquam; hæc enim manent in æ-
ter-

ternum: his nulla malicia humana
 aut abrogare, aut derogare potest
 quicquam. Num Ecclesiæ Dei, & Re-
 gno Christi? non item: Hæc enim est 1. Tim. 3.
 columna & firmamentum veritatis,
 ædificata in firma petra; cōtra quam,
 ne portæ quidem inferi prævalere pos-
 sunt. Cui igitur malo? Rebus publicis;
 quarum hoc exitium, hic certissimus
 est interitus: Regibus ac Principibus
 ipsis, quibus hæc omnia exedenda e-
 runt, quæcunque isti diuini magistri
 intriuerint. Verùm dicet quis; hæc
 quidem de cæteris Sacramentariorū,
 Arrianorum, Anabaptistarum sectis
 verissimè dici: Augustanæ autem Cō-
 fessionis nequaquam conuenire. Cæ-
 terum, vultisne meum de Augusta-
 na, quod antea nunquam attuli, au-
 dire iudicium? paucis accipite. Spero
 enim vos id, quod ipsa res docet, ap-
 probaturos. Habet Augustana pel-
 les, vellera, longè speciosiora, & ad fal-
 lendum magis accommodata, quàm
 reliqua hæc monstra hominum; fru-
 ctus autem persimillimos. Solent Pla-
 giarij, qui homines vel ex littoribus,
 vel

vel ex oppidis furantur, cum ipsi illorum locorum hominibus inspecti sint, habere secum quosdam; vel ex illis ipsis oppidanis, vel saltem persimili habitu & vestitu ad ornatos; hos ex nauibus ad oppida vicina demittunt; vt familiaritate cum illius loci hominibus, atque adeo pueris ipsis inita, eos ex oppidis in solum locū ad littora, tanquam in ambulandi causa educunt. Quos vbi primū illi eduxerint, isti rapiunt ac in naues coniectos, secum in medios fluctus asportāt. Plagiarijs sunt persimiles, ceteri heretici: Augustana ipsa, ex hoc genere hominū insidiosorum est; qui similitudine victus & habitus, homines ex tuto Ecclesiæ Catholicæ sinu, in littora, Piratis obnoxia deducunt; idq; propter eam similitudinē & vicinitatē, quā se cū Catholica ecclesia habere simulāt; qua in cautis & simplicibus hominib⁹ facilimē imponūt. Exaudire enim licet illas voces, eandem hanc religionem esse, iisdem principijs & fundamentis inniti: in cultu & cæremonijs nescio qd discrepare. Quos vbi semel
ex lo.

ex loco tuto eduxerit, hūc Sacramen-
tarius, illum Anabaptista, istum Ari-
anus, aut Trinitarius quispiam rapit;
cum eoq; in ipsos exitiosissimos cer-
tissimæ perditionis scopulos fugit.
Quem enim isti funesti Plagiarij ex
Augustanæ sinu non rapuerunt? quē
ista insidiosa Syren ex portu Ecclesia-
stico non eduxit? aut quis ex istis Au-
gustanam fidem à principio non erat
sequeutus: Haberis veram, vt puto, Au-
gustanæ formam & imaginem, si hoc
idem res ipsa non docet, nolite crede-
re, si autem veritatem dico vobis, qua-
re non creditis mihi? Attendite igitur
vobis à falsis Prophetis; sed maturē,
priusquam hoc incendium ita auge-
atur, vt postea nisi vestra ruina extin-
gui nō possit. Deus miseriatur vestri,
& hoc tantum malum, quo tot Res-
pub florentissimæ perierunt, à vobis,
cervicibusque vestris auertat.

A M E N.

DOCV.

DOCUMENTA VTI-
LIA PRO INSTRUCTIONE
PASTORVM, CIRCA EA QVAE AD
suum officium pertinent.

*Pastorale officium tria praecipue comple-
ctitur, Cognitionem, Custodiam, &
Pastum ouium.*

Ad cognitionem ouium
utile fuerit.

Primùm, vt Pastor paret librum
in cui⁹ primo capite nomina sin-
gulorum suorum subditorum per fa-
milias describat; annotatis artibus,
opificijs, negotijs, & exercitijs, qu-
bus quęq; familia vacat & intēta est.

In secundo capite eiusdem libri
adnotabuntur nomina nascentium
& baptizatorum, vna cum nomini-
bus patris & matris: nec non suscep-
torum eorum, quos non admittet su-
pra duos; iuxta ordinationem sacro-
sancti Oecumenici Concilij Triden-
tini. Annotabit etiam annum, men-
sem, & diem, collati Baptismi.

Expe.

Expedit quoq; annotare eos qui Sacramentum Confirmationis susceperint, præfixo signo ✕ aut alio simili id designante in margine vtriusque præcedentis Catalogi; nisi malit tertio capite constituto, singulos seorsum annotare.

Singulari diligentia vtetur pastor, in annotandis ijs qui in festo Paschæ cōfessi fuerint, & communicauerint; iuxta salutarem Ecclesiæ institutionē quotannis: signo aliquo prænotato ijs, seu eorum nominibus, qui hæc neglexerint; aut si malit, seorsum eos annotando: vt dispiciat, quid circa illos facto opus sit.

Annotabit quoque in alio capite, nomina eorum quos matrimonio coniunget: & aliquot principalium testium qui adfuerint: necnon tempus dictæ coniunctionis.

Item, Exterorum aliunde aduentantium, magnam (hoc præsertim turbulento & calamitoso tempore) conueniet habere rationem.

Vtiliter etiam faciet, si nomina annotet ex hac vita decedentium, vel a-

T lias

lias sua Parochia abscedentium, cum temporis hui⁹ decessus aut abicessus designatione.

Deinde, publicos peccatores, ac publica peccata, quibus in vita aut doctrina delinquitur. Ad hæc scandala, & occasiones peccatorum ex deprauata aliqua consuetudine apud suos vigente, velut sunt ludi, choreæ, comotationes, & alia id genus, quibus inuentus vacare solet, & quidem temporibus quibus minimè cōgruit; hoc est, Dominicis & festis, interdum etiam dum diuina officia in Ecclesijs peraguntur, studeat pastor habere cognita.

Item, Mores singulorum & vitia; eorum quoque causas & occasiones, deprauatas inclinationes. Et si quæ sint inter aliquos inimicitia & dissidia, partim ex vicinis, partim ex communi & familiari conuersatione, cognoscere studebit.

Quæ item ad corpus & res subditorum pertinent, non sint illi ignota; vt si qui corpore infirmi, si pauperes, orphani, viduæ, si qui auxilio destituti, aut

ti, aut calumniam sustinentes, aut iniuste per ditiorum potentiam oppressi.

Demum diligenter obseruet, si qui à iure vel ab homine excommunicati, & à communicatione fidelium separati, & super omnia (quod hoc tempore admodum necessarium est) si qui in suo grege existant hæretica prauitate infecti, aut de ea suspecti, vel diffamati. Item, quos libros quisque habeat, si ubi habeantur suspecta conuenticula.

*De custodia ouium, & ijs quæ
ad eam pertinent.*

Boni ac diligentis pastoris fuerit, præscriptis malis pro viribus occurrere. In primis autem ijs, quæ puritatem & simplicitatem Christianæ & Catholicæ doctrinæ corrumpunt, hæresibus dico: quas per suos ministros Satanas disseminat, perniciosus subinde libellis ad hoc vtēs, & alijs suæ veritatis diuersis artibus.

Eiusmodi homines, quos metuet dicta labe infectos, primum seorsim admonebit, & quoad poterit, ad viam

T 2 veri-

veritatis, & ecclesiæ gremiū reducere studebit, iuxta regulas fraternę correctionis. Si hac via nihil se proficere deprehenderit, superioribus denūciabit.

Libros subditorum, pastor sibi exhiberi curabit, & si quos ex illis deprehenderit Hæreticos, aut de hæresi suspectos, vel alios pietati seu morum honestati inutiles, cæteris qui boni deprehensi fuerint redditis, hos exuret aut visitandos dominis inquisitoribus mittet, vna cū illis, de quibus dubitabit boni ne sint an mali, vt aut de eiusmodi libris pastor facilius iudicare queat, conueniet eū habere indicē librorū, authoritate Apostolica prohibitorū, à deputatis S. Conci. Trid. editū.

Deinde, quæ in moribus peccantur, siquidē publica sunt, publicē venient arguēda; similiter occasiones eiusmodi peccatorum. Qua admonitione & correptione si nihil promouerit, imploret superiorum patrocinium.

In primis autem, sollicitus intendit pastor, circa ea vitia corrigenda & extirpanda; quæ ex longa & inueterata consuetudine sunt apud suos magis fami-

familiaria: vt sunt plerunque iuramēta, dæmonū inuocationes, malæ imprecationes, iurgia, rixæ, pugnæ, fraudes multiplices in contractibus.

Solicitus etiā erit, diffidia, si quæ inter suos nata nouerit, (subtracta prolixarum litiū materia, quibus se inuicē perdere solent) sopire; & sua, ac aliorū bonorum virorū intercessione, dissidentes ad amicabilem cōcordiā reuocare. & excōmunicatos, vt Ecclesiæ reconcilientur, admonere.

Diligens quoq; cura adhibenda est, circa institutionem iuuentutis; tū in literis, tum in Christianis morib⁹; curabit proinde pastor cum magistratū loci, vt ludimagister habeatur prob⁹, & diligens, & censura ad examen deputatorum approbatus, qui hāc ætatem in modestia & pietate instruat, ac fidei rudimentis, eosdē docens reuerētes & deuotos esse in Ecclesia, domi parentibus obsequētes, ac omni loco verecūdos, modestos, & honestos.

Externum neminē recipiat pastor in gregem suum, nisi qui à fide dignis testimonium authenticum exhibue-

rit suæ probæ ac inprimis Catholicæ vitæ, & conuersationis: & siquidē mulierem comitē habeat, diligenter inuestiget, sua nē vxor sit legitima, an scortum, vel concubina.

Si quis per carnis lapsum puellam dehonestauerit, curet pastor, vt ille, si liber sit, eam in vxorem ducat, vel eā dotet; aut honesta aliqua ratione, ipsius, ac parentum eius, animū capret: alioquin à cōmunionē arceatur. Et nisi puella deflorata pro reparatione sui honoris prior agat, p̄ magistratum in eū animaduertatur.

Si quis à cōmunionē fidelīū vitæ & conuersatione discrepet, & se abstinendo ab Ecclesiæ frequentatione, aut diuinis officijs, vel Sacramētis Ecclesiasticis, aut per contemptū Ecclesiasticarum constitutionū, vel sacramentorum caeremoniarum, de Hæresi suspectū reddat: admoneatur iuxta normam fraternæ correptionis, & si non corrigatur, Episcopo denunciatur.

*De duplici pastu ouium, ad animam
& corpus spectante.*

Anima-

Animarum pastus, in doctrina positus est, Sacramentorum administratione, & sacrificiorum oblatione, necnon exemplo bonæ vitæ.

Ad doctrinæ curam pertinet, ut omnes pro diuersitate ætatis, ingenij, status, ac conditionis, & occurrentiū rerum necessitate, instruātur, in quo, primum locum obtinere debet Catechismus: quo primæ rudimenta fidei, & pietatis Christianæ, pueris & rudib⁹ diligēter & dilucidè explicētur.

Instruendi sunt parentes, domini, mariti, de cura inferiorum, & subditorum; filij quoque, & inferiores, admonendi sunt, ad obseruantiam & obedientiam maioribus præstandam. Coniugati, vel contrahere volentes, docendi sunt de sacramēto Matrimonij, & legitimo eius vsu ac fine.

Per Pastorem sapius populo publicanda est cōstitutio Sacrosancti Cōcilij Tridentini, qua decernuntur matrimonia clandestina: hoc est, quæ aliter quam præsentē parochō, vel alio Sacerdote, de ipsius parochi, seu ordinarij, licentia, & duobus vel

tribus testibus contrahuntur, esse nulla & irrita: & si qui hoc modo coniuncti inueniuntur, ij vel separandi sunt, vel legitimè, modo in dicto Cōcilio præscripto, coniungendi: quod si horum neutrum ab ijs obtineri potest, erunt superioribus denunciādi, quorum autoritate compellantur.

Agricolæ, mercatores, cæteri que artifices, omnes instituendi, quomodo quisq; in exercitio suæ artis iustè versetur, vt neque Deum offendat, neq; proximo aliquam iniuriam inferat. Breuiter curandum, vt nulli desit salutaris, & suo statui conueniens doctrina: siue diues, siue pauper, siue infirmus siue sanus, siue tristis & desolatus, siue in prosperitate vitam agat. De qua diuersitate, & qua circumspeditione oporteat cum vnoquoque agere, pulchrè inter alios docet diuus Gregorius in suo pastoralì.

Porro, quæ cōmunia sunt omnib⁹, frequenter sunt proponenda & inculcanda: videlicet de timore Dei, de custodia mandatorum eius, de memoria nouissimorum, de frequentandis
Sacra-

Sacramentis poenitentiae & Eucharistiae; de operibus pietatis & misericordiae, de cauendo luxu & immoderatione in vestitu & conuiujs.

Aduersus odia, contumelias, diffamationes, detractiones, rixas, iurgia, dissidia, pugnas, iuramenta illicita, demonum inuocationes, malas imprecationes, fraudes & dolos, iniquas machinationes. & reliqua vitia, strenuè & absque vlla dissimulatione claudendum est; & vt tandem extirpentur, totis viribus (prudenter tamen & discretè) laborandum est: & praesertim ea, quae quisq; nouit apud suos familiariora, & magis vsitata atq; radicata.

Docere quoque debet pastor, utilitatem & necessitatem crebrae orationis, diligentis frequentationis Ecclesiae ad doctrinam, Missae Sacrificium, & alia officia Ecclesiastica audienda; & quo pacto se in illis populus gerere debeat. Mysteria quoque Missae, & quid in ea agatur, vtile fuerit populo subinde explicare.

Sacramentorum quoque virtus & vsus, erunt sedulo populo explican-

T s da:

datum, alias oportunitate habita, tū in ipsa eorum administratione, iuxta formulam in libris ad hoc editis præscriptam, quam ex eis legere poterūt, quibus deest gratia ex rēpore ea memoriter proponendi; sic fiet, vt populus ad frequētius & reuerētius ea suscipiēda excitetur, deuotiusq; illis dū administrabuntur assistat. Operę precium quoque erit explicare vim & significationem cæremoniarum, quarum vsus est in illis administrandis.

Postremo, non modo verbo, verū inprimis incontaminatę vitę exemplo, debet pastor gregē suū pascere: sollicitē curādo, vt pietas, religio, honestas, affabilitas, patiētia, hospitalitas, sobrietas, castitas, omniumq; rerum moderatio, ac ceterę virtutes, ad quas alios hortatur, in ipso eluceant, sic vt ex inspecta ipsius vita, discant subditi quomodo debeant formare suam.

Non debet præterea pastor pro ratione facultatum suarum, pauperum curam negligere; sed corporali illorū indigentia, tum per se, tum per alios ditiores, quos ad hęc publicē & priuatim

tim incitet & sollicitet, subuenire, ne virginibus, pauperibus orphanis, viduis, infirmis, sit ipsa necessitas occasio alicuius peccati, & tentationi succumbendi.

Inter omnia, nihil æquè putamus esse necessarium, atq; assiduam, tū p se, tum pro suis orationē, ac sacrosancti Missæ Sacrificij crebrā & deuotam oblationem: sunt, n. sacerdotes & in primis pastores animarum ad hoc ex hominibus assumpti, & pro hominibus constituti, in his quæ sunt ad Deum; vt pro suis, & ipsorum peccatis, offerant Deo Patri hoc præclarum donum & Sacrificium.

Deum, temporalium bonorum ad suum pastorem spectantium, cura ad ipsum pertinet: tum ex suscepto officio, tum ex iuramento in sua institutione præstito, Vnde cōueniet librū parari authenticū, in quo census, redditus, ac vniuersa bona ad suā ecclesiā pertinentia, quotannis ascribet, ac solutiones eorundem. Caueat aut nequicquam eorū (nisi pro euidenti utilitate Ecclesiæ, & cum consensu superio-

superiorum) alienet, verum deperdita pro viribus recuperare studeat.

Fabricæ quoque, ac luminaris & mensæ Altaris, solertem curam suscipiet; curabitque quotannis per eorū administratores, rationes reddi: si quas legales inuenerit, in signum approbationis subsignabit.

Ornamentorum quoque Ecclesiasticorum, ac vasorum sacrorum; eorum imprimis, quæ ad asservanda ac ministranda Sacramenta sunt necessaria curam ad se pertinere intelliget; ut hæc sint integra, honesta, munda, ac nitida: mundicia enim & decor externus, præterquam quod per se domum Dei decet, deuotionē excitat, & reuerentiam, tum populi, tum ipsorum ministrorum Dei: & negligentia circa hæc testis est animi; parum erga cultum & reuerentiā, quæ Deo & ipsius Sacramentis debetur, affecti.

Simili quoque ratione, circa reliquias & imagines Sanctorum aduigilabitur, ut cæmundæ & decenter habeantur.

Libri quoque cantuales, & cæteri
quo.

quorum est vsus in diuinis officijs decantandis, aut legendis, aut sacramentis ministrandis necessarii, habeantur & superintendente pastore, per custodes diligenter & accuratè asseruētur.

Postremò curetur, vt circa ecclesie structuram nul'us sit defectus: vtque ipsa sit munda & nitida, & decenter ornata. Ipsum quoque cœmeterium conclusum, vt non pateat ingressus pecoribus; improbanda est enim, quæ ie plerisque locis regnat consuetudo, seu potius corruptela, vt pecora in cœmeterijs pascantur, etiam sordidiora vt sunt porci, boues, vaccæ, equi, asini. &c.

Ex præmissis omnibus diligenter expensis, facilè pastor quisq; animaduertet, quam sit operosum suum officium, quantamque & quam continuam requirat vigilantiam, curam, & sollicitudinem quodq; pastori minime satis sit, horas canonicas legere, Missam celebrare Sacramenta ministrare diebus Dominicis, aut etiam festis, Euangelij occurrentis expositionem populo suo proponere, ex ijs
enim

enim liquet, multa alia requiri, ita vt
omni tempore satis superque futurū
sit, in quo pro gregis sui salute vtili-
ter occupetur, vel orando, vel
legendo, vel agendo, vel quid actur-
us sit meditando: vnde etiam colli-
gitur, quam sanctè à S. Concilio Tri-
dentino decretum sit, residentiam
personalem Pastorum esse iuris diui-
ni, nec pastorem sine graui peccato
(cessantibus legitimis causis) posse à
suo grege abesse.

Ex iisdem instruuntur Pastores, su-
per quibus fiat, seu fieri debeat inqui-
sitio, in visitatione suarum Ecclesia-
rum, si quando illam per Episcopum
vel Archidiaconum, seu eorum vica-
carios, fieri contingeret; & quo pacto
poterunt dictis visitatoribus respon-
dere, & satisfacere, si præmissa strenu-
uè præstare studeant; vt mereantur
præter duplicem honorē, quo in hac
vita digni sunt, qui benè præsumt pres-
byteri, in verbo, & doctrina laboran-
tes, post huius vitæ ergastulum
vitæ æternæ immarcescibi-

lem coram.

FINIS.



